

ADVERTISSEMENT, 1586

# DES CATHO- LIQUES ANGLOIS AUX

Erançois Catholiques, du danger  
où ils sont de perdre leur Religio,  
& d'experimenter, cōme en Angle-  
terre, la cruauté des Ministres, s'ils  
reçoient à la Couronne vn Roy  
qui soit Heretique.

## ESECHIE L 33.

*Celuy qui verra tomber le cousteau sur la terre & l'an-  
noncera au peuple. si le peuple n'en tient compte, &  
que le cousteau le frappe & le mette  
mort, son sang demeurera  
sus sa teste.*

---

1586.

## SONNET.

FRANCE, t'ebahis tu si la fureur de Dieu  
Sans cesse te poursuit & t'vlcere & te mine  
Si la guerre & la peste, & la peste famine  
Cōme vn feu deuorāt te cōsōme en tout lieu?

L'horrible impietē qui dessus ton adueu  
Auecq inpunitē en ta tetre chemine,  
Le crime d'endurer Iesabel ta voisine  
Plōger au sãg Chrestie, te destruit peu à peu

Tu es confederee à la Mort qui te suit,  
L'heresie auecq' toy paillarde iour & nuict  
Tu es la Babilon mere de toute ordure.

Ton lis s'en va mourir l'en peux tu garentir?  
Il put au nez de Dieu cōme vne fleur impure  
Il l'a mis sous le pied pour plus ne le sentir.

# ADVERTISSE MENT DES CATHOLIQUES

*Anglois aux Francois Catholiques, du danger ou  
ils sont de perdre leur religion, & d'experimenter,  
comme en Angleterre, les cruantez des Ministres ils  
recoiuent à la couronne vn Roy qui soit heretique.*

**M**ESSIEURS vous aurez peut estre oc  
casion de vous esbahir, que depuis le  
temps de la contagion de l'heresie a  
saisi vostre Estat, & que le mal des  
guerres ciuilles vous a si estrangement trauaillez  
vous n'ayez eu de nostre part remedes ny  
consolation. Non pas que la diuersité de nos  
mœurs, ny la diuision de nos Prouinces, ny les  
vielles querelles de nos Roys ayent retardé  
nostre affection. Car, graces a Dieu, la paix  
interuenue a vuidé nos differens, & la fidelité  
iurée en vn mesme Eglise, avec l'amour qu'a-  
uons en nostre religion, ont assez lié & concilié  
nos volontez. Mais aux accez de vostre mala-  
die, vous voyant sans douleur de teste, & que le  
Roy qui vous commande, estoit tres-Chrestien  
& Catholique, nous estimons que le mal ayant  
fait ces efforts, finalement venant à s'alentir vo<sup>s</sup>  
vous pourriez facilement retourner à vostre  
premiere santé.

Toutefois depuis le decez du Duc d'Anjou no<sup>s</sup>  
auons bien changé d'auis, ayant veu redoubler

A ij



*Motif de  
sout le dis-  
cours sui-  
uant.*

ses accez & ayant entendu ce qui se pratiquoit  
sourdement pour vous assubiection à vn Prince  
heretique. Et pource que nous auons gousté en  
Angletterre, & goustons encores chacū iour les  
fruits de telle subiection, c'est pourquoy nous  
auons estimé qu'il vous falloir aduertir de ce qui  
se brasloit contre vostre religion tant pour no-  
stre interest particulier (qui auons trouué en vo<sup>re</sup>  
toute espee d'humanité contre les cruantez des  
Ministres) que pour la consequence de la chose  
qui concerne vos biens, vos consciences & vos  
vies: qui importe non seulement du repos de  
de l'Europe, dont la France est le petit œil, mais  
aussi du salut de toute la Chrestienté. A cette occa-  
sion nous auons dressé cet Aduertissement, ou no<sup>us</sup>

*Tout le dis-  
cours pro-  
posé diui-  
sé en cinq  
points  
generaux  
Similitude  
prise de 2.  
malades  
& rappor-  
tee.  
aux affli-  
ctions de  
France  
& Angle-  
terre.*

auons discouru de la qualité du mal qui vous  
trauaille, des Principes, progrès, & acctdens di-  
celuy, des moyens qui ont empesché vostre gua-  
rison du danger ou vous estes a present, si vous  
ny prenez garde, & finalement des remedes  
promps & assurez dont vous deuez vser, pour  
paruenir a vostre premiere conualescence. En  
quoy vous estimerez s'il vous plaist, nous estre  
aduenu ce qui aduiét souuent à deux bons voi-  
sins touchez de mesme maladie, qui se visitent se  
consolent & conseillent ensemblement, & dōt  
le plus malade aduise l'autre de se bien garder, &  
tenir regime, & d'euitier ce qui peut nuire a sa  
santé. La France & Angletterre sont deux Roy-  
aumes proches & seulement diuisez d'un traict  
de mer, comme sont deux voisins, d'un ruisseau  
qui tranche le milieu de leur rue. L'un & l'autre



autresfois se sont veuz grand& florissans: & peut on dire, que sous la religion Catholique, Apostolique & Romaine, ils sont paruenuz en vne santé telle qu'on la peut desirer aux Royaumes de plus longue vie. Toutesfois par succession de temps ils sont tombez malades de mesme maladie, qui les à tellement affoibliz, lassez & debilitiez, qu'en l'vn il ne reste qu'un peu de vie, estant abandonné des Medecins: l'autre il y a quelque esperance de salut, toutesfois assez legerement fondee. Et ce qui faict desesperer de la santé du premier c'est qu'à plus fort de ses accez, & en l'extreme rigueur de son mal il dict qu'il se porte bien, & pense ne sentir aucune douleur, se mocque d'amis & de medecins, & quelquefois quand le fumet luy monte en la teste, il se courrouce de telle impetuosité, que transporté de son entendement, il abandonne le liét & se iette sur eux, & les deschire en pieces.

Or la maladie qui trauaille l'vn & l'autre Royaume est l'heresie, genre de mal violent, malin & contagieux, causé par vn tumeur d'esprit, accompagné d'opiniaistreté, & d'un amour de soy-mesme qui le rend vn des plus dangereux de tous les maux qui tombent au corps des Royaumes. De ce mal ont esté attaincts plusieurs peuples & nations, qui pour auoir negligé les remedes propres & conuenables (comme il semble que vous les mesprisez) se sont trouuez non seulement affoiblis & debilitiez, mais à la fin vaincus de la maladie, & peu apres entierement perdus & ruinez. En ces derniers temps (ce que nous

*1. poinct,  
la qualité  
du mal  
qui est l'heresie.*

ne pouuons dire sans larmes) l' Angleterre à senty les pointes & violéces de ce mal. Qui trouuât les Catholiques endormis, voire enseuclis en oisiveté, c'est tellement & si violemment emparé de toutes les parties de son Estat, que s'estant rendu maistre & du corps & des membres, il n'y a rien qu'il n'ait mis en ruine & desolation. Et si mes la tombez que pour n'auoir tenu conte des Aduertissemens qu'on nous donnoit, & pour auoir mesprisé les remedes vtiles & necessaires à maladie, & pour nous estre soubsmis à vne Princeesse heretique, qui pour nous contenir donnoit quelque espoir de conseruer nostte religiô, maintenant, à nostre gtand regret) nous voyons l'atheisme planté en Angleterre, Dieu exillé & bany de nospays, l'Eglise despouillee, destruicte & violee, les Temples pollus, les Catholiques effrayez, les prestres questionnez, peuduz deschi rez, & bref les gibets les places, & les portes des villes, estoifees de testes bras & iambes de nos pauures fteres Catholiques, qu'on à pour la religion cruellement meurtris, tronques, & mutiliez: & si peu qu'il en reste, faicts esclauies de l'audace & arrogance des impetueux Ministres de Sathan, qui sont les bourreaux perpetuels de leurs vies.

Voila, Messieurs, les tristes effects que ceste peste d'heresie à produits en Angleterre, & dont les euenemens futurs sont plus à craindre que les tristes accidents du passé. Qui est vn bel exemple & vn mirouer assez clair pour y cōgnoistre le danger qui nous menace, & auquel si vous ne

*Miserable  
estat des  
Catholi-  
ques d'An-  
gleterre.  
sous la  
puissance  
des hereti-  
ques.*

preuoyez & pouruoyez de bonne heure, affeurez vous qu'estans oprimez tout a coup, il sera fort tard apres la mort rechercher les remedes.

Donc tout ainsi que l'angleterre a senty la secousse de ce mal, la Frâce) (autresfois Trescristienne & Catholique) n'a peu pareillement s'en exempter, En laquelle s'est chaudement iecté & pour matiere propre à son venin, ayant rencontre plusieurs humeurs corrompues & depravees, il s'est rendu si fort, que de premier abord il a gasté quelques parties nobles du corps de vostre Estat, & mesmes a purifié vne partie du sang de France, sang, autrefois si beau, si pur, & si bouillant de deuotion, qu'il n'y a partie au monde où il n'ayt esté respendu pour la querelle de Dieu & de son Eglise Catholique, Apostolique & Romaine.

*point.  
principe  
de mal*

Ce fut lors qu'estant fortifié de ce vicieux amas d'humeurs corrompues, & trouuant le chef de ce corps foible & estonné de la nouveauté de ce mal, il produict les effectz si violens, qu'il n'y eut nation qui n'en fut esmerueillée. Car à Nantes les heretiques osèrent coniurer cōtre le Roy, sous la protection d'un chef muet. Lon donna aux coniurez l'estœuf mi-party de blac & de noir pour le recognoistre aux occurances de leur trahison. Au mesme lieu lon print resolution de cātonner le Royaume iusques à disposer de Gouverneurs & du Conseil Depuis, ouuertement on sarma contre le Roy, & sous ombre de luy presenter vne requeste, on le vint assieger en sa ville d'Amboise: & sans quelques parties nobles, qui

*Coniuration  
ons de heretiques  
contre le  
Roy à Nantes.*

*Conseil de  
cantonner  
le royaume.*

*Coniuration  
d'Amboise*



*Mort du  
Roy Fran-  
çois 2.*

*Siege de  
Paris.*

*Bataille de  
Dreux.*

*Detestable  
trahison  
contre le  
Duc de  
Guyse*

vaillamment s'opposerent à telles entreprises, il n'y a doute que la maladie se fust réduite maistresse de tout le corps voyant la fureur de ce venin, qui altere tellement les fonctions de tous les membres, que de seruiteurs obeissans il en faict des maistres de tyrannie, de fideles subiects en fait de reuoltez, de Catholiques François en fait des partizans d'heresie. Le Roy François mort, que l'on estime non sans occasion auoir esté par eux empoisonné, ils assiegerent Paris, comme le cœur de vostre Royaume, & la fontaine des esprits de vostre Estat: ils prindrent Orleans, & plusieurs autres villes, ou de prime abord ils allerent comme ils disoient à la chasser auprestres, ils pillerent les reliques, & ruinerent sainte Croix, l'un des plus beaux temples de l'Europe. Depuis ils donnerent la bataille de Dreux, où pour le respect qu'ils portoient au Roy, ils tuerent de sang froid le Marechal de saint André, l'un des premiers Officiers de la Couronne: Et pource que les Princes plus affectionnez à Dieu & à l'Estat empeschoient le mal de passer outre, & que par remedes conuenables ils obuioient à toutes ces occurences, voire que desia on le tenoit enfermé pour l'estoufer en peu de temps: ce fut alors <sup>que</sup> par vne detestable production, aliene du cœur d'un François, Beze & l'Admiral susciterent Poltrot, luy liurerent cheual, argent & armes, mesme luy promirent paradis, à fin de maculer ses mains au sang du Duc de Guyse, Prince tresbon & tres genereux, & dont la vie ne fut oncques qu'innocente & tres-profitable.

ble à la Couronne. On fit apres l'Edict de pacifi- *Edict de pa*  
 cation, qui fut comme vn premier vomissement *cification.*  
 excité par ceste maladie, & dont la puanteur sé-  
 rit si mal aux nations voisines, que chacun eut  
 horreur d'vne si monstrueuse cōposition, d'vn  
 Prince avec ses subiects, d'vn Roy tres-Chrestie  
 avec les heretiques, de gens rompus & deffaits  
 avec vn Prince puissant d'armes, d'argét, & d'al-  
 liances, qu'il auoit en toutes les parties de l'Eu- *Coniuratiō*  
 rope. Suyuirent apres les seconds troubles, & la *de maux.*  
 desloyale coniuuration de Meaux, sœur germai-  
 ne de la coniuuration d'Amboise, laquelle estoit  
 diuulguée en Angleterre & Allemagne, plus  
 d'vn mois auparauant l'exécution: Voire avec  
 telle certitude, que le iour de S. Michel il y eut  
 gageure faite bié loin hors le Royaume, que le  
 Roy de Frâce estoit prisonnier. Estoit-ce pas vn  
 cruel spectacle, de voir ce ieune Prince surpris &  
 effroyé, monter à cheual en plein minuit, & par  
 les rigueurs de l'hyuer chercher assurance en sa  
 ville capitale? Qui ne fut esmeu de douleur, de  
 le voir en ses tendres ans, sous l'horreur de la  
 nuit, esgaré par les champs, se sauuer des toiles  
 des heretiques? Qui n'eut pitié de le voir à cinq  
 heures du soir, descendre en sa maison du Lou-  
 ure, las, harassé, & trouuillé, ayant esté seize heu-  
 res à cheual sans manger? Et qui n'eut horreur  
 de l'audace de ces detestables, qui le voyant eua-  
 dé de leur mains enuironné de ses Suysses, tère-  
 rent par trois fois rompre leur bataillon, pour  
 enleuer de force ce precieux gage qu'ils cōdui-  
 soient, puis qu'il estoit heureusement eschappé

Second sie  
ge de pa  
ris.

de leurs ruzes? Mais c'estoient les symptomes & accidens de vostre maladie: lesquels estonnerent beaucoup de gens, & singulierement quand on vint a penser que le Roy des François n'estoit plus asseuré entre les François, & que contre la desloyauté des heretiques François, il trouua tel le fidelité aux estrangers Catholiques, De mesme suite fut la fuite de Saint Denis, & autres villes, avec le siege de Paris ou le Roy s'estoit retiré. Qui fut lors qu'ils quitterent le pre-texte de leur religion, pour se couvrir du vieil Gaban du bien public & de l'Estat dont toutes-fois les heretiques sont naturellement ennemis.

On donna depuis la bataille Saint Denis, où le Conestable ne fut espargné, en haine de la fidelité qu'il auoit au Roy, qu'il nommoit ordinairement son petit maistre. Ceste iournée fit voir, que comme il ny a Loyauté en l'heresie, aussi n'y a il respect de parentage veu que l'Admiral son nepueu, chef pernicieux des heretiques de France traicta si rigoureusement son oncle, dont prouenoient ses biens & son aduancement, qu'il en mourut vn peu apres. Nous ne pouuons passer sous silence la rencontre de Coignac, où cest Admiral laissa trop honteusement tuer vn Prince, qu'il auoit auparauant trop laschement seduit, & lequ<sup>l</sup> <sup>avec</sup> vn peu de cœur, il pouuoit desgager du peril ou il estoit tombé C'est dequoy ce pauvre Prince se plaignit en mourant, & qui cogneut (mais trop tard) que iamais ferme heretique n'aima les Princes. Suit apres la iournée de Moncontour, où pour la



troisième fois cest Admiral laissa meurtir à la  
 barbe toute son infanterie François & Aleman-  
 de, peu soucieux du salut d'autrui, pourueu qu'il  
 mist sa personne en assurance. Or n'est il besoin  
 de reciter ce qui se passa à Mussidan, & les parti-  
 culiers effets suruenus à la Roche-Abeille? Il  
 nous suffit, pour conclurre les estranges accèz de  
 vostre maladie, de vous représenter le corps de  
 vostre Estat, passe, maigre, & défiguré, & vous  
 ramenteuoir les saccagemens de vos Temples,  
 le feu de vos villes & villages, vos Prestres meur-  
 tris, vos Religieux massacrez, vos freres tuez ou  
 rançonnez, leurs biens ravis, leurs femmes for-  
 cées, leurs filles violees, leurs enfans esgorgez, &  
 tout ce que la fureur & l'impieté a peu suggerer  
 à ceux qui n'ont aucune pieté. Dont il est ensuy-  
 ui vne telle difformité en vostre Royaume, que  
 difficilement on pourroit y reconnoistre ceste  
 couleur vifue & vermeille, qui paroissoit aupa-  
 rauant en son visage, & les lineamens de la vertu  
 du temps passé. Car vous auez experimenté avec  
 tous les Royaumes où ceste tēpeste a passé, qu'en  
 leur reformation pretendue il n'y auoit que dif-  
 formation, & que ce pretexte de religion ne ten-  
 doit qu'à estaindre toute religion. Vous auez es-  
 prouué que iamais en la France Dieu ne fut  
 moins seruy, le Roy moins honoré, le Magistrat  
 moins reueré, les Sages moins prisez, les Peres  
 moins aymez, les Maistres moins craints, & bref  
 vous auez veu vne defroute de toutes les vertus  
 Françoises, & vostre champ semé d'une graine  
 de rebellion & de vices, dont la moisson vous

*La religion  
 pretendue  
 a chassé  
 de la Fran-  
 ce toute re-  
 ligion.*

reste maintenāt à couper. Voyla les effets, voyla les diuers accidēs de vostre maladie, & ce qu'elle a causé en vous depuis soixante & deux, iusques en soixante & treize. En laquelle nous auōs expérimenté à nostre grand regret, que sur le point de vostre guarison, Dieu vous a osté, possible pour en estre indignes, les doctes & fideles Medecins de vostre citat, de sorte que vous estes retombé en plus de mal qu'au parauant.

*3. point.* Venons maintenant à cognoître ce qui a des-  
*Des moyēs* feré vostre santé. Car les heretiques disent, qu'on  
*qui ont em* les a bruslez, & toutesfois comme Phoenix qu'ils  
*pesché la* sōt renouuelez en leurs cédres, qu'on les a moyez  
*guarison di* & qu'ils ont frayé dans les eauēs, que on les a  
*ui eZ en* tuez, & qu'ils sont ressuscitez. C'est le iargon de  
*trois poits.* tels oyseaux qui se moquent de vostre negligē-  
 ce & de la paresse du Magistrat de repurger les  
 chāps de Iesus Christ, de telle yuroye, Nous pe-  
 sons doneques qu'il y a trois choses qui ont em-  
 pesché vostre guarison, & qui ont tenu en lon-  
 gueur vostre maladie: La premiere, la quantité  
 d'humours corropues, auxquelles ce venim s'est  
 allié, & dont il s'est fortifié grandemēt: La secō-

*1. Empesche* de, ou l'ignorance, ou la malice <sup>ice</sup> des Medecins,  
*de la guari* qui ont fait des fautes en la cure, & qui ont trai-  
*son.* cté trop doucement le mal: La troisieme, la ne-  
*Corruption* gligēce du malade & lascheté de nature, qui n'a  
*du siecle* iamais voulu s'esuertuer.

*& des E-* Quant au premier, tous bons Medecins &  
*stans.* Conseillers d'Estat, tiennent que le naturel de ce  
 mal est d'estre contagieux & malin, & disent  
 qu'il a ceste propriete, qu'il cherche, voire n'aist

seulement aux siècles corrompus, & s'unist aux meschantes humeurs, à fin que par ceste liaison s'é tant fortifié, il cause en vn Royaume d'e tranges mutations, & engendre d'horribles monstres. Mais il n'y a rien qui luy vienne plus à fouhait, que de voir les functiōs de nature destournees du lieu où il se veut ietter, à fin que s'enestāt emparé par vne impetuosité soudaine, il en face à tousiours sa retraite, & puisse courir aux membres voisins.

En nostre estat, comme au vostre, lors que ceste contagion y entra, elle trouua nos Princes empeschez en guerres estrangeres. Esquelles ils s'estoient tellement acharnez, que le benefice de la paix estoit du tout desesperé: Voyla nature destournée du cours de ses functiōs ordinaires. Les Prelats de l'Eglise, les sentinelles de l'armee de Iesus-Christ, estoient tous endormis: au lieu de berger, on cōmettoit des loups en la bergerie, des bouchers & des mercenaires, comme il y en a encores à presēt plus que d'autres. Les Euesques seruoient aux princes de laquais, & laqueroient la Cour de lieu a autre, couchez ordinairement sur les coffres.

Nosons dire que quelques vns seruoient d'infames Ministres à licentieuse volonté des plus grands au reste muets comme poissons & n'ayās que le ventre. Le Clergé n'estoit que simonie, auarice, paillardise, & ignorance. La noblesse que piaffe, orgueil & ambition. La iustice, que fateur corruption, & conuoitise. Le menu peuple, qu'improbité, malice & deprauation,

*Prelats en dormis*

*Mercenaires.*

*Eglise ignorante.*

*Noblesse orgueilleuse.*

*Iustice corrompue.*

*Peuple deprave,*



Chacun viuoit sans Dieu, sans foy, & sans loy, L'argent estoit le desir d'un chacun, Le luxe auoit tout corrompu. Le marchand faisoit le Gentilhomme, le Gentilhomme le Seigneur, le Seigneur le Prince, le Prince le Roy. Nulle discipline aux maisons, nulle police aux villes, nul ordre au Royaume: Et les maisons, & les villes, & les Prouinces, & le Royaume n'estoient qu'un magazin de vices, & un esgout de toute turpitude: du moins, l'antique vertu Françoisse, sous laquelle vostre Royaume auoit si hautement flory, estoit grandement alterée, & diminuée. A telle ordure ce venin s'estant allié, il s'en preualut grandement, & fortifié de ce secours, produire les effets tels que nous auons recitez, nous ne vou-

*Admiral  
pernicieuse  
peste de la  
jeunesse  
des femme  
impudique  
jeunesse  
suis l'here  
sie.  
Les bannis  
efforillez  
& condâ  
nez à mort  
suis l'here  
sie.*

lons obmettre qu'il se sceut fort dextrement ser-  
uir de l'enuie & mescontentement des Princes,  
de l'ambition des Seigneurs, & particulièrement  
de ce melchant garnement de l'Admiral. Les-  
quelles il augmenta par faux rapports, & par sour  
des menees pour se tracher chemin au trauers de  
ces diuisions: Chacun scait comme il gaigna le  
cœur des femmes plus impudiques, dont il eut  
plusieurs aduertissemens à son proffit. La jeu-  
nesse le suivit facilement, pour n'auoir la conti-  
deration de cognoistre son venin delguilé, joint  
qu'elle trouuoit en luy de petite mignardises  
affectées, & autres allechemens recherchez natu-  
rellement de cest aage, contraire neantmoins à  
l'aspreté & vigueur masle de la vertu. Nous ne  
passerons point des bannis, efforillez & condâ-  
nez à mort pour leurs demerites, dont il fut tel-

volontairement fuiuy. Les Ignorás & amateurs *Les igno-*  
 de nouueauté luy firent bonne compagnie, les- *rans &*  
 quels il trompa, sous apparence & sous le mas- *amateurs*  
 que de sçauoir. Il fut par apres secouru des mal- *denouue-*  
 contents, des Politiques, des Catholiques vnís, & *au te sui-*  
 autres telles ordures de nostre siecle: Sous les- *uent l'he-*  
 quels il a pris tant de force & de vigueur, qu'il *resie.*  
 ose à present se promettre que la victoire luy de- *Malcon-*  
 meure sur tous les membres sains, & sur tous *tens. Poli-*  
 les Catholiques de la France: somme, qu'il ne *tiques:*  
 faut plus parler des monstres de l'Afrique, puis *Catholi-*  
 que vostre France en a tant produit, & de tant *ques asso-*  
 d'especes, que depuis que l'Eglise est née, & de- *ciez*  
 puis qu'elle fait guerre continuelle à l'Herésie, *Nachiaue-*  
 elle ne veid iamais les Catholiques pretendus s'al- *listes ordu-*  
 lier aux heretiques, qu'au terrouer de la Frã- *res de no-*  
 ce, & entre les François, & sous la protection des *stre siecle*  
 Princes François. Mais laissons telle vermine, & *sont secta-*  
 tels animaux de double espee à l'espouuantable *ten. de*  
 uengement des irrisions qu'ils font de luy & de son *l'heresie.*  
 Eglise.

Le secõd poinct qui a retarde vostre guarison, *2. Empef-*  
 iugement de Dieu, qui les espluchera curieuse- *ment*  
 ment de leur atheisme, & les chastiera cruelle- *ment*  
 Cest la faute des Medecins, qui n'ont traitté le mal *de la gua-*  
 selon que sa violence desiroit. Enquoy nous *rison.*  
 protestons ne vouloir aucunement toucher à la *Faute des*  
 personne de vostre Roy, lequel nous recognois- *Medecins*  
 sons estably de Dieu pour vous gouverner en sa *& negli-*  
 crainte & sous les loix de son Eglise: & vous, & *gence d'i-*  
 nous pour luy porter honneur & reuerence, en- *ceux.*  
 cor' que soyons estrangers, & nullement obligez

Healeti-  
ques ca-  
lomnia-  
teurs ces  
Catho-  
ques.  
Morguant  
Anglois  
Catholi-  
que prison-  
nier à la  
Bastille de  
Paris.

I. Faute  
des Me-  
decins.  
Colloque  
à Poissy.

Saint  
Loys ba-  
ptize à  
Poissy.

à luy. Ce que nous declaron<sup>s</sup> expressement pour  
l'experience que nous auons des heretiques, qui  
à l'exemple de ce grand calomniateur dont ils  
sont issus, cherchent tous moyens possibles de  
calomnier les Catholiques enuers les Princes: &  
par telles calomnies ont fait enfermer Morguant  
l'un de nos freres Anglois & Catholique, en la  
Bastille de Paris. Nous parlons doncques de ces  
Medecins qui ne sont pas vrais Medecins, mais  
empiriques: & qui au lieu de pratiquer la Medecine  
d'Hipocrates sur vostre Estat malade, ont  
suiuy le Paracelse de Machiauel, tât pour entre-  
tenir le mal, que pour faire profit de la bource  
du patient qu'ils ont espuisee iusques au bout.

Ce furent eux qui par leurs bons aduis autorise-  
rent le Colloque de Poissy, afin de planter de  
prime abort au milieu de la France, & pres la  
ville capitale du Royanme, à l'œil de la iustice  
de France, au siege des François les plus Catho-  
liques, ce meschant & pernicieux venin de l'he-  
relie. Ce qui fut pratiqué, à fin que plus facile-  
ment le mal s'emparaist du cœur de vostre Estat,  
duquel on l'auoit si fort approché. Ce Colloque  
fit vne estrange playe à la reputation des Fran-  
çois, & fut vne grande diminution de leur hon-  
neur enuers les estrangers: car toutes les nations  
de l'Europe s'esmerueillèrent, que la France, au-  
tresiois exēpte d'heresie, appellast & autorisast  
tous les heretiques de la terre, pour venir chez  
elle publier leurs opinions. & pour combattre à  
Poissy la religion Catholique, Apostolique &  
Romaine: au lieu, ou le bon Roy Saint Loys re-



mercioit Dien d'auoir esté baptisé, & receu l'honneur, & les marques d'enfant de l'Eglise Catholique, Apostolique, & Romaine. En ce Colloque la France ouyt publiquemēt blasphemer le nō & la doctrine du Dieu des Chrestiens, deuant vn Roy Tres Chrestien: elle veit se mocquer de l'Eglise, deuāt le fils aîné de l'Eglise: elle veit remuer les fondemens de sa foy, par ceux auxquels, pour ce faire, elle auoit donné & obligé sa foy. Aussi ceste assemblée poussa par apres le fruit qui prouenoit de l'aduis de tels Conseillers: Car le mal qui auparauant estoit nourry aux caues & fosses soubz-terraines, fait plus audacieux, abandonna la nuit, pour se monstrier au iour, & tout à coup prenant ses forces, & courrant par tous les membres de vostre corps, se ietta aux champs contre le Roy, surprit ses villes, s'empara de ses finances, brusta les Eglises, brisa les autels, courut les Prestres, pillā les Calices, desroba les chappes, fōndit les reliques, battit monnoye, tua les gentils-hommes, pendit les Gouverneurs, volla les marchās, & fit des cruautez si cruelles, des inhumanitez si inhumaines, que la seule memoire fait dresser les cheueux à ceux qui ont veu vostre maladie en cest accès. Lesquels ont estimé, non sans raison, que si Sathan estoit eschappé de ses liens, il seroit plus doux enuers le genre humain, que n'ont esté ces Canibales enuers les Catholiques.

La seconde faute de ses Medecins d'Estat fut l'Edict de Pacification de soixante deux: car il ne restoit à prendre qu'vne petite dose de rheubar-

Fruits de  
Colloque  
de Peuple.

Estrange  
ranage  
des heretiques.

2. Faute  
des Medecins.

Edict de  
Pacification  
de

soixante  
 & deux  
 & autres  
 subsequens.  
 Edict de  
 pacificatiō  
 pire que  
 la guerre

be, que la maladie ne fust estainte & la santé recouuverte, quand on inuenta ce faux apotheme de Pacification, source de vostre rencheure, & pire cent fois que si vous eussiez perdu de grâdes batailles. Et à la verité la ville d'Orleans, principale retraite des heretiques, & siege de tout le venin estoit ferree de si pres, & si destituee de tout secours. Qu'elle estoit presque rendue és mains du Roy. Toutes fois par cest Edict les heretiques eurent moyen de ce recognoître, de reunir leurs forces, de recueillir les reliques de leur desfourre, de s'assembler, de synoder, de conuoyer leurs Eglises, fournir deniers, & bref faire que ce serpent tronqué retrouuast sa queue, reioignist les pieces, pour se monstrer plus espouuantable que deuant. Ce qui fit croire à quelques vns que les Medecins s'entendoient avec le mal, au grand preiudice de tout l'Estat: lesuelles fautes ont esté autant de fois reitrees, que lon a reitere les Edicts de Pacification. Car pensant allier Sathan à Iesus Christ, & l'Heretique aux Catholiques, le vice s'est rendu maistre de la vertu, & a tout corrompu par sa contagion, de sorte que ceux qui au parauant estoient ardents en leur religion, sont deuenus ou froids ou tepides, & ont experimenté que par ceste pretendue liaison de deux religions la France se trouue à present sans aucune religion, ou du moins avec peu de religion. Aussi est-il certain que la fièvre continue n'eust tant alteré vos forces, comme cette fièvre lente, qui vous a tellement minez & affoiblis, qu'à present vous estes sur le point d'estre perdus.

Edict de  
 pacificatiō  
 à banny la  
 religion de  
 France

L'on adioute, que presque autant de fois que lon s'est pacifié aux heretiques, autant de fois le Roy a payé leurs Reistres, de sorte qu'on les a inuitez à recommencer de plus belles, puis que les estrangers ne leur coustoient rien. Et c'est pourquoy le domaine du Roy s'est trouué de beaucoup engagé, & que pour gratifier le Casimir d'estre si bon amy des heretiques, on luy auoit baillé le Comté d'Estampes, neuf Seigneuries en Bourgongne, la pension de Capitaine de cent hommes d'armes & l'Estat de Colonel de quatre mil Reistres, avec le Collier de l'Ordre: lequel toutesfois il renuoya depuis, & quitta tout ce qu'on luy auoit donné, brauant là France en son aduersité, laquelle il n'eust osé regarder en prosperité, & lors quelle ne s'estoit rendue esclau de l'heresie.

3. Faut est  
d'auoir em  
pesché de  
combattre  
les estran-  
gers.

Lon remarque encore vne autre faute de n'auoir combattu les estrangers sur les frontieres lors que l'occasion s'y est presentee. Comme si on eust engardé le malade de faire euacuation, & la nature de se descharger des mauuaises humeurs qui estoient suruenües. Et à la verité tous ceux qui autresfois ont veu vostre armee avec disposition de charger les Reistres ennemis, ont iugé qu'elle auoit sur eux tous les gaiges que lon se peut donner d'une victoire certaine & assuree. Mais la maladie d'un Prince seruit de pretexte pour refroidir, sans estre employé, la brusque generosité de vos soldats, Ce qui fut cause que la Charité fut prise sans coup de main, quelque aduis qu'on eut donné de ce



passages, & de l'intelligence qu'y auoit Pequietes le cōducteur des Reistres, il a cousté depuis cinquante mil testes des subiects du Roy, dont il sembloit qu'on voulust faire grand marché.

4. Faut de n'auoir tour lon negligea la victoire, au lieu de la pour- pourfuyuy suyre comme il estoit fort aisé. Car depuis & en la victoire la plus mauuaise saison de l'annee, on alla assie- apres la ger saint Iean d'Angely, où l'on combatit plus iournee. le temps, que la ville: de sorte que lon s'amusa à de Mont. guarir le pied, pendant que le venin pressoit le contour cœur, & couroit tous les autres mēbres. Ce fut pourquoy vostre armee belle & gaillarde, vint a se deffaire d'elle mesme sans combattre aucune- ment.

5. Faut Eut le Sy- route, de faire vne assemblée à Millaud, & la cō- node per- ferer & resoudre de leurs affaires. Car ce Syno- mis a Mil- de ne seruit que d'une plus rebelle & felōne cō- land. juration contre le Roy, pour faire nouuelle pra- Et qui fut le cōble du mal, c'est que peu apres tique d'estranger, nouuel amas d'hommes & d'argent, & pour courir de rechef la Frāce & a- cheuer de la ruiner entierement. Et ce pendant & pour ne perdre le tēps les heretiques auoient leurs facteurs & agents en Cour. Auoiēt Cauai- gne & Bricquemaut pres de la personne du Roy qui le serroient de si pres, que nul n'y pouuoit aborder qu'ils ne l'entēdissent. Dequoy la Maje- tē l'oppor- sté estant trop importunee, fut contrainte d'a- bandonner la Cour, & feignāt beaucoup aymer la chasie, fut trois iours & trois nuits dās la fo-

Le Roy  
Charles  
quitta la  
Cour &  
s'en alla  
aux  
forêts  
pour en-  
tēder l'oppor-  
tūté des  
affaires

rest d'Orleans, où elle cōfessa, que pour se distraire de telles importunitéz, elle estoit contraincte de viure avec les bestes brutes.

Nous ne pouuons dissimuler la cruelle clemence, & l'inhumaine misericorde du iour saint Barthelemy: car en ce iour la crise de vostre maladie estant escheue, & ayant esté ordonnée vne saignée salutaire & profitable à tout le corps, on tira moins de deux poiettes qu'il ne failloit pour le salut de tous les membres. Qui a fait, que ce reste de mauvais sang estant demeuré, il a quasi gasté & corrompu la masse sanguinaire, & plusieurs autres parties qui fussent à present saines & disposées sans cela. Et à la verité, il semble qu'en ceste seule faute Dieu aytestably vostre reprobation, comme il fit celle de Saul en la conseruation du Roy d'amalech. Non pas que les Catholiques aiment le sang, & qu'ils se plaisent en la mort des Princes: car, graces à Dieu, ils n'ont iamais sucité de Poltrots, & n'ont couru leurs Roys à force, comme lon fit à Meaux. Mais l'heretique estant vn membre pourry & gasté de gangrene, qui perd les membres voisins, & qui vit à la ruine de tout le corps, coupez, tronquez, cizaillez, ne pardonnez à parens ny amis, Princes & subiects, ny à quelqne personne de quelque condition qu'ils soient. Car pour cest effect Dieu a mis le glaue és mains du Roy, comme il a mis le rasoir en la main du Chirurgien. A ce propos disoit vn ancié personnage de l'Eglise, que cest vne souveraine clemence que d'estre cruel en cest eudroict. Le zeile de Dieu deuore tout. Et pource

6. Faute de n'auoir pas bien solennisé le iour s. Barthelemy.

Heretique membre pourry doit estre conpé





pinç au pied de la Frâce, & vne paille en son œil, qui ne s'arrachera iamais qu'avec le gantelet. Il seroit trop long de vous discourir par le menu toutes les fautes que lon a faites, & desquelles on pouuoit mieux iuger lors qu'elles furent cōmises que maintenant que la memoire en est passée.

Depuis ce tēps le malade à changé de Medecins qui l'ont pensé & médicamenté plus doucement que les premiers. Ces Medecins estimans que la rigueur des medecines n'estoit propre à la maladie, n'ont ordonné aucuns remedes au patient ains sans aucunement le purger, l'ont delaisé au lit avec vn endormissement, qu'ils ont prins pour indice du retour de sa santé: car ils ont désiré & pourchassé, & conclu la paix avec les heretiques, non pour remedier au Royaume plus malade qu'au parauant, mais pour l'aprofondir au gouffre de tous vices, & faire croire qu'il estoit heureux & qu'il triôphoit de ses ennemis. Ainsi ont ils accoustumé de nōmer les Princes Catholiques, qui toutes fois ne furent oncques que très bons seruiteurs du Roy, & tresbons Conseillers de sa couronne: Voila donc le mal en paix: Voila ce que les heretiques appellent la tranquillité de leurs Eglises. Mais ces bons Medecins n'ont preueu vne dangereuse apoplexie qui alloit couper la gorge à vostre Royaume. Car pendant cest endormissement, le venin ne se sentant combattre, a repris force, & s'est insinué aux meilleures, voire aux plus saines parties du corps de vostre Estat. Somme que durant ce repos il a grandement gasté les membres de Iesus-Christ par sa

7. faute  
d'auoir lais  
sé le mal  
en paix.

Apoplexie  
preste de  
suffoquer.  
la France.

contagion, faute d'y appliquer les remedès forts & cōuenables? Que ce n'est pas le moyen de guerir l'inflammation de cest vlcere maling & dangereux, que d'y proceder par onguents lenitifs, & par douces & legeres, ou plustost nulles purgations. Le Chirurgien expert qui cognoist la celerité de la gangrene, court soudain aux abscissions & aduisions, pour sauuer la vie de son malade: Le mal de l'heresie n'est pas vn *noli me tãgere*, cōbien que ce soit vn chancre d'esprit merueilleusement maling & pernicieux. C'est pourquoy il y faut mettre le fer & le feu bien auant, & sans dissimulation, iusques à ce que le venin roidement cōbattu perde sa force, & se laisse vaincre. Clouis vous a monstré que l'heresie n'est pas vn dragon si furieux qu'on ne le puisse bien dompter. Je ne scaurois, dit-il, endurer que ces canailles d'Ariens occupent vne partie des Gaules: Allons au nom de Dieu, & exterminons la race avec le cousteau. Ce qu'il fit si vaillamment (suiuy de sa Noblesse fort deuote & religieuse) que Dieu fauorisant vn si haut & genereux courage, le rendit victorieux d'Alaric Roy des heretiques, qu'il fit broncher par terre, le tuât de sa propre main. Cela nous apprend que l'Hydre d'heresie n'est pas inuincible, & que trouuant des Hercules courageux, ou elle fuyt, ou elle tombe sur la place. Ceste victoire acquit l'Aquitaine aux Roys de France, & leur fit experimenter, que combatant roidement les heretiques, ou acqueste des Provinces: mais les prenant en protection, on perd ce qui est acquis par ces predecesseurs. Philippes

Auguste

L'heresie  
ne se gua-  
rist par  
onguents  
lenitifs.

Acte ge-  
nerieux de  
Clouis &  
digne d'vn  
Roy tres-  
en.  
Les grands  
Rois hayss-  
sent les he-  
retiques.  
Combattāt  
les hereti-  
ques, on  
acquiert  
des pro-  
vinces, &  
les favori-  
sant on les  
pert.

Leurs. Philippes Auguste sage & fidelle Medecin d'Estat, guerit ainsi la France de la peste Albigeoise, non pas par Edictz de pacification, qui est vne honteuse capitulatiō trouuee par les politiques de la France, mais par la force des armes sainctement leuees, courageusement & loyalement employees, & non iamais rengainees que le mal ne fust esteint, & le corps entieremēt guerry. Et puis que les heretiques de ce temps se disent estre la queue du corps des Albigeois, & que ils les aduouent comme leurs peres, pour foder mal à propos vne vicieuse succession, il est raisonnable qu'à mesme mal on employe mesmes remedes.

Toucherons nous à vne autre faute signalee de ces bōs Medecins d'Estat, qui sont si peu soigneux de la santé de vostre Royaume, qu'ils ont conseillé, induit & persuadé le Roy de prendre en main la protection de Geneue? Quel conseil des Medecins? qu'au lieu d'euacuer les mauuaises humeurs, ilz en esmeuent & amassent de nouvelles? Quel deshonneur au conseil d'un Roy Treschrestien, fils & frere de Roys Treschrestiens, de prendre en sa protectiō la chenilliere des heretiques, la sentine & l'esgout de toutes les ordures & puanteurs de l'Europe? Quelle indignité que l'espee des Roys de France ensenglantee seulement du sang des Sarrazins & heretiques, Turcz & infideles, soit à present protectrice des heretiques, cc des hepires cent fois que les Turcz, les Sarrazins, & les infidelles? Quelle turpitude, que Beze insigne

8 Faute.

Est la protection de Geneue.

La Feante

à present

protectrice

des hepires

cc des heretiques.



scelerat & boubrier de toute meschanceté, assassin des Prince de France, se disé le client du Roy de France, luy qui a porté la torche, & allume le feu pour embrasser le Royaume de France. Quel le vergogne, que ceux qui ont estrangement mesdié du Roy, de sa mere, & de sa sœur, & de ceux que plus ayme le Roy, qui les ont chargez d'un monde de vices & incontinent, qui en ont faict les liures, qui les ont diuulgez: & publiez par toute l'Europe: gens perdus de crimes & meschans fil en fut oncques, soient alliez en mesme maison, & souz vn mesme pere de famille, avec les Catholiques François, & les bons & loyaux subiectz du Roy. Quel n'en a senty ceste puanteur? quelle lague ne l'a blasinée? quel cœur loyal & François ne l'a detestée? Nous autres estrangiers estimions qu'entre les François il y a peu de vrais François, & peu amateurs de la reputation des François. Car c'est mettre la maladie en chaut mal, c'est luy donner du vin pur en l'extreme ardeur de sa fieure. Nous ne voulons discourir, comme pour ne donner plus de cours à la maladie, on a esloigné de Cour des princes Catholiques, & comme en leur absence on faict des confederations avec les heretiques, dôt voz bons Empiriques d'Estat sont perpetuellement coulpables deuant Dieu.

3. Empeschement  
de la guérison.

Négligence  
et pusillanimité  
de l'ennemi du  
malade.

Reste maintenant à venir à la troisieme cause de la longneur de vostre maladie, qui est la négligence & pusillanimité du malade, & la lascheté de nature, qui ne s'est oncques voulu esuertuer. Car depuis vingt cinq ans que le mal vo<sup>r</sup> exerce

quelques symptomes & accidens qui vous soient suruenus, vous estes demeurez froids & lents à la reformation de vos mœurs & amedement de vos vies. Qui de vous a donné congé à ses vices, & qui est le premier qui a licentié les mauuises actions & volentez? Qui de vous a quitte son auarice, pour subuenir à la pauureté? Qui a abandonné le luxe, pour se rendre à la frugalité. Qui a laissé la paillardise, pour se réfugier à la chasteté? Nous en disons autant des autres vices, qui ont nourry & alimenté ce mal pestilentieux: lequel ne s'esteindra iamais que nous n'ayons appaisé Dieu iustement irrité pour vos pechez, & pour les nostres. Dauantaige lors que ceste peste vous a frappez, lors qu'elle vous a si esfrangement agitez, qu'auéz vous fait? qu'auéz vous tenté: en quel deuoir vous a on veuz pour regaigner vostre santé?

*Nul ne reforme sa vie.*

Premierement il nous souuient qu'en l'an soixante & seize on commença vne ligue à Peronne fut qui aussi tost negligée, & qu'un mesme iour un mesme soleil vid naistre & mourir en un mesme moment. Voyla tout le deuoir qu'auéz fait depuis l'an soixante & deux, iuques a present. Encores n'estoit-ce pas mal commecé (quoy que bien tard) si vous eussiez eu le cœur de cōtinuer. Car nous voulons bien vous aduertir, que l'heretique ne craint aucune chose plus que vos liguees. C'est la contrepoison à son venin, c'est la ligue vraie medecine à ceste peste. Les heretiques scauent bien que vous les surpassez de nombre, de force, & de moyens: que vous tenez les villes, me la mort

*Ligue de Peronne.*

*l'heretique craint la ligue des catholiques cō-*

*si on si  
veut liguier  
les hereti-  
ques sont  
perdus.*

*Les hereti-  
ques sont  
liguez, &  
se plaignēt  
de la ligue  
des Catho-  
liques.*

*Heretiques  
rumpēt les  
desseings  
de la ligue  
Catholi-  
ques.*

vous commandez aux Prouinces, & bref que les Catholiques font la meilleure, & la plus grande & plus saine partie du Royaume : Que l'Eglise, la Noblesse la Iustice, la marchandise & le peuple, sont tous composez de membres Catholiques. : Que s'ils veulent s'entendre, s'ils se veulent allier, si seulement chacune teste veut cōtribuer vn peu du sien pour soustenir le faiz de la guerre ils sont perdus, ils sont ruinez, & fuyront de ce Royaume comme loups mal menez, qui prendront pour retraicte ou la cauerne de la Rochelle, ou s'yront embourber dedans le vase du la fangeux de Geneue. Ce fut pourquoy, estans aduertis de ceste ligue, plusieurs d'entr'eux dressèrent leur paquet, & neantmoins empeschèrent par tous moyens que ceste bonne & necessaire entreprise ne fut mise à execution. Vyrrier protecteur des forciers fut depute du Casimir, pour en faire ses plainctes au Roy, & le mesme Casimir, incité par les heretiques François qui mettent cōtre vous toutes pierres en œuvre s'en plaignit fort orgueilleusement au Sieur de Villequier estant en Allemaigne : Comme si ce cadet estranger donnoit les loix en France, & qu'elle se gouuernast par son aduis. Miserable condition de personnes de blasmer la ligue des Catholiques, & ne trouuer mauuals, qu'en mesme tēps le Casimir & les Huguenots se liguoyēt contre Dieu, contre l'Eglise, contre le Roy, contre ses pays, & contre tous ces Catholiques. Et pource que ces bons Medecins remonstrerēt en leur consultation, que cest antidote de la ligue



estant vne fois entré au corps du malade pour  
roit faire trop grãde esmotion: ce fut pourquoy  
on ne parla plus de ce remede tresbon & tressa-  
lutaire, ains demeura l'entrprinse des Catholi-  
ques esteincte & la ligue des heretiques autho-  
risée, receue & magnifiée comme chose sainte  
& grandement profitable au public. Ainsi les  
loups conseilleret qu'on ne fist des pieg's pour  
les prendre.

*Catholique*

Depuis ce temps vous auez tousiours dormy, *ques trop*  
combien que pour vstre guarison il soit requis *froids &*  
vue grande & extreme vigilance. Les Medecins *trop en-*  
tiennent qu'il est fort dangereux de dormir *dormis.*  
pendant vne grande fieure, & mesmes apres la sai-  
gnee. La fieure & l'ardeur des guerres ciuiles ont  
couru & courent encores par tout vostre corps:

vous auez esté saignez par tant de batailles, &  
toutesfois quelque conseil que les Medecins &  
amis puissent vous donner, vous retombez en  
vostre endormissement, & n'est possible de vous  
esueiller, que ce n'est pas le regime qu'il vo' faut  
tenir. Ce mal nous a ruinez pour auoir trop dor-

my. Nous en auõs perdu nostre religion en An- *Les Catho-*  
gleterre, que nous voudrions auoir rachetée de *liques se*  
tous nos biens & de noz vies. C'estoit vn beau *ruinent*  
mot d'un docte personnage de vostre France, *par leur*  
que les Catholiques ont bonne cause, & la def- *negligẽce.*  
fendent mal: & qu'au contraire les heretiques *Les hereti-*  
ont mauuaise cause, & la deffendent bien: Car si *ques s'esta-*  
on confere leurs actions auec les vostres, il se *blissent: par*  
trouuera qu'ils tiennent le sentier pour se con- *leur vigi-*  
seruer, & vous, le chemin pour vous deffaire: ils *lances.*

ne cherchent que leur augmētation, vous voyez  
& ne vous souciez de vostre diminution: ils s'ay-  
ment, & vous hayssiez ils se supportent, & vous  
delaissez ils se ioignent, & vous desliez: ils se li-  
guent, & vo<sup>s</sup> separez. Depuis vingt cinq ans en-  
ça, il ny a heretique en France qui n'ayt espar-  
gné, ou vendu de son reuenu pour contribuer  
aux frais de la ligue: & vous pauures nonchalās  
aymeriez mieux perdre vostre religion, renôcer  
au Ciel, abandonner Iesus Christ & son heritage  
que d'y contribuer vn seul denier. C'est bien ne-  
gligier vn gage si precieux, comme est le gage de  
la foy. Que ce n'est pas l'exemple de vos peres,  
qui deuctement nourris & esleuez en la religiō  
ont courageusement passé des mers, nauigué en  
pays estranges, enduré la faim & la soif, le froid  
& le chaud, subi mille dangers, supporté mille  
trauaux, espendu mille fois leur sang, pour replā-  
cer la foy, ou les Turcz & infideles l'auoient ar-  
rachee, La porterez vous aux pays estrāges, vous  
qui la laissez perdre en vos maisons? Aurez, vous  
soucy des murs de Ierusalē, vous qui laissez gai-  
gner Paris par les heritiques? Combattēz vous le  
soldat d'Egypte, ou le Turc, vous qui n'auēz le  
cœur de chasser vn sedicieux Ministre de vos vil-  
les? Espādrez vous vostre sang, vous qui ne vou-  
driez contribuer vn seul denier? C'est vne honte  
à vous, qu'une poignee de gens, grouillans de  
vices, corrompus de mœurs, bigarrez d'opi-  
nions, donne la loy au peuple de France, &  
tienne en bride tant de Catholiques endormis,  
qui n'ont soin ny de leur salut, ny de leur religiō

Catholi-  
ques negli-  
gent la foy  
Chrestien-  
ne qu'ils  
laissent  
perdre.

ny de de leurs vies.

Voila les moyens qui ont retardé vostre gu-  
 rison, lesquels nous auôs discourus avec verité, ne pouuans vous flatter en chose de telle impor-  
 tance. Aussi que le naturel d'un Chrestien est de ne rien dissimuler en sa religion, ains d'estre rōd  
 & ouuert, & que sa langue, & ses actions pu-  
 blient à chacun, & donnent à cognoistre qu'il est  
 vrayment Catholique, & non hypocrite ny he-  
 retique. Reste maintenant à vous dire le danger  
 qui vous est proche, & la ruine qui vous menasse  
 si vous n'y aduisez bien tost : car depuis le com-  
 mencement de vostre maladie iusques la presēt  
 quelques accidens vous soient suruenus : vous  
 n'estes tombez en si grand danger que vous estes  
 aujourd'huy, iusques icy vous n'avez eu qu'a  
 vous garder de l'heresie, & moyennant l'ayde de  
 Dieu en quelque en droit qu'elle soit presentee  
 elle vous a quitté le chāp, ou l'avez rāuerlee sous  
 vos armes. Mais à present qu'elle a senti sa foi-  
 blese elle s'est allée à vn autre secours & à des  
 humeurs couuertes, & neantmoins subtiles &  
 penetrantes, qui d'apparance semblent promet-  
 tre le tetour de vostre santé: Mais sondez les vi-  
 uement & mesurez leurs actions, elles ne ten-  
 dent qu'à vostre mort & entiere ruyne, c'est où  
 il faut se bien garder: c'est où le malade doit ap-  
 pliquer sa pēsee, s'il a desir de retourner à santé:  
 Le but où tend le mal, est d'establir le Roy de  
 Nauarre à vostre Couronne, au cas que Dieu eut  
 disposé du Roy, à qui Dieu donne longue vie.  
 C'est à dire, d'establir vn heretique sur les ca-

5 point

general.

Est du dā-

ger present

d'auoir vn

Roy here-

tique.

L'hereti-

s'allie à

des hē-

meurs cou-

uert &

subtiles.

L'heresie

ne tend

qu'à esta-

blir ce

Roy de Na-

uarre à la

Couronne



tholiques, le vautour sur les pouffins, le loup sur les brebis, & le renard sur les poules. C'est à dire, vous forcer à coups de baston de renoncer à la Messe, & assister au presche, & au lieu de viure sous la benignité de vos Euesque & Pasteurs, estre desormais sous la tyrannie des Ministres. Car il ne faut point dissimuler en affaires de telle consequence, Le fait de la religion est de si grand poix, qu'il doit emporter toutes considerations humaines: & serions bien meschants, si nous dissimulions les dissimulations de vos ennemis. Nous ne pouuons en cest endroit regarder qu'au Ciel, & non en la terre. Les Roys les Princes, les biens de ce monde ne nous sont rien, non pas les tourmens que l'heresie nous fait sentir de iour à autre, & qui vous sont tresafseurez, comme à nous, si vne fois vous receuez le Roy de Nauarre à vostre Couronne. Entendez maintenant la malignité de la maladie: ses allees & venuës, son tour & son retour, & ce qu'elle fait pour paruenir à cest establissement.

*Preten-  
tions du  
Roy de  
Nauarre.*

*Empesche-  
mes contre  
les moyen  
dudit Roy  
de Nauarre*

Depuis le decez du Duc Danjou, le Roy de Nauarre n'a pensé qu'à pratiquer les moyens de paruenir à vostre Estat. A quoy il a esté incité nou seulement par la cōmodité qu'il en attend: mais par les Ministres, qui sont ses adioints perpetuels, qui se promettent merueilles, si leur dessein peut reussir. Toutesfois il a trouué de grands empeschemens.

Premierement: Qu'il craint merueilleusement les Estats: & que luy qui a ruiné tous Estats, ne peut esperer aucune faueur des Estats: Que les

Catholiques sont en grand nôbre en ce Royaume : Que les villes & les prouinces sont toutes en la puissance de Gouverneurs Catholiques : Que la religion pretendue est odieuse comme la peste , tant pour l'impieté dont elle est composée que pour les inhumanitez & barbaries dont les heretiques ont vsé . Dauantage qu'il a pour contraire le Cardinal de Bourbon son oncle, qui est plus proche de la Couronne : Que pour appuy il a l'alliance de la maison de Guyse fort aymee, en France , & redoutee pour sa valeur : Que tous les Princes vrais Catholiques mourront plustost que luy qui est heretique, par uienne iamais a la Couronne.

Qu'a il donc faict pour dissiper tous ces moyens? Il a enuoyé Segur Pardaillan ~~fleur~~ <sup>du roy de</sup> Gentil-Nauarre homme en Allemaigne , Suede , Danemarc & pour dissiper Angleterre , renouueller les anciennes confederations qu'il a avec tous les heretiques , & pour <sup>empêcher</sup> en pratiquer de nouvelles , a fin qu'ayant es-<sup>so</sup> <sup>establis</sup> meut tous ses partisans contre vous, & se voyât <sup>sement</sup> assisté de leur forces , il s'introduise à la Couronne, puis qu'il en <sup>est</sup> exclus par la raison. A quoy il a esté incité par le Ministre Bocard , vraye trôpette de Sathan, qui transporté de son bon sens, s'est persuadé & luy a fait croire que dans l'Apocalypse il est fait mention, de luy, qu'il sera Roy de France , & chassera le Pape de son siege. Voila son premier & sanglant dessein , de remplir la France de forces estrangeres , & d'estre conducteur d'une fourmilierie d'heretiques, par les armes desquels il soit couronné aux despens

de vos consciences, & de vos vies. Et à ceste fin, & pour asseurer les Reistres qu'il pretend leuer, il a enuoyé en Alemagne tout l'or & l'argent & les pierreries qu'il a peu recouurer, encore qu'il y en'ait si peu, que les Alemans se sont moquez des richesses de ce grand Monarque. Lequel ayant commencé à ruiner vostre Royaume par l'establissement de son impure religion, & par l'introduction des estrangers il est tout resolu de n'y abandonner ses entreprinſes, qu'il ne <sup>voyant</sup> reduit en extreme desolation. Et pour donner courage à ses confederez de le secourir, il ne les entretiét que de l'esperance du sac & du butin de vos villes, & principalement de la ville de Paris. Que s'il ne peut obtenir les forces estrangieres qu'il solícite, & qu'il se promet, il est resolu pour vn temps de faire bonne mine, cōme il fit à la saint Barthelemy, demander d'estre instruit d'aller, si besoin est, à la Messe, se dire Catholique: mais se voyant affermy, faire comme le loup de la Conciergerie du Palais à Paris, qui en vne nuit (ainsi qu'on nous adit) mangea les chiens & les poules du Geolier, avec lesquelles il couchoit plus de trois mois au parauant. Ainsi les Ministres l'ont dispensé de ce faire: & desia les heretiques disent qu'ils sont Catholiques, & qu'entre nous & eux il n'ya q'vn ou deux petits points à vider. Mesmes on nous a rapporté, que lors que lon reuoqua cest Edict de pacification, ils se disoient estre contés d'aller à la Messe, & qu'ils ne vouloient plus estre cause que ce Royaume fut ruiné. Vne chose scauons nous bien, que c'est vn

Butin de  
Paris pro-  
mis aux  
estranger.

Le Roy de  
Nauarre  
dissimulé  
iulques à  
ce qu'il soit

Dispence  
Roy de Na  
uarre de  
dissimuler  
sa religion.

dissimula-  
tions des  
heretiques.



cas resolu pour entreux, qu'il est loisible à tous  
 hômes, & principalement aux Princes, de dissimu-  
 ler leur religion. A ceste occasion, pour paruenir  
 à leurs desseins, ils ont fait imprimer l'Aduer-  
 tissement au Roy de Nauarre de se reünir à l'E-  
 glise Catholique les Remonstrances d'un Euef-  
 que Catholique, aux ministres, l'Aduertissement  
 d'un Concile national, que requiert le Roy de  
 Nauarre, les articles generaux de la Paix vniuer-  
 selle, & telles autres drogues de leurs boutiques  
 qui sentent si fort l'esuenté aux nez des gens de  
 bien, qu'il leur seroit meilleur de les reserrer que  
 de les mettre en vente à ceux qui les tiennent  
 pour toutes veuës. Nous ne voulons vous reciter  
 l'amas de deniers qu'il fait, & les pratiques des  
 Gentils-hommes, dont plusieurs l'ont honne-  
 stement escondit, pour ne forcer leurs consciën-  
 ces, & pour ne mettre vostre Royaume en deso-  
 lation: Somme qu'il est assez vulgaire entre les  
 Capitaines de s<sup>on</sup> party, qu'ils ne menassent peu  
 les Catholiques, & particulièrement les Parisiës,  
 qu'ils scauent affectionnez à la religion Catholi-  
 que.

*Ruses d'he-  
retiques.*

*Amis  
d'argent  
que fait le  
Roy de  
Nauarre.*

Voila la fieure ardëte & perilleuse qui s'est ca-  
 chée ces iours passez en vostre Est, & qui a  
 bruslé au fond de vostre corps, sans auoir peu-  
 estre descouuerte, ny par le poux, ny par l'inspe-  
 ctio<sup>n</sup> du malade. Car pendant ces pratiques cha<sup>u</sup>  
 pensoit viure en repos, on ne parloit que de paix  
 qui neantmoins couuroit vnetrescruelle guerre

*Pratiques*

Toutesfois ceste esmotion secrette ne peut si  
 bien estre cachée, qu'elle ne fut apperceue par les.

*desconuer-*

vne vrine & par les Memoires tombez es mains des Princes Catholiques, qui cogneurent l'ardeur & l'inflammation qui se couuoit au peril & danger de tout le corps. Dequoy ils eurent horreur d'entēdre de si dangereux desseins, dōt se mesloient plusieurs qui se disoient Catholiques. Et pource qu'ils sçauoient que l'intentiō du Roy de Nauarre & de ses associez n'estoit que destreindre la religion Catholique, & faire mourir tous les Catholiques: & d'ailleurs, que lon faisoit comme les Iuifs, qui choisirent Barabas pour laisser Iesus Christ: & que l'on repudioit le Cardinal de Bourbon, Prince Catholique, & plus proche de la Couronne, pour y introduire son neupueu, chef des heretiques.

*Cause de  
la ligue  
sainte.*

*Effects d'icelle,*

*La ville  
d'Orleans  
pert le con  
seil des he  
retiques.*

Ce fut pourquoy ces Princes renouerent ligue de Peronne, auparauant negligeē, leuerent les armes pour la conseruation de la religion Catholique, & pour la tuitiō de vos biens & de vos vies. Ce qui effroya grandement les heretiques, qui pensoient leurs menées n'estre decouuertes, & qui se trouuerēt fort estonnez de voir en campagne non pas des faucheurs de Picardie, cōme ils gazouilloient le peril estant passé, mais vne belle & gaillarde armee, qui eust fauché ceste mauuaise herbe, sans espoir de recroistre, si on luy eust permis d'exécuter <sup>ce</sup> que les Chefs auoient de resolution. Mais rien <sup>ne</sup> les estōna d'auātage que l'assurance des habitans d'Orleāns, qui se declara fort à propos pour l'intention des Princes Catholiques, & à la perte & dissipation des conseils des heretiques. Car

c'estoit à Orleans qu'il auoient resolu d'amener leur Roy de Nauarre pour y tenir sa Cour & s'approcher de Paris pour s'emparer quand l'occasiõ s'y presenteroit . Mais les habitans d'Orleans osterent la croye & l'espeñance à ses fourriers, d'y marquer son logis se souuenans du gracieux traitement receu par les Huguenots lors quilz furent leurs hostes . Ce fut a lors que l'heresie recourant à son iargon costumier, sema force petits liurets contre la maison de Guise, fit courir nombre de rithmes alterées contre leur honneur, leur imposant qu'ils se vouloient emparer de la Courõne. Et comme c'est vne putain babillarde, & effrontee triõphoit de causer contre ces Princes genereux & magnanimes, les accusant de rebellion : comme si la memoire fut esteinte de la coniuration d'amboise, de la trahisõ de Meaux, & autres actes signalez de sa desloyauté, à laquelle ceux de Guise festoient valeureusement opposez . Mais d'autant que son babil ne la pouuoit garétir de la ruine prochaine dõt ces armes le menassoient:& d'ailleurs qu'elle se voyoit mal appareillee pour soustenir le faix de cesteguerre

*Rithmes alterees, & petits liurets, contre la maison de Guise.*

Ce fut pourquoy elle pratiqua la surceance de six mois. *Delay de six mois.*

pour consommer les Princes Catholiques, & cependant pouruoir aux moyens de sa seureté. Ce que liberalement ces bons Princes accorderent, pour estre accõpagnez plustost d'une genereuse humanité que d'une renarde subtilité. Depuis l'heresie a tente tous moyens, & les tête encores á present, pour introduire son Roy de Nauarre à la Courõne : Car de iour à autre

*Les Heretiques for- ce prati- ques.* elle se fait des partisans, pratique desintelligen- ces, gaigne des villes, faulseure des Prouinces, pour y fortifier son party, a la ruine de la religio Catholique.

*Les Catho- liques ne sentent rien*

Et quoy ( Messieurs les Catholiques ) voyez vous point les dangers de vostre maladie? sentez vous point la defluccion qui vous estouffe? que pensez vous? qu'attendez vous, que le cousteau sous vos gorges, les heretiques en vos maisons, le feu dans vos temples, & les soldats en vos vil- les? Qu'attendez vous, si vous receuez le Roy de

*Ruine des Catholi- ques, si le Roy de Nauarre n'est de France*

Nauarre, sinon de voir par tout vostre royaume ce que quelques villes ont veu durant les trou- blés? vostre religion opprimee, vostre deuotion esteincte, vos Eglise pollues, vos Sâctuaires pro- phanez, vos autels demolis, vos maisons pillées, & bref vous voir comme forçats reduits sous la licencieuse arrogance des Ministres? Imaginez vous ce que nous experimétons en Angleterre, que si vous allez à la messe, si vo<sup>r</sup> retirez des Pre- stres; si vous auez des chappellets, si vous ne re- uerez les Ministres, vous serez crimineux de leze maiesté Le iour, la nuit, en toutes saisons, & en toutes heures, vos maisons seront fouillées, vos meubles desfrobez, vostre argent pille sous om- bre qu'o<sup>y</sup> recherchera les Prestres. Si vo<sup>r</sup> n'allez au Presche, si vous n'y faites baptiser vos enfans, si vous n'y celebrez vos mariages, on vous mul- tera de grosses amendes: les tortures, les que- stiôs extraordinaires, les cordeaux & les gibets ne vous manqueront iamais: Bref, estimez vous les plus miserables creatures qui furent onques.



Car comment endurrez vous l'arrogance des Ministres  
 Ministres, que des heretiques nez, nourris, & es- *insupporta-*  
 leuez avec eux ne peuuent supporter? Comment *bles aux*  
 ne vous gesneront-ils, qui estes leurs ennemis, *Hugue-*  
 qu'ils tyrannisent ceux de leur party? Y a-il he- *nors.*

retique, quoy, qu'il soit affectiõné à leur religiõ,  
 quil ne s'en plaigne? croyez que la seruitude de  
 Sathan est intorerable. il est donc temps de met- *La serui-*  
 tre ordre à vos affaires, l'henre vous presse, le tẽps *tude de*  
 vous haste, le mal est prompt, le danger est pro- *Sathan in-*  
 che, & n'est plus heure de dormir: l'heresie vous *tolerable.*  
 poursnit de pres, c'est à ce coup qu'il luy faut re-

sister, non pas y resister laschement: mais avec le  
 bandement de tous vos nerfs, avec l'espanche-  
 ment entier de vostre sang, & avec toutes les for- *Catholi-*  
 ce de vostre corps & vostre esprit. Il faut que le *ques doi-*  
 malade s'esuertue, il faut que la nature s'excite, *uent à ce*  
 afin de faire vne bonne euacuation <sup>de</sup> tant de ma- *compresi-*  
 lins humeurs qui corrompent la disposition de *ster ou, a-*  
 vostre Estat. Il faut chasser ces ordures de vostre *mais.*  
 corps, il faut le nettoyer par diette de vices, &  
 par aposems d'oraisons frequentes & reiterees,  
 & par la rheubarbe des armes.

Mais vous demanderez quel chemin vous de *6. point.*  
 uez prendre pour y commencer: qui est vn des *des reme-*  
 principaux points du present Aduertissement. *des dont o*

Nous disons donc, qu'il faut commencer par *doit vser.*  
 se biẽ couvrir, qu'il faut tenir les bras & les iam-  
 bes serrees & bien iointes à tout le corps: car ce- *1. reme de*  
 ste vnion ex-citera vostre chaleur d'auantage. *d'entrete-*  
 Bref, il faut tenir les mesmes voyes qu'il stienẽt *nir la Sain*  
 pour se maintenir contre vous: Il se liguent, li- *ete ligue.*

*Catholiques doivent pour se maintenir faire ce que font les Huguenots pour r'establir.*

*Ce n'est chose nouvelle aux Catholiques de se liquer.*

guez vous : ils se supportent, supportez vous, ils s'assemblent, assemblez vous : ils se cotisent, cõtisez vous. Vous n'estes de pire condition que ceux, qui lasches, deserteurs de l'Eglise, & trahistres à Dieu, à leur Roy, & à leur patrie, se sõt par leur temeraire iugemêt separez de l'vnion commune, pour réplir le monde de factions, de sang, d'horreur, & de crimes. Voyez leurs ligues, & y prenez exemple: aduisez cõme ils assurent leurs Chefs, comme ils leur obeissent, & cõme ils les defrayët de leur bourse commune. Voyez comme le Roy de Nauarrre a tant pour son plat, le Prince de Conde tant, & les autres Chefs de leur faction tant : & au lieu de rien distribuer a vos Chefs, distribuez-le à la cause & à l'ëtretié d'une bonne armée: Leurs Villes sont liguées, faites liquer les vostres, vnissez vos Prouinces, ayez intelligèce ensëblemêt. Que l'Ecclesiastique, le noble, le Iusticier, le Marchãd, & l'Artisan se resoluët qu'il ne faut plus qu'une religion Catholique. & qu'il est temps d'abolir la cõttaire: Qu'il y a vingt-cinq ans entiers que ce mal vous mine & faute d'y remedier, il est prest de vo<sup>r</sup> estouffer. Voila ce que vous deuez faire pour exciter vostre chaleur, & pour vous esmouuoir à vostre salut. Ce n'est pas chose nouuelle de voir les Catholiques liguez ensëblemêt Toutes les guerres de denãt, où nos Anglois & vos François se sont si courageusement portez n'estoient que liguez. Pourquoy ne sera-il permis de se liquer contre les heretiques, veu que tant de fois on s'est ligué contré les infideles? Les heretiques sont-ils pas plus

plus detestables que les infideles, veu qu'ils faul-  
 sent le serment qu'ils ont à Dieu & à l'Eglise, au-  
 quel le Turc & le Payé ne s'obligea iamais? mais  
 sera il permis aux heretiques de se liguier, & on  
 le defendra aux Catholiques? Qu'elle loy a iamais *A esté per-  
 uis aux  
 huguenots  
 de liguier.*  
 favorisé ceste inegalité, encores en vn Royaume  
 Treschrestien & catholique? L'on sçait depuis  
 soixâte & treze que les heretiques se sont liguez  
 par plusieurs fois. Qui les en a recherchez? qui  
 s'en est plaint? quel Procureur du Roy en a faict  
 informer? quel decret en à on leué, Et toutesfois  
 ces liguez n'ont esté obscures: car elles ont esté  
 faictes en plain iour, à l'œil des Lieutenans du *Liguez des  
 Huguenots  
 toutes pu-  
 bliques.*  
 Roy à la veue des magistrats, & de la Iustice. Le  
 Cōseil les a sceuës toutesfois il les a tollerees, les  
 Edicts les ont approuuees, à la ruine des Catho-  
 liques, Et sera dit il, que n'oserez repousser le cou-  
 steau qu'on veut plonger en vos poictres? Qui  
 ne sçait que la Rochelle, Sancerre, Montauban &  
 autres telles Sodomes & Gomorres sont liguees  
 en semblément? qui ne sçait que les Huguenots  
 de Bearn & de Nauarre sōt de la ligue? Qui igno-  
 re les deniers que par chacu an les liguez met-  
 tent en la bourse cōmune? Qui ne sçait qu'ils s'as-  
 semblent, qu'ils complottent & font chacū iour  
 de nouveaux desseins & de nouvelles Pratiques  
 pour paruenir à vōstre ruine? Ce n'est donc pas  
 chose nouuelle, si les hommes, les villes, & les *Les Villes  
 Catholi-  
 ques se doi-  
 uent liguier*  
 prouinces Catholiques s'vnissent de mesme liai-  
 son pour maintenir leur Iuste possession cōtre les  
 iniques conspirations des heretiques. Vostre cau-  
 se a plus de merite que la leur, conséquemment

elle doit auoir plus de priuileges que la leur. Car qui sont ces nouueaux chamfignons, qui sont ces enfans de la nuit, leues en vne nuit, qui veulent opprimer vostre religion si long temps establie? Où sont leurs origines? où sont leurs successiōs? Qui estoient leurs peres? & de quelles vertus estoient ils si recommandables? Sçait on pas bien qui estoit Luther, combien qu'ils soiēt differens de Luther? Sçait on pas bien qui estoit Calvin? & ne sçauons nous pas bien les infames paillardises de cet insigne rufian de Beze? Seront ce les enfans de tels peres, seront ce les disciples de tels maistres qui vous foulerōt aux pieds sans crier? qui vous estrangleront sans vous oser plaindre? Quel auuglement de trouuer vostre ligue mauuaise, & ne trouuer estrange leur meschante & inique confederation? Que d'une mesme chose en vostre endroit on en face vice, & que ce soit vertu pour leur regard? Qu'ils soient armez, & vous desarmez? Eux assurez, & vo<sup>s</sup> en crainte? Et bref que vo<sup>s</sup> receuiez la loy de ceux<sup>a</sup> qui vous deuez donner la loy? Est-ce pas ce qui leur donne tant de subiet? Mais entendes la cause principale de leur colere: Ils ont biē sçeu comme l'on vous a dit, que ceste ligue estoit leur mort, que ceste association estoit leur ruine: Ils ont prouueu que c'estoit vn caualier bien planté pour battre & abatre toutes leurs defenses. A ceste occasion, ils ont tanté tous moyens, ils ont pointé toutes pieces pour le renuerser. Et qui n'a veu les volees des petits liures fondre sur ceste ligue, & luy donner le coup de bec? Qui

*Les anciens  
Chrétiens  
& Catho-  
liques se lai-  
sent oppri-  
mer par la  
nouueauté  
de l'herésie*

*Et nous  
voulēt que  
tout leur  
soit permis,  
& aux Ca-  
tholiques  
rien.*

*Eschris con-  
tre la Sain-  
te ligue.*



rien cognoist les auteurs, dont la vie deprauée &  
 les mauuaises mœurs, avec leur religion, sert de  
 bouché pour recômander le mauuais vin qu'ils  
 nous vendent. Qui ne les a veus se vanter que  
 leur main auoit fait le coup comme s'ils eussent  
 composé quelque œuvre digne de perpetuelle  
 memoire? La nuit leurs liures estoient pondus  
 & couues, la matin ils se trouuoient esclos pour  
 voler au Palais & au Louure, & pour estre pre-  
 sentes aux heretiques, aux politics, & faux Ca-  
 tholiques qui en faisoient grand cas, & qui les  
 lisant faisoient des mines des bras & testes,  
 semblables à celles des Muderis de Cōstantino-  
 ple, quand ils lisent l'Alchoran de Mahomet. Le  
 fuyet ne pouuoit faillir de leur plaire, puisque lō  
 medisoit du Duc de Guyse & de sa maison, car *Huguenots*  
 à ceste sauce ce poisson se mange. Il suffit pour *ont consi-*  
 voir quelque ouurage singulier entre les hereti- *lours mes-*  
 ques, qu'il y ait quelque ontrageuse declamatiō *dijs de la*  
 contre le Pape, cōtre le Roy d'espagne, ou con- *maison de*  
 tre la maison de Guyse. Voila le sujet de leurs es- *Guyse.*  
 crits. Voila le but de leurs caquets. Voila l'exer-  
 cice de leurs plumes. Et qui sçait dextremement ce-  
 ste leçon, il ne tient petit rang entre les premiers  
 de Geneue Depuis soixante & vn, iusques à pre-  
 sent, le monde n'a veu autre chose. Nous disons  
 plus, que les hōmes de lettres n'ont esté ennuyes  
 d'autre chose. Car telle façon d'escrire est si im-  
 portune aux gens d'honneur, qu'il n'y a person-  
 ne qui ne s'en fasche. On n'a iamais veu les Ter-  
 tulians lez Saints Basiles, & tāt de grādes lumie-  
 res de l'Eglise d'Orient & d'Occident, eslire ce

*Huguenots*  
*n'ont rien*  
*des anciens*  
*chrestiens.*

genre d'escrire, En leurs escrits nulle iniure, nul le medifiance nulle cholere: Rien que doctrine rié que bonnes mœurs, rien qu'humilité. Mais faisons nous comparaiſon de ces grands grands perſonnages, à ces barbouilleurs de papier, & de Royaume? Reprenons ceſte ligue? contre laquelle ils ont ſi furieuſeſcrit

Ces eſciuains ont reſſemblé les ennemis conuerts d'un pauvre malade, qui deſirant ſa mort, luy conſeillerent de ietter la medecine & le gobelet cōtre les murs, doſter la couuerture de ſon lit, gâbier licentieuſement, & reſuſer le linge chaud qu'on luy veut appliquer ſur ſon eſtomac Et neâtmoins pour autorifer leur conſeil, diſēt que telle couuerture eſt pour l'eſtoufer. Etnō pas pour le guerir. Ainſi diſent les Huguenots de la ligue, que c'eſt vn poiſon pour vous perdre, & nō vne medecine pour vous conſeruer. Ils criēt qu'elle a amené la famine, comme ſi les bleds n'eſtoit cauſe, & la licence des ſoldats, qui rauagent par toute la France. Il n'eſt pas iuſques a ux plumes des ſecretaires, qui couchēt en leurs lettres, que la ligue eſt cauſe de la ruine du peuple. Meſmes qu'on a ſuppoſé gens en la Halle de Paris, pour dire pendāt la cherté du bled, que la ligue eſtoit cauſe de la diſette que l'on ſentoit. Cōme ſi la deſſeſce de la foy de Ieſuſchriſt vo<sup>9</sup> faiſoit tous mourir de faim. Ce fut vn bon mot d'un Catholique qui les voyant bla'mer voſtre ligue diēt que les huguenots reſſembloient au loup d'Eſope qui reprenoit les brebis d'auoir des dets d'aller en troupe, d'auoir des chiens & des ber-

gets comme chose contraire à la douceur dont el les faisoient profession. Et à la verité nous esbahissons que les heretiques ne se faschèt que vous fermez vos villes & vos maisons & qu'ils ne peuvent entrer comme ils voudroient, chez vous pour vous y esgorger en vne nuit.

Ils crient & tempestent, & disent que vous auez surpris les villes du Roy. O gens soigneux du profit du Roy, & de l'honneur du Royaume Mais il est besoin de sçauoir, qui sont ceux qui entrent en accusation. Si ce sont heretiques, ils ne sont receuables: car au parauant que d'accuser il faut qu'ils se purgent des infames coniu-rations & rebellions commises contre le Roy & son Estat: Il faut qu'ils se lauent de tant de carnages dont ils ont ensanglanté leurs mains: Il faut qu'ils rendent les villes du Roy qu'ils ont pillées & dont ils sont inuestiz encores de present. Quoy? vous accuseront ils d'auoir surpris des villes, eux qui depuis soixante & deux iusques à present n'ont fait autre profession? Vous blasmeront ils d'y <sup>estre</sup> entrez du consentement des habitants, eux qui ne sont entrez que par la boucherie & que par l'efusion du sang des habitants. Seront ils marris qu'ayez des refuges pour vostre innocence, eux qui en ont pour leur meschanceté? Les loups blasmeront ils les Brebis d'auoir des parcs eux qui ont des cauernes pour se retraire? que tels accusateurs se retirent qu'ils ne se soyent purgez au parauant: Qu'ils s'aillent lauer des crimes dont ils ne sont que trop atteints & conuaincus: Mais quelle eue le pour-

*Huguenots  
veulent  
tuer sans  
qu'on se  
deffende*

*Catholiques asso-  
ciez n'ay  
aucune  
religion ne  
peuuet iu-  
ger du fait  
de la reli-  
gion.*

*L'heresie  
est vne  
paillarde  
et qui s'en  
aproche  
n'est catho-  
lique.*

*Ref. de vil-  
les, est vne  
retra repre-  
patee aux  
gens de  
bien.*

*Princes Ca-  
tholiques  
semblable  
aux bons  
seruiteurs.*

roit nettoyer, qui pourroit blanchir ces Mores, dont le taq est si profondement encuirassé, qu'il n'y a rien au monde de plus ord & plus detestable? Que si ces accusateurs sont Catholiques associés, ou telle autre sèblable greine d'impieté, pourront ils n'ayant aucune religion, estre partie en choses qui concernent la religion? Quelle religion iugerez vous estre en tellegés, qui veulent lier Iesus Christ à Sathan, la vertu au vice, la paillardise à la chasteté, l'ordure à l'honnesteté? Croyez que l'heresie est vne paillarde, dont l'odeur put tellemēt au nez des vrais Catholiques, qu'il n'y a bouc, il n'y a clouaque qui sente pirement. Et puis que telles gens aiment cet odeur & s'en approchent, on peut iuger qu'ils ont les sens peruertis & qu'ils tiennēt plus de l'heresie ou plustost de l'atheisme que de l'Eglise: Donc ces accusateurs portent ailleurs leur accusatiō Car quand aux vrais Catholiques, ils ne se plaindront iamais qe'on leur prepare des retraites pour se refugier contre la cruauté des heretiques. Les villes que vous aues sont autant d'asseurances contre leur oppressiōs, ce sont fermes ramparts pour vous deffendre de leurs incursiō. Et ne faut point blasmer les Princes que les habitans y ont receus: car ils ont fait ce que font les bons seruiteurs, qui ayent descouuert la nuit les eschelles des voleurs plantees cōtre le chasteau de leur maistre, se sont saisis des tours, les ont munies d'harquebuses & de personnes fideles, pour resister à leur entreprises. Les heretiques auoyent enuoyé es pays estranges pour



semparer de la France, qui est le chasteau ou la religion Catholique a de tout t. mps faict sa demeure. Ils auoient en ce chasteau de grandes intelligences, leurs eschelles ont esté trouuees contre les murs, les memoires ont esté descouuertes, les soldats de Sathan prests à monter. Blas

*La France est le chasteau de la religion Catholique.*

meres vous ces bons Princes, ces bons seruiteurs de la France, d'auoir saisy les tours pour resister à la violéce & surprise des heretiques? Mais qu'on nous die vn peu, si entrant en ces villes il y a eu quelque tumulte & confusion? Qui est tombé par terre que ce bel Edict de pacification? Quelz citoyens y ont esté tuez? Qui sont ceux que lon y a blesez? Quelle violéce sy est faicte? Quelle tyrannie sy est exercee? L'Eglise a elle cessé? la Iustice a elle vacqué? Quel membre de l'estat politique sy est trouué interessé? Messieurs les Huguenots il n'y a ville en France où vous foyez entrez, qui n'ait senti la difference qu'il y a de vos

*Difference de l'entree és vt. les par les princes Catholiques, & par les Huguenots, Angoulesme maltraicté des Huguenots.*

entrees aux villes, avec celle des Princes de la ligue Catholique. La pauvre Angoulesme en scauroit bien que dire, laquelle nous osons nommer entre les autres. Car quel<sup>le</sup> barbarie n'a elle experimenté? quelle inhumanité n'a elle senty? l'air gemissoit de vos impietés, la terre fremissoit de vos cruautez.

*Cruauté du Roy de Nauarre & de l'Admiral contre les Catholiques.*

Le Roy de Nauarre faisoit pendre les moines, l'Admiral faisoit tuer les Prestres: & tous acharnez cōme Lyons sur la chair des Catholiqs. Mais cōmēt neussēt ils mal traicté leurs ennemis, qu'il firent mourir la damoiselle de Marādat leur hostesse, des plus estranges tourmens que lon peut

*La Damoiselle de Marādet escorchee par les heretiques.*

excogiter le droict d'hospitalité ne peut amollir <sup>tant</sup> le cœur de ces Tigres. qu'apres auoir esté bien traictez par elle, ils luy bruslassent les pieds. Luy déchirassent la peau par esguillettes, & la fissent mourir faute d'enseigner son argët. Qu'ôt ils faict à Nismes par deux fois, sinon a la premiere de iecter pres de deux cens Catholiques dans vn puis, tous hommes signalez, & meilleurs citoyens de la ville: Et la seconde d'esgorger vn nombre infiny de gens de bien, apres les auoir trauaillez de diuers tourmens & cruelles peines Enterrerēt ils pas tous vifs les Albanois du sieur de Montmorency, apres auoir exercé contre eux toutes especes de barbarie? Les foudres les tempestes qui esclatoient la nuit de leurs massacres & l'horreur qu'auoit le ciel de leurs detestables tyrannies, ne les peut retirer du carnage qu'ils faisoient des Catholiques. Mesmes ils laisserent a Caluissou le corps du Prieur trois iours sur la terre sans vouloir permettre qu'on l'enseuelist. Qui n'a ouy parler de Mombriçon, & comme ils firent sauter les Catholiques du haut en bas de la tour, prenant plaisir de les voir rompre dedās l'air, & de receuoir leurs corps demy morts sur la pointe de leurs picques & halebardes? Sçait on pas l'acte signalé des soldats de François du cassé Lieutenant pour le Roy de Nauarre à Bazas l'an quatre vintgts deux, qui apres auoir forcé & rançonné vne pauvre veufue, la lierent le ventre en haut & remplirent de poudre à canon ses parties honteuses, de sorte qu'ayant mis le feu son ventre s'esclata, & les intestins deualerent <sup>sur</sup>

la place mais ce ne sont que ieux aux heretiques qui en ont bien ioué d'autres parmy la France, & qui en ioueront encores, s'ils ne sont empeschés par vostre ligue.

Car ceste ligue est l'espouuante des heretiques  
C'est la terreur des meschans : C'est le chastimēt  
des rebelles : C'est le fouet des politiques. C'est  
le gibet des Catholiques vnis : Et au contraire  
l'assurance des bons Catholiques : C'est la re-  
duction de la vertu antique : C'est le repos du  
peuple : lequel se peut assurer, que tant que  
les heretiques seront en France, tant que ceste  
maudicte race viura & germera en son Royau-  
me il ne s'esprouuera iamais que mal & pis en-  
cores qu'il n'a experimenté depuis vingt cinq  
ans passez.

*Louange  
de la S. li-  
gue.*

A quoy tient il doncques que toutes vos vil-  
les ne se liguent, que toutes les prouinces ne s'y  
nissent, pour opprimer pour estouffer pour ac-  
cabler ceste misere heresie? Estes vous si peu soi-  
gneux de vostre garison? Auez vous si peu d'es-  
gard au mal que vous endurez? Croyez qu'il qu'il  
faut esmouuoir tous vos membres pour guarir  
vostre appoplexie. Voyez ces princes qui quitent  
leur repos pour mettre vous & vostre Estat en  
repos ils s'incommodent pour vous accommo-  
der : Ils s'engagent pour vous desgager : Ils tra-  
uaillent pour vous assurer : Ils sont resolu, gra-  
ces à Dieu, plustost mourir, que d'auoir, aban-  
donné vne si sainte & si iuste querelle. Et com-  
me les Chefs sont en ceste resolution, aussi sont  
les membres & tous ceux qui sont entrez en ceste

*La france  
se doit es-  
mouuoir  
pour ga-  
rir son apo-  
plexie.*

Huguenos  
naturelle-  
ment men-  
seurs.

2. remede  
ne recevoi  
vn hereti-  
que pour  
Roy.

Le but des  
vrais Ca-  
tholiques  
de repous-  
ser le Roy  
de Nauar-  
re à la cou-  
ronne.

ligue. Et ne faut arrester aux heretiques, qui par-  
lent des gentils-hommes retirez de la ligue, car  
ce sont ruses communes de <sup>nos</sup> ~~la~~ ennemis. On  
sait qu'ils sont enfans de Sathan, qu'ils s'escri-  
ment fort du baston de menagerie, & dont il a gai-  
gné le prix de tout temps. Qu'ils resserrent donc  
leurs petits liures euolez, ils ont tant iué & tra-  
uaillé : car tels fatrats de fables & mensonges  
ne peuuent faire quicter aux gentils hommes ca-  
tholiques vn seul petit point de leur deuoir, &  
de l'obligation qu'ils ont enuers l'Eglise, & a la  
conseruation de leur religion qu'on veut estein-  
dre. Or ce n'est pas assez de vous souuenir de biē  
tenir les membres ferrez, & de vous bien liguier  
& vnir ensemblément. Car tout ainsi que le me-  
decin fidele deffend à son malade de rien māger  
& introduire en son corps qui soit contraire à sa  
santé : Aussi vous faut il resoudre de plustost  
mourir, que de receuoir le Roy de Nauarre à la  
Couronne. Car en ce point gist vostre guerison  
& lequel mesprisé, il ne faut attēdre de remedes  
Et comme c'est le but des heretiques & leurs as-  
sociez qu'il y entre, ce doit estre le but des vrais  
Catholiques, de le repousser de son attēte, & de  
luy barrer les portes de la Royauté. Et qui est ce-  
luy qui ne sache que l'heretique est indigne de  
commander à des Catholiques.

Ce nom de Catholique est si haut, si auguste  
& si illustre, qu'il ne peut receuoir pour supe-  
rieur que celuy qui est Treschrestien & Catholi-  
que. Les Catholiques sont marqués d'une autre  
marque que le reste des citoyens de la terre C'est



l'heritage de Iesus-Christ, sont les enfans legitimes, ce sont les fructs du lit de son espouse. Nô pas les heretiques, enfâs de la paillarde, qui s'est eshontement prostituee à Sathan, Quoy mettez vous l'heritage legitime es mains de l'illegitime? *Les Catholiques en-  
fant de l'es-  
pouse.*  
 L'arracherez vous aux vrayz enfans, pour le donner au bastard indigne de succeder? Pensez que la religion est vn don des plus grâds, que les hōmes puissent receuoir de la main de Dieu. C'est vn sacré depost, c'est vne perle formee de la substance de Iesus Christ, qu'il a mise en vos mains, & dōt il demâdera vn cōpte bien exact à l'aduenir. *Les hereti-  
ques enfâs  
de la pail-  
larde &  
de Sathan*  
 Que si ce depost est perdu, ou que par negligence vous l'ayez l'aissé de perir, pensez vous pas que la peine en sera d'autant plus grande, que la chose est de grâde & inestimable valeur? Voyez dōc ce que vous faictes, receuant vn heretique pour vostre Roy: Voyez le mal ou vous plongez. *La religiō  
est l'un des  
plus beaux  
dons de  
Dieu nous  
ait faicts  
Compte à  
rendre à  
Dieu de la  
deffence  
de la Foy*  
 Voyez la ruine où vous iectez vostre religion. Car qui estimera que ce Sanglier pardonne à la vigne? Qui croira qu'il ne rôpe les hayes? qu'il ne passe à trauers? qu'il ne tire? qu'il n'arrache? qu'il ne se fouille de ce precieux fruct? & que le sang de vous & vos freres ne luy regorge de toutes parts? iettez les yeux sur l'Angletterre voyez la desolatiō de ceste vigne. Où en sont les gardes ou sont les Vignerōs? Helas l'on a mis les gar- *En Angle-  
terre nulle  
Marque  
qu'elle ait  
esté Catho-  
lique.*  
 les vigneronz, les raisins, & la vigne, & iusques aux fucilles au pressouer. Il ny a Catholique que lon n'ait fait mourir, Il ny a si petit qui ne soit yure du sang que largement on en a faict respan-  
 dre. La laye est entree au cloz, elle a tout gasté &

deuoré. Nostre sang luy regorge par le nez & les yeux, par la bouche & par les oreilles: encores ne s'en peut elle assouuir. Si vous receuez vn Roy heretique, qui vous garentira de pareil accident, puis que vous auriez commis pareille faute? L'estimez vous plus doux que les autres heretiques? pensez vous en luy plus d'humanité?

*De portement du Roy de Navarre pleins de cruauté.*

Il vous faut croire, que receuant vn heretique, vous le receuez avec ses complexions. Quelles autres complexions ont les heretiques, sinon d'estre cruels, arrogans & insupportables? L'on sçait que Sathã n'en arma iamais d'autre. & quãd le naturel inclineroit à la douceur, le cruel esprit qui les agite, les forceroit de deuenir sanguinaires, comme luy. Gardez vous donc d'introduire vn Roy heretique dedans le corps de vostre Estat. Ceste viande n'est pas propre à vostre ~~malade~~, veu que la maladie est venue d'en auoir mangé: le suc en trop aigre, & de trop dur & difficile digestion. Mais enquerez vous où luy & ses armées ont passé, de la singuliere douceur & modestie dont le Chef & les membres sont recommandez. Demandez aux Catholiques de Bearn, qui vous instruisent de sa clemence: Demandez aux habitans d'Angolesme les histoires de sa bonté, informez vous des citoyens de montaubert en la Comte de Foix, des traits de sa misericorde: Vous apprendrez qu'il n'ya barbarie, il n'ya ferocité, il n'ya inhumanité qui ne l'ait tousiours accompagné. La rencontre ne fut pas mauuaise d'un Catholique, qui en l'an soixante & douze, le voyât au Loure suiuy d'un ieune loup qu'on

*Le Roy de Navarre suiuy d'un ieune loup.*

luy/auoit apriuoisé dit que les Loups cherchoiét *cruau-*  
 l'vn l'autre, & qu'il se fieroit plustost au plus ieun- *tez de la*  
 ne qu'au plus vieil. Que si nous pouuons iuger *feu Royne*  
 du fils par les mœurs de la mere, hélas ! qui n'a *de Nauarre*  
 souuenance des cruantez de la poule noire qui *enuers le*  
 l'a couué ? Quel honneur à elle porté à la me- *corps de sō*  
 moire du Roy Henry d'Alb<sup>re</sup>ert son pere, d'auoir *pere.*  
 laissé rompre son tombeau à Chastelgeloux ? Et *Le tombe-*  
 apres que les Huguenots eurent raiui ce carquât *au de Héry*  
 d'or avec lequel on l'auoit enterré, en laisser le *d'Albert*  
 corps aux chiens qui en firent curee ? Qui ne *ruiné &*  
 sçait au pays, que les Chatoliques recueillirent *pillé par*  
 les os du pere, & les enseuelirent secrettement *les Hugue-*  
 pour les sauuer de la barbarie de ceste cruelle *nots Assasi*  
 fille, & de ses pretendus reformez ? Si le Capi- *nat du Ca-*  
 taine Gohas, si le Baron de Perdiac, si le Sieur de *pitaine*  
 sainte Colombe pouuoient ressusiter de mort *Goas, &*  
 à vie, ils porteroient vn suffisant tesmoignage de *sainte Co*  
 son humanité. Mais qui n'auroit horreur de la *lombe, fait*  
 desloyauté qu'elle fit commettre à Montgom- *par le cōm*  
 mery estant à Nanarrin, d'assassiner vne nuit tant *mandent*  
 de Seigneurs & cheualiers de l'Ordre & Gen- *de la Roy-*  
 tils, hommes Catholiques, qui s'estoient rendus *de Nauarre.*  
<sup>ours</sup> sans l'assurance de leurs vies ? Sont ce pas les *Trahison*  
 trophées de la clemence maternelle ? Sont ce pas *de mont*  
 les instructions où ce bon fils a formé les mœurs ? *Gommery,*  
 Est ce pas le lait de la douceur qu'il a succé de sa *par le com*  
 māmelle ? Le fruit ne peut estre doux, estant issu *mandemēt*  
 d'vne racine si amere. Et qui ignore les Ordon- *de la feu*  
 nances de Bearn contre les Catholiques ? Qu'inc *Royne de*  
 sçait les iniques Arrests de ce beau Parlement *Nauarre.*  
 de Pau. Qui n'en sçait les executions ? Quelles

*La resolution  
du  
Roy de Na  
uarre.  
Dentrer.  
comme  
Lion.*

peines, quelles amendes, contre ceux qui n'iront  
au presche? Quel supplice contre ceux qui se-  
roient trouuez à la Messie? Aduisez bien a telles  
loix: Car si son fils est iamais vostre Prince, telles  
Ordonnances seront publiees en la France, &  
Malgré vos dents il vous y faudra obeyr. Et quoy  
s'il les fait estroittement obseruer en Bearn, pen-  
sez vous donc qu'il ne les face publier & obser-  
uer en France?

*Marques  
du Catho-  
lique.*

Sa resolution est d'entrer en vostre Royaume,  
ou comme vn Lion ou comme vn renard, mais  
tousiours de regner comme vu Lion, Voyez  
comme il faiet le Lion à present qu'il soustient  
avec les armes qu'il n'est heretique: & qu'il mō-  
strera que le Concile de Trente, qui a condamné  
son heresie en vn Concile, quilerré. Je vous  
supplie de penser l'arrogance & l'impudence de  
ceux qui le conseillent. Appelez vous Catholi-  
que vn Prince retiré de l'Eglise Catholique. Ap-  
pelez vous Catholique celuy qui est condamné  
de l'Eglise Catholique? Appelez vous Catholi-  
que, celuy qui se baigne au sang des Catholi-  
ques, Appelez vous Catholique, celuy dont l'o-  
piniō ne fut oncques vniuerselle & Catholique?  
Ainsi les loups se vestent de peaux d'agneaux,  
pour entrer en la bergerie. Ainsi les Renards  
se disent cousins germains des poules, pour  
plus facilement les deuorer. L'Eglise Catho-  
lique, qui est l'espouse de Iesus Christ, à de certai-  
ne marques, desquelles toute Assemblée qui  
n'est marquee n'est point l'Eglise Catholique.  
C'est vn bordel, cest vne abomination, C'est vne



impieté. Il ne fut oncques heresie depuis la naissance de l'Eglise, qui se ventast d'estre la vraye Eglise Catholique. Tous heretiques se disent vrais Catholiques : les vns s'appellent les Purs, les autres les reformez, les autres les celestes.

*L'heresie.  
se dit l'E-  
glise Ca-  
tholique.*

Et neanmoins ce n'est que terre, ce n'est que difformation, ce n'est qu'impureté : Seulement ils ne sont d'accord entr'eux, ains sont contraires, comme le blanc & le noir. Et toutesfois chacun d'eux se vente d'estre en la vraye Eglise Catholique : comme si Iesus-Christ estoit diuisé, & que sa robbe fut mypartie. Mais il faut croire qu'il n'y en eut oncques, & n'y a, & n'y aura iamais qu'une seule vraye Eglise Catholique. C'est ceste belle *Æthiopienne*, dont le Ciel est tant amoureux : C'est celle belle plante arroufée du sang des martyrs, cultiuée par tant de doctes personages d'Orient & d'Occident, qui a couuert toute la terre, & dont les fruits sont paruenus iusques à nous, & dureront malgré les heretiques iusques à la consommation du monde. C'est ceste Eglise que saint Pierre & saint Paul ont edifiée à Rome. C'est celle pour laquelle saint Iean l'Euangeliste endura à Rome : C'est celle dont nous auons les Pasteurs à Rome, & auquel Sixte quint a succédé, qui sied à Rome : C'est celle pour laquelle tant de grands Cheualiers de Iesus-Christ non seulement sont morts à Rome, mais en tous les endroits de la terre. Il ne faut doncques que le Roy de Nauarre ny tous ses Ministres se vantent d'estre Catholiques : C'est vn tiltre d'honneur qui ne luy peut appartenir, &

*L'Eglise an-  
cienne est  
celle que  
nous auons  
aniour-  
d'huy.*

*L'hereti-  
que s'ap-  
pelle Ca-  
tholique.*

qui n'appartiennent iamais aux heretiques, qui n'ont origine n'y succession quelcōque. Tāt s'en faut que le Roy de Nauarre soit Catholique, qu'il est excommunié & frapé du fouldre de l'Eglise Catholique : C'est vn membre pourry, coupé & rescindé de l'Eglise Catholique : Il est liuré à Sathan qui le possède & qui le faict armer contre l'Eglise Catholique.

*L'heresie  
Ressemble  
aux pail-  
lards.*

Mais il ne se faut esbahir si l'heresie s'appelle Eglise Catholique. L'heresie ressemble aux femmes impudiques, qui en quelque part qu'elles demeurent, hantent, si elles peuuent, les plus femmes de bien du quartier, s'abillent en femmes de bien, & publient par tout qu'elles sont femmes de bien. Que si elles sont recogneues recogneues pour villaines, & que les femmes d'honneur euitent leur frequentation, c'est lors quelles leur fōt des querelles par leurs rufiēs, crient à la rue qu'elles sont plus honnestes qu'elles & toute leur race, & qu'on n'a point d'honneur de les hāter. Le differend que nous auons auēc l'heresie est qu'elle ce dit la vraye Eglise. Et pource qu'elle n'a moyen de le prouuer, & qu'elle est rusée comme vne putain, quelle baue & braue comme vne putain, qu'elle est insupportable comme vne putain, & que tous ceux qui ne sont abandonnez de De Dieu, la sentent la recognoissent & la huent comme vne vraye putain. C'est pourquoy elle veut par force nous faire croire quelle est femme de bien & nous faict brauer par ses estaffiers, qui nous menassent de nous couper bras & iambes  
faute

faute de confesser qu'elle soit femme de bien. Iugez doncques si le Roy de Nauarre est Catholique, n'estant au sein de l'Eglise Catholique.

Et quant au Concile de trente, qu'il pretend môstrer auoit erré, c'est vne besongne trop forte pour luy & pour ses Ministres. Toute l'antiquité à laquelle le Concile est cōforme, ne se condāne pas ainsi. Quand ils verront en campagne le cōsentement vniuersel de toute l'Eglise Orientale & occidentale, pour auctorisier ce Concile, c'est assez pour les espouuāter. Quand on leur môstrera la saincte vie & l'erudition singuliere de ceux qui ont tenu depuis douze cens ans iusques à present, ce que le Cōcile a arresté, c'est assez pour les faire trēbler. Quand on leur môstre par <sup>ra</sup>escrit que depuis que les fondemēs ont esté iettez de la religion catholique, iusques à present, l'Eglise de siecle en siecle a approuuē ce que le Concile a determinē, c'est assez pour donner à penser. Nous tenōs les Ministres assez couāds pour ne vouloit entrer en ceste lice, vēu que maintesfoia ils ont refusē le combat en lieu moins perilleux pour eux que celui cy. Mais qui ne iugera de leur temerité & arrogāce, de cōdamner ainsi le iugement de tant d'Euesques, Docteurs & singuliers personnages: Voire de condāner tant de Cōciles precedens, qui ont determinē au parauant ce qui a esté long temps depuis renouuellē par ce Concile? Les Euesques, disent ils sont Iuges en leur cause: Tout ainsi que si Iesus Christ auoit ordōnē qu'autres que les Euesques nourris & instruits en la religion, iugeassent du differend de

*Ce Cōcile  
de Trente  
n'a errē.*

*Le concile  
ne determi-  
ne que que  
ce qui estoit  
des ermine  
au parauāt*

Il n'y a  
mais de  
Concile li-  
bre pour  
pour les  
heretiques

la religion. Mais disent ils iamaïs vos Conciles ne sont libres. Qui est vne eschapatoire ordinaire de tous heretiques, ausquels vous ne scauriez trouuer de Conciles ny Estats libres. Faiçtes assembler vn Concile, les heretiques sont en armes. Faire assembler les Estats de Bloys, le Roy de Nauarre est en cāpaigne Somme ils mourront plustost que de se voir condamnez. Et sont resolu l'espce au poin plustost maintenir leur opiniastreté, que de la changer en bon aduis.

Le Roy de  
Nauarre se  
dit le Pro-  
tecteur de  
l'Estat, du  
vivant du  
Roy.

Voila le personnage de Lyon que iouë le Roy de Nauarre en ceste tragedie, & qui veut par force entrer en vostre Estat, duquel il se nōme desiale Protecteur. Tout ainsi que si les Catholiques vouloient se submettre à sa protection. L'on ne baille pas la brebis à garder au loup, Et quand les Estats seroient assemblez, ils ne le declareroient iamaïs leur protecteur. Mais qui vid iamaïs le protecteur d'un Estat, pendant vn Roy maieur, vn Roy sage & aduise, vn Roy qui vous sageement gouuernez l'espace de douze ans entiers? A il point opinion que le Roy ait besoing d'un curateur? Car telles manieres de gens s'estiment fort sages, & croient que le reste des hommes ne soient que bestes C'est faire vne iniure au Roy qui touche grandement à son honneur. Et que diront les nations estranges, que les François autres fois tant ialoux de l'honneur de leur Roy, endurent maintenant qu'un autre que leur Roy prenne qualite de Protecteur de son estat? Est ce pas le declarer vn Roy de nom, & rien d'effet? Est ce pas raisiblement accorder que le



Roy n'auoit l'esprit de bien deffendre & gou-  
 uerner son peuple, & qu'il faille y appeller le  
 Roy de Nauarre, pour interposer ceste haute  
 sapiece, où les Ministres l'ont instruit & esleue  
 Vrayement vostre Noblesse a peu d'honneur &  
 peu de cœur en ceste patience. Nous ne scauons  
 pour qui desormais elle employra ses armes,  
 puis qu'elle abandonne la cause de Dieu & de  
 son Roy. Ce n'est au Roy de Nauarre, qui n'est  
 premier Prince du Sang, de se dire Protecteur  
 du Royaume, encor que le Royaume en eut be-  
 soing. Et quoy? en quel degre met il le Cardin-  
 al de Bourbon son oncle? Ne reuere il point sa  
 vieillesse? N'a il point d'esgard à sa dignité? Ne  
 voit il point le rang qu'il tient en France? Il est  
 bié affamé de nostre Couronne, quād pour y par-  
 uenir il romp son rang, & veut passer par dessus  
 les plus auancez. Il faut que le Roy de Nauarre  
 s'appelle, non pas protecteur, mais destructeur  
 de vostre Royaume, qu'il a donné en proye aux  
 estrangiers, & lequel il continuë de ruiner de  
 iour à autre.

1<sup>re</sup> Voyons maintenant comme il iouë le person-  
 nage du compere le renard, afin que plus facile-  
 ment il puisse entrer en vostre Estat. Il vous dō-  
 ne à entendre qu'il ne desire que d'estre in-  
 struit, & qu'il n'a onques cogneu d'autre reli-  
 gion que la sienne, & mesmes qu'il y a grande  
 esperance qu'il se reduise à l'Eglise Catholique.  
 A ceste occasion il escript aux Prelats & aux Vil-  
 les, & fait le frere mitou, selon que Roquelaure  
 luy a conseillé. Mais ces dissimulations sont trop

*Reproche  
 à la No-  
 blisse de  
 Frâce, qui  
 n'ayme  
 l'honneur  
 de Dieu  
 ny du Roy*

*le Roy de  
 Nauarre  
 fait le re-  
 nard De-  
 mande in-  
 struction.*

grossiers veu que l'on y voit le iour à trauers.  
C'est pourquoy l'un de vos poetes en a fait vn  
Sonnet lequel ie vous représenteray, à fin qu'il  
entende que l'on sçait les menées de luy & de ses  
suffragans.

Il fait bien le Renard ce Prince Biarnoïs,  
Il desire estre instruit ô la belle finesse  
On luy a conseillé pour abolir la messe,  
Qu'il faut dissimuler & faire le matois,  
Il pense estre desia monarque des Francois,  
Tous les freres en Christ en sautent d'alegresse,  
Il dict qu'on l'uy a fait vne grande promesse,  
Et que toute la Cour luy donnera sa voix.

Mornay est  
Chance-  
lier, &  
Marmes  
est ministre  
du Roy de  
Navarre

Mornay se promet bien qu'il sera Chancelier  
Et Mornet de manger a quelque raretier,  
Digne de l'animal que chacun iour il pense.  
Mais oyez huguenois oyez vostre malheur,  
Que qui n'espousera la Messe de bon cœur,  
Jamais n'espousera la Couronne de France.

Desseins  
du Roy de  
Navarre

Et à la verité la dissimulation du Roy de Na-  
uarre n'est qu'un piege pour vous prendre, Car  
il luy suffit d'estre estably & le voir maistre de  
vos villes, pour iouer puis après vne sanglante  
tragedie sur les Catholiques. Vostre Royaume  
est grand & de grande estendue, les Catholiques  
sont en grand nombre. Si selon son proiect il en  
peut estre maistre il s' imagine que le Royaume  
de l'Antechrist [ainsi appelle il le Pape] sera de  
beaucoup retranché: que la grande marmite se-  
ra remuerée, & que le sac & pieces du proces de

la Messe sera vuidé. Car ce sont les fornettes accoustumées de telles gens, qui pensent engloutir l'Eglise dont le morceau les estranglera.

Et pour paruenir a ce dessein, il desire dit-il d'estre instruit n'ayant iamais esté autre que *Le Roy de Navarre dit iamais n'auoir esté qu'heretique,* Caluiniste c'est à dire en bon François qu'il ne fut oncques qu'heretique: car l'opinion de Caluin a esté long temps deuant Caluin declarée meschante & heretique. Voila donc vne reconnaissance pleine de turpitude qu'un Roy, qui veut estre Roy de France, se reconnoisse heretique, nourry & esleué au sein des heretiques, & iamais n'auoir esté heretique. Il deuoit adiouster qu'il n'auoit esté chef des heretiques, & fait esgorger mil & mil Catholiques comme conducteur des troupes heretiques.

Que s'il ne fut iamais autre qu'heretique d'où vient qu'il a changé l'opinion de ses ancestres, *maieurs du Roy de Navarre Catholiques.* Car le Roy S. Loys ny Robert tige de sa maison de Bourbon ne furent iamais heretiques. Que lon recherche ceste maison depuis le fondement iusques au feste, qu'on prenne depuis le tige iusques aux dernieres branches, il ne s'en trouuera aucuns des Bourbons, fors ceux de nostre temps qui se soit subtrait de l'Eglise Catholique. Tous ont embrassé, aymé & reueré l'Eglise Catholique Apostolique & Romaine. Tous ce sont submis au Siege de Saint Pierre, ont trauaillé en la nacelle de S. Pierre, pour la nacelle de S. Pierre. Les vns ont esté en Affrique, les autres en Levant, pour accroistre les bornes de l'Eglise. Et

vous ont mangé l'Aigneau dedans la rase de l'Eglise. Mesmes ce qui reste d'eux gist aux iacobins de Paris & en vos Eglises. Tant s'en faut que comme le Roy de Nauarre ils se soient substraits de l'Eglise, & qu'ils ayent esté persecuteurs de l'Eglise : que si lon considere l'obeissance dont ces Princes ont vsé enuers l'Eglise, ce n'a esté ny faute de cœur, & moins encor d'entendement. Car quant à leur valeur, c'est bien plus de faire la guerre loing de son pays, & en lieux incogneus, steriles, & sablonneux, qu'aux fertiles plaines de France, rebeller les subiets contre leur Prince, le surprendre à Meaux, l'assiéger à Paris, & remplir toute la France de meurtres, de carnage & de sang des pauvres Catholiques. Quant à l'entendement, ces Princes n'en eurent iamais faire, ainsi que leurs actions le peuuent tesmoigner. Mais estant leur generosité accompagnée d'une humilité singuliere, elle flechissoit sous les commandemens du Chef de l'Eglise, en ce qui estoit du gouuernement de l'Eglise. Et par ceste humble recognoissance confessoit que Dieu n'auoit donné aux hommes rien de plus grand que la dignité du Sacerdoce. Ils scauoient bien que selon la Prophetie, les Roys & Princes de la terre deuoient estre les nourrisiers & protecteurs de ceste espouse de Iesus-Christ, aux pieds de laquelle ils se deuoient tous prosterner, en recognoissance de la superiorité que Dieu se reseruoit sur leur Couronnes. D'où vient donc que le Roy de Nauarre, issu d'un tige si excellent, soit fait un reieton de reprobation

*Les Princes  
anciës qui  
se submet-  
toient au  
pape n'a-  
uoient faute  
de cœur ny  
d'entende-  
ment.*

*Considé-  
ra-  
tiō de l'hu-  
milité des  
Princes an-  
ciës enuers  
l'Eglise.*



& vn rameau enuelppe d'une cheniliere de Mi-  
nistres, qui court sous son aduen par le iardin de  
France, & quia rongé & deuoré les plus belles  
fucilles des Lis de vostre Couronne?

*Le Roy de  
Nauarre est  
vn rame-  
au de re-  
probation.*

Faut-il pas qu'il ait condamné toute l'antiqui-  
té comme ignorante, & qu'il ait creu que Caluin  
estoit plus grand Theologien que toute l'Eglise  
Grecque & Latine? Faut-il pas qu'il se soit per-  
suadé que les saincts & doctes & sages perlon-  
nages du temps passé n'entendirent iamais en  
l'Euangile ce que de Beze auoit appris dans les  
bordeaux, où il a consommé la meilleure part de  
son aage? Faut-il pas qu'il ait creu que la Robe  
de son heresie, rapetassée de veilles pieces, con-  
damnees & iettees entre les ordures du monde,  
& que Caluin a leuees & cousues de fil blanc,  
pour en faire vn vestement tout neuf, soit plus  
belle que la Robe de l'Eglise, dont le fond du  
drap d'or esclatant est enrichi & varié d'un pas-  
sement de toutes couleurs?

*Le Roy de  
Nauarre  
laisse l'E-  
glise pour  
suiure la  
nouueauté  
de l'heresie*

Voyez avec qu'elles opiniõs vous le receurez  
en vostre Estat, & iugez si vn Roy qui reiette  
toute antiquité, pour embrasser choses nouuel-  
les, y peut estre utile & profitable. Car c'est man-  
quer de ceruelle, & se monstrier du tout indigne  
de cõmander, que d'auoir telles opinions. Mais  
l'on sçait bien que l'heresie est comme la mau-  
uaise herbe, qui croist ordinairement aux masu-  
res ou parois ruineuses, & aux endroits où les  
pierres mal liees & cimentees ne menassent que  
ruyne. Ce n'est de present qu'il est escrit que  
l'heresie ne fut iamais le premier vice. Nul n'est

*L'heresie  
est comme  
vne mau-  
uaise herbe*

*L'heresie  
ne fut ia-  
mais le pre-  
mier vice*

*Le Roy de  
Nauarre  
à tousiours  
hay l'Egli-  
se Catholi-  
que, qu'il  
a guerroyé*

marqué de ce caractere, qu'il n'ait auparauant  
grandement & griefuement offensé Dieu. Que  
si le Roy de Nauarre dict qu'il est de la religion  
de sa mere, il ne dit rien qui soit à l'auantage de  
sa mere. Car sa mere a trop legerement condan-  
né la religion de ses ancestres, pour en choisir  
vne nouuelle. Iugerez vous qu'il soit propre à  
cômander sur les Catholiques, luy qui se dict i-  
gnorer la religiô Catholique. Le direz vous pro-  
pre à maintenir vostre religion, luy qui n'a ia-  
mais hay que vostre religion? Conseruera il vo-  
stre Eglise luy qui a tousiours creu que c'estoit  
impiété que de l'Eglise? qu'elle douceur atten-  
dez vous de luy qui ne vescu't iamais que de glâ,  
& qui ne goustâ oncques d'auoureux pain qui  
que, qu'il se mâge <sup>en</sup> l'Eglise de Iesus Christ? Que pouuez  
à guerroyé vo' attendre de luy qui des le ventre de sa mere  
estoit mancipé à Sathan, qu'il a esleué & nour-  
ry pour Sathan instruit & enseigné à l'escole  
de Sathan, & pour establi le Royaume de Sa-  
than, Fermez le pas de la Royauté de telles gés  
& ne vous laissez cômander qu'à des Catholiques  
Qu'il impute son malheur à sa mere, pour auoir  
trop curieusemēt recherché la nouueauté. Qu'il  
ait horreur qu'elle ait chagé ce que tout le mon-  
destenoit pour arresté: Qu'elle ait blasimé ce que  
tous les bons louoient: Improué ce qu'ils ap-  
prouoient, condané ce qu'ils recoiuent <sup>en</sup>. Qu'il  
croye que la nouueauté luy fait perdre le droit  
ancien de la couronne de France. Qu'il tourne  
sa rage sur les Ministres, qu'il les deschire de  
cholere: Car leur conseil, leur assistance leur op

nion luy bousche le passage du plus beau Royau-  
me qui soit au monde. Il luy faut croire, comme  
dit vostre Poëte qu'ayant renoncé à la Messe, il *La Couronne de France.*  
a renoncé à la Couronne de France, qui ne s'es-  
pouse qu'à la Messe & si des son enfance il a  
uoit la Messe en abomination la Couronne l'a-  
uoit en horreur dès sa premiere conception. *s'espouse à la Messe.*

Il est trop tard de demander instruction, quand  
on cognoit la dissimulation. Ceste instruction  
n'a esté requise que depuis la mort du duc d'An-  
jou. Pour estre Roy de Nauarre, il ne nous fal-  
loit d'instruction, car nul ne nous empeschoit *Heresique*  
de regner pour estre de lanouuelle opiniõ. Mais *hypocrite*  
pour estre Roy de France, où les Estats & les *Le Roy de*  
villes ferment le pas aux Huguenots, il faut re-  
querir instruction, pour faire par apres vne e-  
strange destructiõ. Les heretiques sont cameleõs *Nauarre*  
qui changent de couleurs, comme bon leur s'e-  
ble. Ils se seruent de tous, en toutes occurren-  
ces & en tout ne regardent que de paruenir à *requiert in-*  
leur intention. Arrius disoit à Constantin qu'il e-  
stoit Catholique. Le Palatin estant Calviniste, *struction,*  
disoit à la diette d'Ausbourg, qu'il n'estoit repu-  
gnât à la cõfession d'Ausbourg. De Beze au Col-  
loque de Poissy, se disoit estre d'accord avec les *pour faire*  
Lutheriens. Aussi sont ils de toutes religions, *vne estrā-*  
pourueu qu'il aduancent leur pretendue religiõ, *ge destru-*  
Mais que fert de demander instruction, puis *ction.*  
qu'il a Moyse & les Prophetes, desquels il peut  
prendre instruction sans la requerir. L'Eglise  
est elle pas tousiours ouuerture, pour receuoir  
les penitēs à la cõfession? S'il veut estre instruit.

qu'il blasme son heresie, qu'il la deteste publiquement, qu'il maudisse ses Ministres, qu'il les chasse, qu'il aille à l'Eglise, qu'il se presente à l'Euesque, qu'on luy voye saillir les fontaines de larmes des yeux, les soupirs du cœur, les plaintes de la bouche, & qu'il face fruiets dignes de penitence. Mais quoy? n'a il pas desia fait vne cōfession Catholique, & toutesfois il est retourné à son vomissement heretique? A-il pas detesté son vice, où toutesfois il s'est plongé plus fort qu'auparavant? Donc qu'elle certitude pouuez vous esperer d'un esprit si variable, quelle constance d'une si grande legereté? Quand il sera instruit, estimez-vous qu'il demeure à l'Eglise, luy qui par telle ruse a desia trompé l'Eglise? N'est ce pas vn Ecebolius qui change de religion à toutes occurrēces? Croyez que si le iour saint Barthelemy, qui est vn iour de merueilles, vn iour de la vengeance de Dieu, vn iour dont le penser le fait trembler, n'a rien profité pour sa conuersion: qu'à present que toutes choses luy rient, on ne profitera que peu par son instruction. Estimez vous qu'il se conuertisse, luy qui est si bien lié avec les heretiques, qu'il en est le Chef, le Prince, & le Roy? Et si le vice de chacun heretique le retient en son heresie, combien faut il auoir de vices, pour estre le Prince des heretiques? Et de combien de liens pensez-vous que ce Prince soit attaché à l'heresie? Sa mere l'a laissé pour gage à toute la communauté des heretiques. Par son testament elle leur a obligé, il leur est plus hypothéqué que ne sont les ba-

Le Roy de  
Nauarre a  
desia trompé  
l'Eglise.

Les vices  
tiennent  
les hereti-  
ques atta-  
chez à l'he-  
resie.  
Pour estre  
Roy des  
heretiques,  
il faut auoir beau-  
coup des  
vices.



gues de sa mere & son grand Ruby-Balay en Angleterre. Sa mere, en mourant, la laissa exécuter de tous les desseins qu'elle auoit conceuz à la ruine de l'Eglise & de Iesus Christ. Et elle l'a recommandé à l'Admiral, luy a baillé pour disciple & le voyant pensoit voir l'Admiral, dont les actions les pensees; la vie & les mœurs ne sôz que la destruction de l'Eglise de France & de la Couronne. Le Roy ne

Toutesfois comment croirons-nous qu'il desire estre instruit, luy qui plus que iamais se lie marre ligé  
avec les  
heretiques avec les heretiques? Sçavez vous pas l'Ambassade qu'il a enuoyé en tous les Royaumes, où s'y trouuent gens de son party, afin de les attirer en France, & par force s'inuestir de vos villes & de vostre royaume Et neâtmoins faisant telles pratiques, il dict qu'il ne demâde que d'estre instruit. Comme si vous auiez oublié la protestation de Montauban, où il declare vouloir viure & mourir comme heretique. Il a grand peine à desnier le voyage de pardeillan, qui neantmoins n'est que trop aisé & descouvert. Les protestans s'en sont formalisez contre les Calvinistes, & en ont escript cōtre le Boutefeu des sectateurs de Calvin. Ils ont en horreur des pratiques des heretiques de France, auxquelles nul Catholique ne s'oposoit. Paris en a veu les effets ces iours passez, qui a receu les Ambassadeurs de Damnemarq, qui ont gelé vostre air François de leurs froides religions, & qui à la barbe d'un Roy de France ont medit impudemment & imprudemment de sa religion. Toutesfois le Roy

*Dissembla-  
tion trai-  
sresse de  
l'Admiral.*

*On se doit  
resoudre  
ne receuoir  
le Roy de  
Nauarre.*

*l'hereti-  
que reduit  
incapable  
de charge.*

de Nauarre desnie ce voyage; & donne les des-  
mētis à ceux qui l'ont asseuré. Enquoy il ressem-  
ble l'Admiral son maistre pere de toute dissimu-  
lation. qui pour tromper le Roy Charles, luy  
faire croire qu'il ne vouloit rien remuer, luy mā-  
da qu'il ne pensoit qu'à iardiner: & pour en fai-  
re foy, monstra au Seigneur que le vint trouuer  
de la part du Roy, vne petite serpe qu'il tenoit en  
sa main. Toutesfois huiēt iours apres on le vid  
aux champs avec ses troupes Protestantes. Pour-  
quoy doncques les crozez vous, & pourquoy  
vous amusez vous à ces piperies? Vous a lon pas  
dict qu'il faut estre simples comme colombes,  
mais aduisez comme les serpent? Il faut vous re-  
soudre qu'instruict ou non instruict, vous ne de-  
uez le receuoir à la Couronne, Car s'il n'est in-  
struit, & que sa paste soit gastee du leuain del'her-  
esie, il n'est raisonnable qu'un heretique soit  
Roy des Catholiques. Que si vous l'introduisez  
en vostre Royaume, vous ne pouuez attendre  
plus graticieux traictement que celuy des Ca-  
tholiques d'Angleterre.

Que s'il est instruict, & qu'il se face Catholi-  
que (ce qu'on ne croira iamais) vous ne deuez le  
receuoir, pour la perilleuse consequence que l'on  
en peut attēdre: pource qu'il y a danger qu'il ne  
dissimule, icē que Roquelaure luy a cōseillē &  
comme y est resolu, & qu'estant en la bergerie  
il exerce sur les aigneaux de Iesus Christ les inhu-  
manitez qui luy sont naturelles. C'est pourquoy  
l'Eglise a iagement introduict, que les heretiques  
repentis n'auoient aucune charge en icelle. On

ne les reçoit à prescher, on ne les reçoit à presider pour l'extreme danger qui s'en pourroit ensuyuir. Que s'il est viay peniteut & repenty, il se doit estimer bien heureux qu'il ait sauué son nauire de la tempeste, & qu'il se soit ancré dans le port de l'Eglise Catholique, hors duquel il n'y a point de salut.

Vous direz neantmoins qu'il le faut recevoir *Si le Roy* & qu'estant estably s'il traicte mal les Catho- *de Nauar-*ques vous les chasserez hors du Royaume. Voila *re est esta-* vne belle propositiō, mais qui est soustenue sur *bly, iama-* de mauuais fondemens. Car comment le chasse- *les Catho-*rez vous, n'ayant la force & les moiēns pour ce *liques ne le* faire? Sçauiez vous pas que chacū adore le Soleil *debatterōt* deuant? Quelle suite pensez vous qu'il aura?

Quels sectateurs, quels ministres s'il est iamaies estably Roy de France? Les Courtisans seront à luy, les politiques, les Machiauelistes, les Catholiques hypocrites, les Catholiques associez, & telz corbeaux qui suivent ordinairement la charongne de l'heresie. quād aux vrayes Catholiques ils ne seront qu'un peu de gens sans chef, sans argent, & sans moyēns aucūns pour faire la guerre. Que si les heretiques n'ayant aucun secours que d'estrangers, & quelques naturels François ont par le moyen de leurs intelligences, & quelque peu d'argent par eux contribué, faict teste si lōg temps à tant de fortes armēes, ils ont enleuē tant de places donné tant de batailles? Que feront ils quand ils auront pour chef vn Roy de France, quand ils seront establiz aux villes, quand les Gouverneurs seront de leur religion, quand les

recepres generales se deschargerot en leurs maïs  
 & que tant de m<sup>ieurs</sup> d'hommes marcheront  
 souz leurs enseignes? Sera il temps de demander  
 secours, quand vous serez perdus? Vous armerez  
 vous, quand vous serez prisonniers? Chercherez  
 vous des remedes quand vous serez esteints? O-  
 stez, ostez ces discours ridicules de voz espritz, &  
 suffoquez le mal deuant qu'il vous estouffe, No-  
 stre pauvre Angleterre vous faict sages, qui de  
 iour à autre nous reproche nostre lâcheté. Car si  
 nous ne l'eussions abandonnee aux princes here-  
 tiques, ce ne fust à presēt vn desert, où il ne croist  
 aucune religiō: la vigne ne fu y en friche, les san-  
 gliers ny fussent entrez, & n'eust on leué les bou-  
 cheries pout y vendre à si bon pris la chair des  
 Catholiques. Combien estimez vous que ceste  
 negligence nous sera reprochee? Quelle tache  
 pensez vous que ce soit à nostre honneur? Quel-  
 le honte aux Ecclesiastiques? Quelle vergongne  
 à la Noblesse? Quelle turpitude à tout le peuple?  
 Il faut donc vous resoudre, d'empescher que le  
 Roy de Nauarre, ny autre heretique vous com-  
 mande. Et faut vous asseurer, que l'instruction  
 qu'il demande, n'est que la ruine de nostre Eglise  
 qu'il souhaite.

Mais nous scaurions volontiers, si vous vou-  
 driez recevoir vn heretique à la Couronne, <sup>vn</sup> ~~vn~~ <sup>veu</sup>  
 que les heretiques ne veulent de Roy Catholi-  
 que, Qui a meu ceux de Genes de chasser leur  
 Euesque, & leur Seigneur, sinon pource qu'il e-  
 stoit Catholique? Qui faict que les Rochelois ne  
 recoient en leur ville des Princes Catholiques,

L'Angle-  
 terre ap-  
 prent aux  
 François  
 de ne rece-  
 voir des  
 Rois here-  
 tiques.

L'hereti-  
 que ne  
 veut vn  
 Roy Catho-  
 lique, ni les  
 Catholi-  
 ques vn  
 heretique.



sinon pource que les Rochelois ne sont Catho-  
liques? Pourquoy se sont ils substraits de l'obe-  
issance du Roy sinon pource que le Roy est Ca-  
tholique, Le Roy de Nauarre n'a il pas declaré  
ses ennemis tous ceux de Bearn qui demande-  
roient l'exercice de la Religion Catholique. Ne  
faict il pas faire profession à tous Officiers que  
ils viueront & mourront heretiques, A l'on pas  
osté des Iurats en Bearn, pource qu'ils estoient  
Catholiques, Et quoy, la loy n'est elle pas egale  
Aurez en reputation celuy qui vous tient pour  
abominatiō. Aymerez vous celuy qui vous hait,  
priserez vous qui vous desprise, Ferez vous biē  
à celuy qui iamais ne vous a pource chassé que mal?  
Non, non, ce n'est en c'est endroict où il faut  
pardonner à son ennemy: Ce n'est icy où la cha-  
rité chrestienne se doit estendre. L'heretique est  
vn Loup, ennemy coniuéré du public, qui n'est &  
ne naist qu'à la subuersion de toute police hu-  
maine. C'est pourquoy il le faut huer la part qu'il  
se rencontre: il luy faut courir sus, il se faut estu-  
dier à luy nuire, & ne laisser iamais en repos.  
Principalement quand il est excommunié de l'E-  
glise, comme est le Roy de Nauarre à cause de sa  
heresie. Ceste excommunication la separé d'a-  
uecques vous. C'est vn Coré, Dathan & Abiron  
retranché du peuple de Dieu, pour estre englou-  
ty aux entrailles de la terre.

C'est vn membre mort que le tranchât de l'ex-  
communication a resequé de la chair viue, pour  
la santé de tout le corps. Quoy? Voudriez vous  
revenir vos membres sains à ce membre qui put

*Roy de Na-  
uarre enne-  
my iuré  
des Catho-  
liques.*

*L'hereti-  
que est vn  
loup qu'il  
faut huer.*

*Roy de Na-  
uarre excō-  
munié.*

de pourritures? Voudriez vous rallier à vostre chair viue ce membre mort, pour mettre le reste de vostre corps a la mort? Ia a Dieu ne plaisc, que vous soyez de tant oubliez.

*Heretiques  
ne doiuent  
estre han-  
tez des Ca-  
tholiques*

*Heretique  
creature  
abomina-  
ble deuant  
Dieu.*

*L'hereti-  
que inca-  
pable de  
la couronne  
de france.*

L'Eglise comme vne sage & preuoiente mere qui cognoist le naturel de la Beste, ne veut que ses enfans frequentent avec les heretiques: Elle en a interdict toute communication. Pourquoi cela? sinon que l'heretique est vne creature si abominable, qu'elle passe toutes les bestes brutes en brutalité, les cruelles en cruauté, les subtils en subtilité, & les ordes & puantes, en puanteur & impureté. L'heretique est vn tiercelet de Sathā qui a le mesme vol & les mesmes mœurs que Sathan. Recueurez vous en vos villes celuy que l'Eglise vous deffend d'introduire en vos maisons? Criez vous viue le Roy, à celuy qui demande vostre mort, & que l'Eglise vous deffend de saluer? Ferez vous les sermens de fidelité à celuy dont l'Eglise vous deffend la cōuersation? Mais quel serment de fidelité luy pourrez vous prester qui luy soit agreable, sinon de vous faire heretiques comme luy? De iurer à Sathan & renoncer à Iesus Christ, d'estre à l'aduenir persecuteurs de l'Eglise massacreurs des Prestres, brusleurs de temples, pilleurs de reliques, violateurs de Nonains, infraçteurs des Loix du pais & bref d'estre bourreaux iurez des Catholiques?

Que s'il estoit Roy de France, feroit il le serment accoustumé aux Roys de France? Iureroit il de cōseruer l'Eglise, luy qui n'en procure que  
la

la ruine? Nous voudrions bien ſçauoir ſi vous la  
 uiez receu, ſ'il voudroit ouïr Meſſe comme ont  
 fait ſes predeceſſeurs. Seroit il moins hereti-  
 que eſtât Roy de France, qu'ils n'eſt eſtant Roy  
 de Nauarre? Orroit il la Meſſe a ſon Sacre, luy  
 qui la deſtoit à ſon mariage? Feroit il le pelerina-  
 ge des Roys de France, luy qui ſe mocque de tel  
 le antiqu & religieuſe deuotiō? Mais ſeulement  
 endureroit il d'eſtre ſacré? Qu'il ſe ſouuienne,  
 qu'au Sacre du Roy qu'auz à preſent ſemoc-  
 quant des ceremonies de l'Egliſe, ſa Couronne  
 luy tōba de la teſte. C'eſt le preſage de ſa confu-  
 ſiō. Car celuy ne merite d'eſtre Roy qui ſe rit &  
 goſſe de l'onction des Rois. Auſſi n'eſt il pas vn  
 Dauid qui vueille eſtre oinct de l'huile de Sa-  
 muel. Les heretiques abhorrent de Sacrer les  
 Roys eux qui ont en abomination les Roys.

Car quelques mines qu'ils facent, ils ſont tous  
 coniuerez des ennemis des Roys. Il ne ſe tronue-  
 ra iamais heretique qui ait bien ſenty & bien eſ-  
 crit des Rois. Caluindit ſus Daniel, qu'il faut pl<sup>u</sup>  
 toſt cracher au nez des Roys Catholiques, que  
 de leur obeir. Il dit que tous les Roys de ſon  
 temps, comme François premier & Henry 2.  
 pere de Roy qu'auz à preſent n'eſtoiet que ſots  
 & beſtes & en fait comparaiſon aux aſnes & aux  
 cheuaux. Leur orgueil eſt ſi grand qu'ils ſont im-  
 patients d'eſtre commandez par les Roys. Et ſ'ils  
 eſtoient paruenuz à leur intention, il ny a dou-  
 te qu'ils dōneroient la chaſſe aux Roys. Apres a-  
 uoir hay Dieu, ils ne peuuent aymer les Roys.

Ont ils ſurpris des villes, c'eſt pour les exēpter

*Le Roy  
 de Nauar-  
 re ne vou-  
 droit ia-  
 mais faire  
 les cere-  
 monies des  
 Roys de  
 France.*

*Heretique  
 ennemy de  
 l'Eſtat.  
 Royal.*

de la subiection des Roys. La Royale façon de gouverner leur put, ils blâment la seruitude vobonnaire, le conseil de plusieurs leur est meilleur l'Estat d'une Republique est plus commode. Ont ils designé de cantonner la France c'est pour l'affranchir de l'obéissance des Roys. La Rochelle est elle à eux, elle est hors du commandement des Roys. Somme qu'ils ont les Roys & les Princes naturellement à contrecœur. Ils s'en seruent pour vn tēps, mais ils s'en moquent à la fin. Ainsifont ils moquez de la jeunesse du Duc d'Anjou, de laquelle ils ont vſé & piteusement abusé à grand deshonneur de la France, Le Prince de Condé, qui semble aiourd'huy Roy des Rochelois quantes fois les a il trouvez mutinez cōtre luy? quātes fois luy ont ils fermé u nez les portes de leur Rochelle? Il peut bien faire estat que s'ils nauoient affaire de luy, il luy seroit beſoing trouuer party ailleurs. Aussi le ſçait il bien, mais il le dissimule & le misérable estat où son heresie le reduit, luy font endurer plusieurs choses indignes du degré qu'il deuroit tenir, s'il estoit catholique, chacun deplore sa condition, qu'il ayme mieux, estat heretique endurer des brauades de ie ne ſçay quels ſacquins pirates & mercedans Huguenots de la Rochelle, qu'estant Catholique ce trouuer en honneur pres du Roy & des princes, qui tiennent la Religion que tenoient les predecesſeurs. Il n'est donc pas raisonnable puis que les heretique ne vulent vn Roy catholique, que les Catholiques recoiuent pour leur prince vn heretique. Car ils ne se peuuent

*Roch. lois  
mutinez  
contre le  
Prince de  
Condé*

*Pauvre cō  
du on du  
Prince Cō  
de.*



plaindre qu'on les mesure à l'aune ou ils mesurēt  
 autrui. Suyuez leurs cōseils, conformez vous au  
 chemin qu'il tiennent pour s'establir, vous esta-  
 blirez vous meismes, & les enveloperez de honte  
 & de confusion. En leur François Gaule, qui est  
 l'un des plus destetables liures qui ait veu le iour  
 & que l'on a composé pour mettre toute la France Hereti-  
 ce en combustion, ils chantent qu'il est loisible *ques com-*  
 de choisir vn Roy à son apetit: Dictes doncques *batus par*  
 aux heretiques, que le Roy de Nauarre n'est à *leurs es-*  
 vostre appetit & partant qu'il se tienne en son *critz*  
 Bearn: iulques à ce que le goust v'o'en soit reue-  
 nu. Ainsi les faut il fouetter des verges qu'ils ont  
 cueillies affin qu'ils cognoissēt que la puissante  
 main de Dieu les chastie par leurs meschans con-  
 seils & pernicieux escrits, & qu'à la fin il ren-  
 uersera sur les testes leurs iniquitez.

Iugez neantmoins si vous receuez le Roy de  
 Nauarre à la Couronne, le trouble & la confu-  
 sion qui en doit aduenir.

Le Royanme de France a eu cest honneur qu'il  
 y a pres de douze cens ans qu'il est Catholique  
 Et pouuons dire ce qu'un ancien escrit des Fran- *Royaume*  
 çois à leur grand honneur, qu'entre tant de na- *de France*  
 tions qui ont embrassé le Christianisme, il ny *affecté*  
 en eut oncques de plus ardans en deuotion, ny *au catholi-*  
 plus droicts en la Religion. Tāt de temples ba- *ques,*  
 stis, tant d'Eglises dorees, tant de Monasteres e-  
 rigez, tant de legs, tant de presents tant d'enri-  
 chissemens donnez aux Eglises de France en pe-  
 uent donner tesmoignage, Tant de voïages en  
 Leuant, tant de guerres en Affrique tant de con-

questes en Asie, tant de secours en Italie pour re-  
 lever l'Eglise opprimée, en peuvent suffisamment  
 parler. Pendant ceste deuotion ce n'estoient que  
 victoire ce n'estoient que Lauriers pour la cou-  
 ronne de France. Le nom & le Renom de vostre  
 nation trouuoit la terre trop petite pour le com-  
 prendre. On estimoit les François si Chrestiens:  
 que pour nommer vn Chrestien, on l'appelloit  
 Franc ou François: de sorte qu'en ce nom de  
 François on comprenoit le nom & toutes les

Chrestiens  
 appelez  
 franc ou  
 françois

Le corps  
 Catholi-  
 que ne  
 doit auoir  
 vn chef  
 heretique  
 La France  
 entierement  
 sur la Reli-  
 gion.

vertus propres aux Chrestiens. C'estoit lors que  
 vostre terre estoit si Religieuse que l'heresie n'y  
 pouuoit prendre pied. Le lezart mouroit pres de  
 la vigne, & ny pouuoit eutrer, voudriez vo<sup>s</sup> dōc  
 qu'un heretique comandast a vn peuple si chre-  
 stien? Poseriez vous sur vn corps humain la teste  
 d'un serpent pour difformer vostre figure? Quel  
 honneur! que le corps fust Catholique & le chef  
 heretique. Que le loup fust berger & le Renard  
 le coq, qui gouuernast les poulles.

Religion  
 catholique  
 fondement  
 du Royau-  
 me.

Nostre Royaume qui autrefois a esté Roy de  
 tous les Royaumes, à cela de particulier dessus  
 tous, qu'il est entierement fondé sur la religiō. Et  
 y a long temps qu'il est escrit, que cōme il estoit  
 né nourry & esléué avec la religion, il ne peri-  
 roit iamais que y perissant la religion.

Si donc vous luy ostez ces fondemens, si vous  
 luy abattez ceste couronne, qui sera son appuy,  
 qui fera le mur pour le soutenir: Que faictes  
 vous autre chose que de perdre ce bastimēt, que  
 faictes vous de vostre Royaume, sinon vne ma-  
 sure & vn comble de ruine: pour seruir de repail

re aux couleures & aux villains animaux de la terre? Si vous establissez vn heretique en vostre estat, metteriez vous pas Nabuchodonosor en Ierusalé? Introduiriez vous pas le larron en vostre maison, pour vous raurir tant de précieux ioyaux tant de belles bagues, dont vous auez hérité par vne religieuse succession de vos ancestres. Pardonneront ils aux reliques de vos martyrs, puisque ils n'ont pardonné aux monumens de leurs predecesseurs? que vous restera il de ceste religieuse antiquité, sinon de dire la l'arme à l'œil, comme à present nous disons en Anglet-terre. Icy estoit vne telle Eglise, la vn tel lieu deuot, ou si ardamment no<sup>s</sup> auons prié Dieu. Duquel encores n'oserez vous parler, ne vous restât que les larmes, & les souspirs pour toutes plainctes. Comment doncques voudriez vous introduire vn heretique en vostre Royaume? Comment le voudriez vous establir en vostre estat. Regardez voz Roys de succession en succession, & les confidez tous catholiques. Iugez si a tant de Princes Catholiques, braues & genereux s'il en fut oncques, il est raisonnable de leur bailler pour successeur vn heretique.

*Confusion  
si le Roy  
de Navar-  
re est Roy*

*Tous les  
Rois de  
France ont  
esté Catho-  
liques.*

Estimez vous, que Clouis, Martel: Philippes Auguste, tous vrais fleaux des heretiques: Estimez vous que tant de Roys qui comme tonnerres ont foudroyé le chef des infidelles, puissent endurer vn tel successeur se parquer en leur trofne, empoigner leur sceptre, & mettre leur Couronne en son chef? Estimez vous qu'ils puissent supporter vn tel pilote en leur nauire, vn tel gou-

*Les fleurs  
de lys haïssent les  
heretiques*

*Le grand  
Roy Fran-  
cois exclu-  
roit le Roy  
de Nauar-  
re de la  
couronne.*

uerneur en leurs terres, vn tel Seigneur sur leurs peuples? Croyez que les fleur de Lis haïssent naturellement les heretiques, que leur blancheur fuit telles ordures, que leur beauté craint d'estre touchée de leurs mains, Et si le bon Roy saint Loys estoit iuge de ce different & qu'il eust a prononcer si le Roy de Nauarre doit succeder à la Couronne, il ny a doute qu'il ne declarast non seulement indigne de ceste succession, mais indigne de la vie : mesmes son fils Robert tige, de lillustre sang de Bourbon, voudroit n'auoir onc esté marié, pour n'estre pere d'vn tel germe, qui par factions, par armes, & par tous mauuais moyens veut destruire vne religion, pour laquelle luy & ses successeurs ont tant sué, & tant & si loquement trauaillé, Ou est ceste belle parole du grand Roy François conforme à celle de Iouiniá l'Empereur, Qu'il estoit Roy tres-chrestien & qu'il ne pouuoit commander qu'à des subiects Treschrestiens? Ce grand roy, s'il viuoit iugeroit il que le persecuteur du nom, Treschrestien, fust heritier de sa couronne? Il estoit trop amateur de la religion. Il auoit en trop grande recommandation son peuple, pour donner á Achab la vigne Naboth.

Mais nous scaurions volontiers, vous seriez, d'aduis de recevoir au Royaume, celui que toutes les Loix bannissent du royaume? Le crime de felonnie est aussi notoire en la personne du roy de Nauarre qu'est le Soleil en plain midy? Qui ne l'a veu comme page de l'Admiral, suyure le conducteur des troupes rebelles, & marcher en



campagne contre le Roy son Seigneur? Qui ne  
 la peu assieger les villes, prendre les places, dō-  
 ner bataille & finalement estat deffaiët, reguigner  
 les creux de sa Rochelle comme vn renard escha-  
 pé du filet? Qui ne la veu vestu de sa casaque  
 blanche au milieu des drapeaux des coniuerez  
 & la lance au poing d'en rougir le fer dans le  
 sang innocent de son Prince? Quelle esponge  
 effacera ce crime? Quel Ministre pensera d'en  
 impetrer le pardon, & quel babil d'heretique  
 couurira iamais ceste faute, que si lon a priué de  
 la Couronne, Charles de Lorraine, pour auoir  
 seulement porté faueur aux Allemans contre la  
 France? Que diriez vous de celuy qui a non seu-  
 lement fauorisé les ennemis de la France, mais *Roy de*  
 a payé les heretiques estrangers, les a introduis *Nauarre*  
 & conduis en la France, afin de s'en yurer & saou *introduit*  
 ler du sang & de la chair du peuple François? *au Royau-*  
 Qui a faict armer le Casimir sinon le Roy de na- *me les en-*  
 uarre? Qui a suscité le Duc des deux Ponts sinon *nemys de*  
 le Roy de Nauarre? Qui a esté le susport des re- *France.*  
 belles exillez, qui a esté le chef des mutins con-  
 iurez qui a esté conducteur des heretiques re-  
 uoltez que le Roy de Nauarre? Et pource qu'il  
 estime que ces Edicts de pacification ont ~~effacé~~ *effacé*  
 tant de honteuses qualitez, qu'il se souuienne  
 qu'un Edict extorqué de son Prince l'espee au  
 poing, n'est point vn Edict, ains vne pure vole-  
 rie: encores est il a present à rendre les villes,  
 contre sa prom. sse souuent iuree, & autant de  
 fois pariuree. Enquoy il nous semble, qu'il a  
 deux des vertus excellentes & recommandables

*Comparai  
son de char-  
les d'E-  
ureux a-  
uec le Roy  
de Nauar-  
re.*

De Charles d'Eureux Roy de Nauarre son pre-  
decesseur, a bon droict surnommé le Mauuais  
La premiere de ne iamais tenir promesse, ains  
tromper vn chacun sous vn faux serment? La se-  
conde d'auoir esté fatal à la France, l'ors qu'elle  
est veüe en danger. Car ce que Charles d'Eureux  
fit à Paris & en Normandie, durant la prison du  
Roy Iean, de piller & rançonner les bons suiets  
du Roy, & les inciter à la reuolte : —  
Cestuy le feict en Poictou, Xaintonge & en tou-  
te la Guyéne, voire en toute la France contre le  
Roy deffunt, & contre le Roy qui est à present.  
Charles d'Eureux auoit espousé la fille de Fran-  
ce: le Roy de Nauarre à espousé la sœur de Frā-  
ce. Luy fit assassiner le Connestable de France:  
Cestuy cy, son admiral & ses ministres ont fait  
tuer le Sieur de Guyse, Lieutenant du Roy de  
France: Ont meurtry le Connestable de France,  
vn Marechal de France, & ont tué en Nauarre  
les Cheualiers de l'Ordre de France, & ailleurs  
quasi toute la Noblesse de France. L'vn extor-  
qua vne honteuse paix, cestuy a tiré trois ou qua-  
tre Edicts de pacification. Il fut permis à l'vn  
de tenir l'Eschiquier, l'autre a eu la Chābre de  
l'Edit. L'vn demandoit des hostages, l'autre a eu  
des villes pour sa seureté. Les partisans de l'vn  
luy faisoient leurs hommages: les fauteurs l'aut-  
re non seulement luy font hommage, & luy iu-  
rent fidelité, mais ne recognoissent plus le Roy  
de France. L'on à veu les gettons portans la figu-  
re d'vn de leur chef avec ceste inscription, A V  
ROY DES FIDELLES.

Disõs nous donc qu'il faille le recevoir à la Couronne luy qui tant de fois s'est rendu indigne de la Couronne? Le ferez vous Roy des François, luy qui tant de fois c'est allié contre les François & a tant de fois couru pillé & rauagé les François. Est ce pas luy qui a procuré le deshonneur de la France ayant pratiqué ~~le~~ Casimir de venir en France, pour faire à Strasbourg & Hildéberge le triomphe de la France? Qui ne vit en plain iour, & en plaines, rues : au milieu de tant de peuples, mener la France captiue? Qui ne vit les bœufs aux cornes dorees, que ce triomphant heretique faisoit conduire à l'exẽple des Payés Qui ne vit les chariots remplis de vos meubles & chargez de tant de biens, que l'on auoit desrobẽz en France, bref qui ne vit ce triomphe de brigands, & ce magnifique triumphateur au beau milieu, faire gloire de son brigandage? Qui a procuré ce deshonneur à la France, que le Roy de Nauarre qui maintenant veut estre Roy de France! Sont ce pas les merites qui le tirent à vostre Couronne? Sont ce pas les obligations qu'auẽz à le recevoir?

Vrayement la France luy est trop tenue, laquelle a esprouué que sous les Catholiques elle a esté tousiours inuincible : Et sous les heretiques & par le moyen des heretiques, vn Casimir, c'est à dire, vn simple Alemand, accompagné d'vne troupe de larrons soustenuz du Roy de Nauarre, la meine en triomphe par Allemaigne. Qui dira que le Roy de Nauarre soit bon François? qui dira qu'il ait le cœur d'vn Fran-

*ne doit estre r ceu à la courõ ne s'estant rendu indigne a la Couronne Le Roy de Nauarre induit le Casimir a venir en France*

*La maison  
de Guise  
fort vile à  
la Couron  
ne.*

*Le Roi de  
Navarre  
n'a procu  
re que des  
honneur  
à la Cou  
ronne.*

*Roi de Na  
varre mau  
vais.*

çois qui dira qu'il ait recommandé l'honneur des François? Il causera ce qu'il voudra contre la maison de Guyse, Mais la maison de Guyse a conserué Mets & Poitiers, a la Couronne. Elle a adiousté Calais, Guignes & Thiouille, & toute la conté d'Oye à la couronne, Elle a augmenté de plusieurs villes & pays vostre Couronne, ou le Roy de Navarre n'a procuré que deshonneur à la Couronne: & neantmoins il la desire sur sa teste. Il dit qu'il en est digne: il soustient quelle luy appartient: Et dict plus, que vous le deuez receuoir pour vostre Prince. Voiez quelle oubliance, & ou l'orgueil & l'heresie l'ont precipité. Celuy qui a mis les fers aux pieds de la France, qui luy a imposé les menottes au mains, qui l'a vendue & liuree par vne detestable deloyauté aux mains des estrangers, qui a procuré qu'elle fut menee captiue, & qui l'a exposé aux ruses & moqueries des heretiques: Cestuy là mesmes pretend que la Couronne de France luy appartient, comme l'ayant acquise par ses merites.

Il vous monstre bien par le traitemēt qu'il fait à sa femme, comme il traiteroit vostre Estat sil en iouissoit C'estoit vn vieil mot de Caton, que nul ne peut estre bon Senateur, c'est à dire, bon Conseiller d'Estat, qui ne soit bon mary. Quelle souuenance a il qu'on l'ait pourueu si hautemēt. Se resouuient il que sa femme soit fille, & sœur de roys Tres-Christiens: Se resouuient il quelle l'ait tant honoré que de l'espouser, encores qu'il fust heretique: Mais comment aymeroit il sa femme, luy qui n'ayme pas son pays: Con-



ment aimeroit il vne femme Catholique, qui ne tient conte de ses Ministres heretiques. Lon *Insolence* sçait l'histoire commune de sa preudhomie & *à son mini* bien seance, questant au presche, & mangeant *stre.* des griottes, il en ietteroit les noyaux au nez de son Ministre. Et toutesfois il maudit la Messe, iugez de quelle religion il est. Il monstre que ne pouuant aymer sa femme, ny son pays ny les Ministres, plus difficilement il aymera ses subiects & son pauvre peuple.

Aussi est il assez content de ses amourettes e- *Adul ere* strangeres, & des adulteres qu'il exerce avec tnr *publique* pitude, au veu & sceu & du consentemēt de tou *du Roy de* son Conseil, & de ses Ministres: de sorte qu'il *Nauarre.* fait le prouerbe vray, que la disnee est au Presche, & la souppee est au bourdeau, & le giste à l'Atheïsme, Car comme disoit vn pere ancien, l'heretique n'est pas si tost heretique quabandonné de la grace de Dieu, il est liuré es mains de Sathan fondateur du bordel, Et pere de toute villainie. Les citoyens de la ville d'Agen en sçauroiēt *Histoire de* bien que dire, qui n'ont pas oublié ce miserable *la paillar-* soir où le Roy de Nauarre, au lieu de baller, fit *disē du* esteindre les chandelles pour forcer leurs fēmes *Roy de Na* & leurs filles. Et sçait on que la cōtrainte de l'hō *uarre.* ne força quelque vnes de ce vouloir precipiter *Comparai* par les fenestres, & que les autres moururent de *son du roy* effroy, de regret & de douleur. *de Nauar-*

Et qui pensera que le Roy de Nauarre doi- *re, avec* ue estre plus chaste & plus humain, que Henry *Henri 8.* viij. nostre Roy d'Angleterre, qui estoit hereti- *Royd'An-* que comme luy; croyez que la chasteté ne

s'apprend pas au Presche, & moins encores l'humanité d'ot il faut traiter vne femme. La coustume de Geneue n'apréd que trop le chapitre des Repudiations, & le libelle de diuorce. Encores fera-ce beaucoup gagné, si estant Roy de France il ny procede que par diuorce. Mais il est fort à craindre de telles gens, qu'ils ne se seruēt du cousteau. Henry huitiesme eut six femmes desquelles il fit voller la teste a deux, des autres furent repudiees, la cinquiesme femme mourut en couche, & tost apres son mariage. Et quand à la derniere, Dieu luy fist vne belle grace d'auoir suruescu son mary. Les heretiques ayment le change, & leurs aliances sont fort à craindre, car si leurs femmes leur ennuient, ils ont recours à d'autres que s'il est besoin de s'en depescher, toutes executiōs leur sont bōnes. Iugez dōc quel traitement il fera à ceste princesse, de commencer son aduenement à la couronne, ou par diuorce, ou par l'effusion du sang de France. Mais que fera il au Cardinal de Bourbon son oncle, qu'il estre son competeur à la couronne, & son ennemy de religion? Sa peau nest gueres assuree, puis que les ministres qui sont les Poetes tragiques de nostre temps, ont enseigné à son neueu, que s'il faut violer le droit de parenté, il le faut violer pour regner.

*Heretique  
ayment le  
change.*

*Le roy de  
Navarre  
se vengera  
de la saint  
barthele-*

Mais passez plus outre, & iugez quelle vengeance il prendra de la saint Barthelemy tant sur les princes que sur vous autres. Car c'est ce qu'il vous faut considérer, tant est que la perte de vostre religion ne vous esmeue.

Lon parle à vous principalement, Messieurs  
 de Paris, qui faictes les douilllets & les delicats  
 & qui pour vne masquarade contriburiez ius- *Auarice.*  
 ques à la chemise: mais en la cause de Dieu, ne *des Pari-*  
 voudriez frayer vn dernier. Songez à vostre con *siens.*  
 science, & regardez comme vous preparez à ce  
 coup voyez vous point les Ministres se promet- *Dessein*  
 tre de ce baigner en vostre sâg? Oyez vous point *du mini-*  
 les loups heurler, qui ne demandent que vos *stre mar-*  
 gorges vous pouuez penser si les actions de ce *met, pour*  
 iour leur touche au cœur. Et principalement *experimē-*  
 au Chef qui ne s'en promet petite vengeance. *ter la S.*  
 Marmet Ministre du Roy de Nauarre luy a con- *Barthele-*  
 seillé pour expier le iour S. Barthemy, qu'il *my.*  
 faut estant Roy qu'il liure es mains des Mini-  
 stres deux habitans de chacune ville pour les fai-  
 re mourir de tels suplices qu'ils auiseront. Al-  
 lez, & fiez vous à la cl. menec de telles gens, &  
 vous submettez à vn tel Roy: Vous eognoistrez  
 la douceur naturelle de luy & de ses Ministres.  
 Les villes qui ont sanctifié la feste peuuent s'as- *Sainct*  
 seurer qu'elle leur coustera cher: Principalemēt *Barthelemi*  
 Lion, Rouen, Sens Troyes, & plusieurs autres *villes que*  
 places ennemies des heretiques. Quand à Bour- *le Roy de*  
 deaux, il est assez certain de la volonté qu'on luy *Nauarre*  
 porté, puisque il en a esté aduertty par lettres. *a desia*  
 Thoulouze ne peut ignorer l'affection singulier *marqu's*  
 re de ce bon voisin. Et quant à Orleans & Meaux *pour le*  
 elles sçauent bien qu'on les a mises des premie- *contrech a*  
 res sur le papier. Somme qu'il faut croire que *ge de la s*  
 vos maisons sont ia marquees, que vos noms *Barthele-*  
 sont enrolez, pour vous trouuer à ce chapitre *my.*

*Crautez  
des hereti-  
ques.*

*Huguenot,  
se plai-  
gent a  
tort du  
iour S. Bar-  
thelemy.*

général. L'un se promet le pillage de vos meub-  
bles, l'autre le sang de vos enfans, l'autre la vir-  
ginité de vos filles, l'autre l'honneur de vos fem-  
mes, & tous de se saouler euidentement de vos  
entrailles. Car si durant les troubles ils ~~ils~~ ont e-  
uentré les Catholiques, pour en faire des anges  
a leur cheneaux: S'ils leur out couppé le nez, les  
aureilles. & les parties honteuse pour les faire  
aualer. S'il les ont escorchez s'il les ont empal-  
lés que feront ils pour se venger, quand ils esti-  
meront auoir quelque iuste occasion de vengeâ-  
ce? Les cruantez de Nismes les inhumanitez de  
Montbrison, les barbaries d'Angoulesme, les  
tyrannies exercees en plus de mille lieux en la  
France, sont tesmoins irreprochables de la dou-  
ceur des heretiques. Lesquels ne se peuuent plain-  
dre du iour Saint Barthelemy, veu que ce n'e-  
stoit qu'une punition legere, en recompense de  
tant de massacres perpetrez sur les Catholiques,  
dix ou douze ans auparauant. Et combien qu'ils  
en ayent fait de gros, volumes si est ce que ce ne  
sont que fables & pures menteries. Tesmoin,  
qu'ils ont escrit & fait pourtraire le Roy deffunt  
qui portoit la teste de l'Admiral sur vne Lance  
Tesmoin, qu'ils ont escrit & faict pourtraire le  
Roy Henry troiesime à present regnant, qui fai-  
soit euentrer vne femme enceinte, pour voir la  
sittuation de son fruiet. Nous mettons en mes-  
mes cõpte ce que escrit poupelinier, que lon vé-  
dit à Lion la gresse de leurs freres. Car il ny a si  
petit des Catholiques qui ne sache que la chair  
viue ou morte d'un heretique ne valu iamais rien.



rien. Que si de leur viuant ils ont esté nuisibles à chacun qui pensera tirer proffit de leurs charongnes mortes? Les heretiques en nulle saison ne sont vtiles en Esté ce n'est que poudre, en Hyuer ce n'est que bouë.

Toutesfois posons le cas que l'on n'eust souuenance des actions du iour saint Barthelemy, pensez vous neantmoins viure en paix avec les heretiques? Il ny a point de paix entre les loups & les aigneaux: entre Iesus Christ & Satã, entre le vice & la vertu. Dit un rien tant deffendu à son peuple, que la conuersation & aliance des Gentils: Vous mourrez de malle mort, dit-il si vous alliez avec eux. Il est fort aisé dedans les poisses d'Alemaigne, ou la religion ne sent que le vin, de faire compa<sup>ir</sup> trois ou quatre religions diuerfes voire cent, si tant s'en treuue, Mais entre les François ou l'Estat est fondé sur la religion Catholique, qu'ils ont naturellement grauee au cœur & laquelle on ne peut arracher sãs faire tomber la Courõne, cest vne chose du tout impossible. Les heretiques, & principalemēt le geance de Caluin, ne peut souffrir d'egalité ny de cõpagnie avec les vrays Catholiques. L'esprit de Sathan esprit d'orgueil & d'outrecuidâce, esprit de cruauté, ne peut endurer pres de luy les aigneaux de l'Eglise sãs les esgorger, croyez quil vous faudroit quitter la Frâce, ou faire avec eux profession de leur iniquité: Car il ny a aux huguenots ny repos, ni alliance, ny amitié si on ne se conforme à leur impieté. Si vous en demandez tesmoignage, le Sieur de Montagu, Maistre

Les heretiques ne sont vtiles en nulle saison

*Catholiques incô-  
prables avec les  
Huguenots  
Audace  
des hereti-  
ques de  
Bearn.*

d'hostel du Prince de Condé, le vous pourra donner s'il est viuant, lequel ne peut oncques vertir avec eux qu'avec toute difficulté, quelque assurance qu'eust son maistre de sa fidelité. En voulez vous plus de preuue? La Royne de Nauarre vous témoignera, que son chappelain fut Massacré a Pau pour auoir chanté Messe par son commandement, encores qu'elle fust leur dame & leur Princeesse. Et mesmes ils mirent en prison deux ou trois notables marchans non pour autre chose que pour y auoir assisté. Demandez aux Catholiques de Bean, quelle iustice on leur fait au Parlement de Pau contre les Ministres, qui comme boucs, ont corrompu l'ancienne & admirable pudicité de tout ce pays. A s'inct Seuer la paix estoit publiee l'an quatre vingts, & toutesfois le lendemain de la publication ils partirent la nuit fort de Bonne-garde, entrèrent en l'Abaye de Pontaut, ou ils daguerent les moines & le Prieur estans couchez: Et pource qu'il respiroit encores, mirent le feu en son liect, le couvrirent de lard & de gresse, à fin de le consumer & reduire en cendre. Voila la paix qui est avec les Caluinistes. Demandez aux Catholiques associez, estâs dans la Rochelle, qu'elle cōfederation il y a aux huguenots, il ne faut qu'une legere suspicion, qui en vn matin leur troublera la ceruelle, il faut que ces associez troussent bagage, il faut qu'ils cōtent leurs chemises quelque longue frequentation qu'ils ayent eue auparauât avec eux. Tournez les yeux deuers nostre Angleterre, & vo<sup>z</sup> verrez quelle gracieuseté ils

*Nulle socie-  
té des here-  
tiques.*

ils ont fait aux Catholiques Anglois. Vous verrez comme ils nous ont traitez, sous promesse de nous conseruer. Cherchez y des Prestres qui s'osent descouvrir: Trouuez y des Religieux. Enquerez-vous où lon châte Messe, Informez-vous de nos autels. Vous n'y trouuez Prestre, ny autel: sacrificeur, ny sacrifice. Vous ny trouuez aucun vestige, que I E S V S-CH R I T & sa religion y ayent autresfois habité. Nostre pauvre Sion est violée, les Babyloniens l'ont prostituée, ses Temples sont polus, ses murs sont destruits, & maintenant elle gemit captiue sous la tyrannie de l'Anthechrist. Nous sommes esclaves sous vne Iesabel, pire cét fois que Iesabel. Et bref, pour auoir souffert vne Roynie heretique, nous somme aujourd'huy le mespris, la fable, & le iouët des heretiques.

*Mise.able  
Estat d'An  
gleterre.*

*Iesabel  
Roynie  
d'Angle-  
terre pire*

Et vous Messieurs, en pensez vous auoir meilleur marché? Certes vous abusez grandement: Le mesme esprit qui gouuerne nostre Herodias, gouuernerait vostre Herode. Esprit, qui ne peut se demétir, & qui reuiét tousiours à la rage, qu'il exerce contre le genre humain: Et spécialement contre les enfans de l'Eglise.

Vous pouuez voir de vostre riue, le gracieux traitement que l'Angleterre faict aux Catholiques. Voyez voyez les feux dont on les brusle: Vous voyez les potences où on les pend: Vous voyez les cris qu'iliettent à la question. La France est vn tesmoin sàs reproche, des inhumanitez que lon nous faict, veu qu'elle a receu nos pauvres freres en leur affliction. Il seroit long de

*Cruauté  
de la Roy  
d'Angle-  
terre.*

*Tortures  
des Catho-  
liques . en  
Angleterre*

vous reciter les tourmens de ceux qui sont demou-  
rez par deça. Ausquels il faut prendre resolution  
s'ils sont descouverts, ou de quitter la vie, ou bié  
d'abandonner la religion. Encores n'est on con-  
tent de les faire mourir, veu que la mort leur est  
vn port tresasseuré contre les tourmens des Mi-  
nistres, mais deuât que d'y arriuer, ils n'ont mē-  
bres que lon n'ait brisez, veines ny nerf que lon  
n'ait rompus à la torture.

*Comparai-  
son du loup  
& del'he-  
retique.*

Croyez, croyez, Messieurs les François, que  
tel que vous voyez le loup en vne bergerie, tel  
est l'heretique sur le troupeau de Iesus Christ: Il  
mort, Il abat, Il deschire, Il esgorge, Il eschorche,  
Il tue tout, & seroit fort marry qu'un seul escha-  
past, sans experimenter sa cruauté. Voyez les  
portes de Londres vous n'y verrez que testes  
& membres de nos freres, rigoureusement des-  
chirez & executez. Voyez les parqués des Iuges,  
vous n'y verrez que pauvres Catholiques, iugez  
& iniquement condamnez: Voyez les prisons  
publiques, vous n'y verrez que les aigneaux du  
parc de l'Eglise estroitement gardez & enser-  
rez. Que si nostre malheur vous doit faire sa-  
ges, gardez-vous bien de receuoir vn Roy qui

*Le Roy de  
Nanarre  
doit estre  
en abomi-  
nation à  
toute gens  
de bien.*

soit autre que Catholique. Laissez ce renard de  
Bearnois en son terrier. Laissez le en son Biarn  
penser à reformer les cruelles Ordonnances de  
sa mere. Laissez ce Roy d'eschets au coin de vo-  
stre Damier, iusques à ce que vos Princes Ca-  
tholiques, Religieux & vaillans, l'aillent cher-  
cher pour luy donner le mar, au lieu où les Sar-  
razins, Albigeois, & Visigois, & autres telles car-



casses d'heretique, renuerſes sous les armes des  
 Catholiques, sont demeurez pasture des cor-  
 beaux. Car puis qu'il s'en est fuy pour ce cacher  
 en son encoigneure, pourquoy liriez vous re-  
 chercher, pour le parquer en vostre Trosnes?  
 Quel merite y a il en sa personne? Quelle vertu  
 en son esprit, qui vous inuite de luy deferer tant  
 d'honneur? Ceux de la religion tiennent qu'il *Les Hugue*  
 est bastard. Et qui est chose plaisante, Belloy son *nous disent*  
 miserable Aduocat l'en excuse, combien que *que le Roy*  
 nul Catholique ne l'en accuse: Car tout ce qu'en *de Navar-*  
 ont sçeu les Catholiques n'est venu que des li- *re est ba-*  
 ures des Huguenots. Mais ne vous enquerez *stard.*  
 quel il soit, ny dont il soit: Il vous doit suffire de  
 dire à ceux de son party, que vous n'en voulez  
 soit qu'il soit legitime ou illegitime, soit qn'il  
 soit doux ou cruel, instruit ou non instruit, Ca-  
 tholique ou heretique, & qu'il ne vous chaut de  
 telle marchandise. Que vous le tenez pour Prin-  
 ce de Biarn, mais que vous ne le tiendrez iamais  
 pour Roy de France. Qu'un heretique, vn excō-  
 munié, vn reuolté, vn cruel, vn fuitif, vn mau-  
 uais mary, vn qui a tant de fois pillé vos biens; &  
 cherché vos vies, qui a tant de fois deshonoré  
 vostre Couronne, est indigne de la Couronne.

*perfections  
 du Roy de  
 Navarre.*

Voilà pour monſtrer que le Roy de Navarre  
 est à contrecœur à vostre Estat malade, lequel ne *catholi-*  
 le peut veoir, ne le peut sentir que le cœur ne luy *que libre*  
 bōdiſſe, & qu'il ne ſoit preſt de le recevoir, com- *& magna*  
 me quelque peſtilentieux venin. *nime cōtre*

Que s'il eſbahit que nous parlions ainſi de *des meſ-*  
 luy, qu'il penſe qu'il ny a rien au monde de ſi *chans.*

*Royz qui  
me sprisent  
Dieu ne sôt  
aimés des  
Catholi-  
ques.*

*Catholi-  
ques de  
haut coura-  
ge en la  
querelle de  
de Dieu.*

*Quels sone  
les partis  
du Roy de  
Navarre.*

doux & si obeissant que les Catholiques. Il n'y a rien qui reuere plus les Roys qui les ayme, & respecte d'auantage que les Catholiques. Mais quâd par vne desloyauté & perfidie, au lieu de reconnoistre Dieu, ils trahissent l'Eglise de I E S V S-CHRIST, qu'ils se font Chefs des heretiques, qu'ils se font ennemis de la foy, au lieu d'en estre protecteurs: C'est lors que les Catholiques les estiment moins que fange: Et qu'ils croient que perdant leur religion, ils perdent tout honneur & toute dignité. Bref, qu'il pense des Catholiques, que la part où ils s'agist de l'honneur de Dieu & de l'Eglise, Il n'y a rié de plus haut, Il ny a rien de plus roide & de plus braue qu'un vray Catholique, que mille morts ne peuuent espouuanter. Penseroit il doncques que les Catholiques fissent cas de luy? Auroit il Bien ceste opinion que vous l'eussiez en quelque estime? Croyroit-il bié que vous eussiez enuie de le receuoir? Ce seroit s'abuser du tout. Et qui est des Estats de ce Royaume, qui voudroit l'introduire en ce Royaume? Seroit-ce l'Eglise Ecclesiastique. Il est iuré persecuteur de l'Eglise, qui l'a excommunié Seroit ce la Nobless? Un heretique est pire qu'un roturier. Seroit ce l'Estat de Iustice? Elle l'a desia condamné comme rebelle & crimineux de lese Maieité diuine & humaine. Seroit ce letiers Estat? C'est luy qui la destruit & fait voler par les Reistres.

Qui doncques le receura? les heretiques. Qui criera, Viue le Roy les Catholiques vnis. Qui luy souhaitera santé: les Machiauelistes. Qui

luy assistera? les Politiques. Voila la Cour du Roy des heretiques voila s<sup>cs</sup> Conseillers, voila les Officiers de sa Couronne. Il se braue d'estre ainsi accompagné, & se vante des intelligences qu'il a aux faux Catholiques, dont il s'assure auoir grand nombre en ce Royaume. O gens perdus & miserables! Trahissez-vous ainsi l'Eglise, sous le voile d'enfant de l'Eglise? Vendez vous vostre religion, pour affermir vostre fortune? Estimez-vous qu'il y ait plus de foy aux heretiques, qu'aux Princes & Seigneurs Catholiques? Bannissez-vous Dieu de la France, qui vous a haussé aux premiers honneurs de la France? Que ceux qui vous conseillent sont meschans! Que ceux qui vous gouvernent sont miserables! Ils regorgent, quoy qu'indignes, du bien de l'Eglise, & neantmoins ils vous font trahir celle qui les nourrit & les alimente. O quelle ingratitude! O quel aveuglement, de se penser assuré quand la barque sera perie! Vous estes les vrayz apostumes du corps de vostre maladie, remplis de puanteur & d'ordure, & qui ne creuez que pour estouffer vostre pauvre Estat. Et qui croiroit qu'il y a des Euesques solliciteurs des affaires du Roy de Nauarre heretique & excommunié? Iamais Iesus Christ ne sera trahi que par vn de sa compagnie. O pauvres agneaux! ô Pasteurs miserables! Les heretiques ont honte de vostre honte, ils ont vergongne de vostre vergongne. Ils ont horreur, que pour assurer vne legere fortune, vous vendez Dieu & vostre religion. Par la ils cognoissent que vous n'a-

*Meschanceté de ceux qui trahissent l'Eglise.*

nez ny de Dieu, ny de Religion. Ils *se* moquent en leurs denis, ils s'en rient en leur tables, ils en font des contes en leurs Presches, & iugent quelle assurance il y a en vous, & en vos Conseillers, qui faisant estat de la religion, mettent en peril euident toute leur religion.

*Calomnie  
contre le  
Roy.*

Vne chose ne pouuons nous dissimuler, que les heretiques mensongers & miserables escriuent, & disent par tout que le Roy est leur amy, Qu'il a pris la protection de Geneue Qu'ils s'est confederé à la Royne d'Angleterre, qu'il a de grandes intelligences avecque elle, Qu'il entend laisser le Roy de Nauarre son successeur, Qu'il luy a donné toute assurance: & que pensant perdre le Presche, la Messe se trouuera en grād hazard. Tout ainsi que si le Roy estoit desesperé à toute meschanceté, cōme eux. Tout ainsi que s'il auoit resolu de trahir & abandonner l'Eglise, comme eux Mais ce sont ennemis, de vostre malade, que le degoustent de ses bons Medecins, pour le perdre entierement.

*Defences  
pour l'honneur du  
Roy.*

Le Roy, graces a Dieu, est Trescatholique, & n'abandonnera iamais au loup l'Eglise Catholique. Ses predecesseurs luy ont assez recommandé l'Eglise Catholique, par tant de secours & aduancemens qu'ils ont donné à l'Eglise Catholique. Le bon Roy Henry son pere la voué assez à l'Eglise Catholique, veu que tousiours il s'est declaré ennemy des ennemys de l'Eglise Catholique. La protestation du Roy defunct de ne se departir iamais de la foy Catholique, oblige assez le frere & le successeur de ne rien faire contre l'Eglise Catholique.

*Obligatōs  
du Roy en  
l'Eglise.*



Quand à son particulier, il sçait que les victoires & les triomphes de sa jeunesse ont tous esté acquis de la defence de l'Eglise Catholique. Son nom ne s'est iamais estendu & espandu sur la terre que pour auoir maintenu l'Eglise Catholique. Il sçait ce qu'il respôdit, quand il receut le Cimeterre du Pape, comme Cheualier de l'Eglise Catholique. Il sçait ce qu'il promit au Clerge de France, s'en allant en Pologne, d'estre à iamais le deffenseur & protecteur de l'Eglise Catholique. Il sçait le haut serment qu'il iura lors qu'il fut sacré en la presence des Pairs & de la Noblesse de France, de maintenir à iamais l'Eglise Catholique. Il sçait les protestations qu'il fit aux Estatz de Blois, & que maintes fois il a reiterez particulièrement en la presence de plusieurs Princes, & des premiers de sa Noblesse, d'aymer à iamais, & ne se departir de l'Eglise Catholique. Ce n'est donc pas pour faire croire qu'il ayt enuie de se bader cōtre l'Eglise Catholique. Ce n'est pas pour persuader que pour son filz & successeur au Royaume, il vueille nommer & appeller vn heretique. Ses actions y repugnent, ses paroles y resistent, & ne peut on croire que ses pensees s'y accordent.

Vn grand Roy, tel qu'il est, qui auroit espousé vne sage & vertueuse Princeſſe, à laquelle il auroit donné vn Cheualier d'honneur, seroit iustement irrité, si ce Cheualier, au lieu de la mener à l'Eglise, l'alloit vendre & engager à des rufians, & la conduire au bordeau. Iesus-Christ Roy des Roys, qui d'un clin d'œil chasse & brise les Roys, a pris pour son espouse l'Eglise Catho-

*Sermēt du  
Roy de de-  
fendre &  
conseruer  
l'Eglise.*

*Le Roy pro-  
tecteur de  
l'Espouse de  
Iesus.*

lique il a choisi ceste vierge pleine de grace, de beauté & de pudicité pour sa compagnie perpetuelle. Dieu & les Anges estoient presens au contract. Il la douee de son s<sup>a</sup>g, il l'a honoree de son corps, & la reuestue de son saint Esprit. Pour Cheualier d'honneur il luy a donné des Princes de la terre & particulièrement le Roy de Frâce. Penſez vous que ce Cheualier d'honneur vouluſt plonger l'Eglise en deſhonneur: Penſez vous qu'il vouluſt la proſtituer aux pauures attouche mens des heretiques. Penſez vous qu'il vouluſt trahir Dieu ſon maistre? Penſez vous qu'il vouluſt ſoubmettre ceste eſpouſe, ceste bien aymee, ceste Colombe aux insolentes brauades & inſupportables commendemens de l'heresie? Il nous ſeroit difficile, voire impossible d'en auoir la moindre ſuſpition. Nous croyous qu'il auroit horreur de penſer à vn <sup>faict</sup> deſhonneste.

Nous ne doutons pas toutesfois, que s'il vouloit croire pluſieurs qui luy aſſiſtent, il ne fiſt encores pis. Ceux qui luy ont perſuade la protection de Geneue, luy conſeilleroient bien d'auantage.

Ceux qui l'ont confederé à noſtre Ruine, lors qu'elle degouſtoit encores du ſang des Catholiques, luy pourroient perſuader quelque choſe de plus inique: Mais l'obligation qu'il a enuers l'Eglise, les gages qu'il en a receuz, les ſermés qu'il luy a faiçts, les promeſſes qu'il a donnees, la religion qu'il a iuree, <sup>et</sup> le tout rapporté à ſes actions ordinaires, ne promettent iamais qu'il paſſe ſon telle impieté. Quelle reproche luy ſeroit ſon pere? Que luy diroit ſon ayeul, & tant & tant de

Royz qui luy ont aquis & conserué fa Courône a condition d'estre protecteur de l'Eglise? La memoire de tant de gens de bien seroit elle pas le bourreau perpetuel de sa conscience, Que penseroit de luy son pauvre peuple? Que diroit sa noblesse Que interrogeroit l'Eglise, & tous Estats, & toutes conditions d'hommes: Qu'en estimeroiēt les estrangers? Qu'en publiroient les Princes voisins? Qu'un Roy, qui contre le commun faisoit tant de demonstratiō de pieté & de religion, fust à la fin trouué sans religion & sans pieté Car oultre que Dieu seroit iuste vengeur de ce crime, eueores l'infamie enuers les gens de biē, & vne peine fort considerable.

Mais en faueur de qui le Roy voudroit il faire celasche tout à l'Eglise Catholique? Est-ce en faueur du Roy de Nauarre? Il n'y a homme de iugemēt qui le voudroit croire? Pource qu'on n'estimerai iamais que le Roy, qui est Prince si catholique, ayt vne si estroicte cōfederatiō avec vn Roy si heretique. On ne dira iamais qu'il vueille pour successeur celuy qui traicte si mal sa sœur. Qu'il suive celuy qui le fuyt. Qu'il profite à celuy qui luy nuist. Qu'il ayme celuy qui le hait. Qu'il dōne sa vie & sa courône à celuy qui a maintefois cherché de s'emparer de sa vie & de sa couronne.

*Actes indignes des heretiques contre le Roy.*

Qu'il pourchasse ce bien aux heretiques, on le croira encores moins. Car qui luy tira le coup que receut De-Vius deuāt la Rochelle? Les heretiques. Qui à fait rebeller ses subiects? Les heretiques. Qui luy a perdu son Rōyaume? Les heretiques. Qui s'est efforcé de luy oster la couronne

de Pologne? Les heretiques. Qui l'a decrié en Allemagne? Les heretiques. Qui a tant blasmé son appentage? Les heretiques. Qui a fait Henry l'hermite? Les heretiques. Qui a fait les perles du Cabinet? Les heretiques. Qui a fait le Penitent qui chasse les mousches? Les heretiques. Qui a espie & mesdict de toutes ses actions? Les heretiques. Qui a deshonoré la race? Les heretiques. Qui a dict que la maison d'Orleans dont il est issu, a ruiné la France? Les heretiques. Qui a tant blasmé son pere? Les heretiques. Qui a tant mesdict de sa mere? Les heretiques. Qui a fait la vie de sainte Catherine? Les heretiques. Qui a tant blasmé ses freres? Les heretiques. C'est a dire, ceux dont le Roy de Navarre est le chef & protecteur, & a l'adieu duquel s'imprimet & se vendent par toute l'Europe les liures qu'il composent contre la Royne mere, contre la Royne de Navarre, & mesmes contre sa Maïeste, dont ils se disent si bons feruiteurs.

*Le Roy ne  
peut & ne  
doit aymer  
les hereti-  
ques.  
La Royne  
mere encor  
moins.*

Et penserions nous qu'il se fust de tant oublié, que l'aissant ses bons subiers il se fust allié des heretiques? Il ne peut faire pour le Roy de Navarre qu'il ne face pour eux, puis qu'il est fauteur & auteur des heretiques de France. Les ministres nous pardonneront, si nous ne pouvons croire ce qu'ils nous veulent persuader. Nous estimons le Roy si sage, que cōme en ces actions il a tousiours esté prudent, il le sera encor es plus en l'affaire qui se presente. Lequel est de si grand poix & auctorité & qui merite si grande consideration, qu'il ny eut iamais prince qui eust vn point a decider qui fust

*Fausse per-  
suasiō des  
Ministres.*



de si haute importance, & ou il allast plus de sa conscience. Car il sagit ou de la conseruation, ou de la ruine entiere de l'E<sup>st</sup> & de l'ancienne religion de la France, d'autant que si le Roy choisit pour successeur le Roy de Nauarre (ce pue nous ne croions iamais) & qu'il vueille establir au Royaume vn heretique, qui sont <sup>les</sup> Catholiques qui le voudroit souffrir? Les Ecclesiastiques le voudroit ilz endurer, veu qu'il y a de leur vie & de leurs biens, & du seruice & honneur de Dieu, qui est plus que leurs biés & que leurs vies? C'est luy qui des sa ieunesse disoit à l'Euesque de l'Escart son proche parét, qu'il ny eut oncques prestre qui valust rien. Qui est de la Noblesse qui le souffrira, puis que c'est le boucher, ou plustost le bourreau de la Noblesse, & que la vraye Noblesse de la France à tousiours esté amie & conseruatrice de la religion Catholique? Quelles villes le voudroient approuuer, pour y destruire leurs Temples & leurs citoyés, & les rendre terf souz la subiection des Ministres? Ce seroit mettre le feu aux quatre coings de la Frâce: Ce seroit mettre tout le Royaume en confusion & combustiō Car il ny a si petit des Catholiques qui ne soit resolu d'espandre iusques à la derniere goutte de son sang, & les armes au poing plustost crener, que de perdre la religion L'Eglise leur a enseigné de mespriser la mort pour ceste querelle, & ne craindre que celuy qui peut donner vne eternelle mort. Ilz le monstrent bien en ce pays d'Angleterre, où quelque boucherie qu'ô face de leur corps, quelque deffense que lon publie de rentrer

Le Roy est obligé de pourueoir a vn successeur Catholiques.

• y va

Le Roy de Nauarre a tous les prestres en mauuaise opinion.

L'Eglise ne le veut.

La Noblesse la reiete.

Le peuple la en abomination

Resolution des Catholiques.

*Les fleurs  
de Lis sont  
vierge non  
polues des  
heretiques.*

*Est dange-  
reux de  
donner a  
entendre  
au peuple  
que le Roy  
vueille  
pour succe-  
sser le Roy  
de Nauare*

au pays, ils y accourent resolus & par troupes pour mourir, en resemant le ch&ap de Iesus-Christ que Sathan a perdu & ruiné. Encores nous Anglois ont esté les derniers de l'Europe conuertis à la religion. Mais si l'heretique pense occuper la Cour&one de France, qui est Catholique de si l&og t&eps, s'il pense se voir sur les fleurs de Lis, qui sont encore vierges, & non polues des heretique. On n'ouit iamais telle rumeur d'armes, on ne vid iamais tant d'enseignes desployes, tant de soldats François par les camps, tant de forces estrangeres en vos campagnes, tant de personnes quitter leurs maisons pour esgorger les heretiques. Et se pourront bien asseurer, que non seulement eux, mais aussi leurs fauteurs & adherans auront tissé le licol qui leur ferrera les gorges. Car le peuple qui ne cognoist son mal, qu'a mesure qu'il le sent, se voyant en danger de perdre la religion, bondira de furie, & comme vne mer esmeuë pourra bien engloutir le patron & les matelots, & le nauire tout ensemble D&oc que lon se desiste de persuader que le Roy ait designé pour son successeur le Roy de Nauarre: Il aymet trop sa religion: Il a trop de pitie de son peuple: Il ch&erit trop son Royaume,

C'estoit vne belle parole d'un Ambassadeur de Hongrie à l'un de vos Roys, qu'un Roy de France ne deuoit donner ayde à ceux qui faisoient la guerre aux Eglises & aux autels. A plus forte raison ne doit il laisser son Royaume à celuy qui a destruit & les Eglises & les autels. Le bon pere qui cognoist l'ennemy de luy & de sa maison, &

qui ſçait qu'il en procurera la ruine, ne l'~~la~~ donnera iamais pour tuteur à ſes enfans. La France n'endurera iamais que le Roy de Nauarre luy commande. Ceſt heretique luy eſt trop à contre cœur. Que ſi on luy fait aualer de force, il n'eſt rien ſi certain qu'elle le vomira. Vos Princes Catholiques ne l'endureront iamais. Voſtre Nobleſſe deſia liguee y reſiſtera iuſques au dernier ſouſpir de ſa vie.

Et pource que le Cardinal de Bourbon, comme *Defences* Prince Tres Chreſtien & tres-verueux, a roide *pour le* ment declaré ne le vouloit ſouffrir: Et qu'à ceſte *Cardinal* occasion il s'eſt ligué aux autres Princes, & ſpe- *de Bourbō* cialement à la maiſon de Guyſe. C'eſt pourquoy *aux calom* ils ont eſcrit de ce Prince, tout ce qu'on ſçau- *nies* roit vomir de meſdiſance contre la plus baſſe & *des hereti-* vile perſonne qui ſoit au monde. Car ils repro- *tiques.* chent au Cardinal de Bourbō d'eſtre vn Cardinal caſſé, vn Prince deſnature, allié des ennemis de ſa maiſon qui luy font iouer le Roy ſur ſon vieil aage. Enquoy lon doit auifer la ſubilité des ennemis du malade, qui le veulent deſgouſter de ſes bons & fideles Medecins, afin que les ayant à contre cœur, & ne receuant medecine de leur ordonnance, plus facilement & ſans reſiſtance, la maladie s'empare de tout le corps. Mais à telles reproches le Cardinal de Bourbon reſpond, que les Royaumes floriffent ſous les vieux Conſeillers, & ſe ruinent ſous les ieunes. Que s'ils appellent deſnature, celui qui ſouſtient la querelle de Dieu, qui s'unift à l'Egliſe qui garde l'ancienne religion du Royaume, la foy de ſes anceſtres, &

l'honneur de sa maison: Il est content qu'on l'appelle desnaturalé, & qu'on le blasme de la plus belle vertu dont les hommes, & particulièrement les Princes, se puissent parer, de s'estre lié<sup>con</sup> avec les ennemis de sa maison. Tant s'en faut, qu'il n'y a race où il y ait tant d'alliance qu'entre la maison de Bourbō & de Lorraine. Que de iouer le Roy, il n'en a & n'en eut oncques l'intention: que la perte seule de la religion Catholique l'a esmeu d'entreprendre l'association avec les Princes Catholiques. Qu'il s'est proposé la ruine & le ravage qui se feroit en ce Royaume, si les heretiques gouvernoient: & cōme ceste belle face d'estat seroit estrangement changee. Que si de bōne heure il ne s'opposoit aux furieux desseins de ces nouueaux tuteurs du Royaume, il rendroit cōpte deuant Dieu de telle negligēce & lascheté, C'est pourquoy il veut bien que toutes sortes de gens entendent son intention, qui est, Qu'il s'est tousiours souuenu & se souuiēdra à iamais, qu'entre ses predecesseurs nul n'a quitté & abandonné la religion Catholique: Que la vertu de ses yeux, leurs gestes, leur piété l'obligent assez de demeurer en l'Eglise, & de defendre & conseruer l'Eglise. Que de s'en departir, il ne le fera iamais, ains entend demeurer ferme en sa ligue, contre les coniurez ennemis de l'Eglise. Qu'il n'ignore n'y les actions ny les factions des heretiques. Qu'il a esté spectateur vingts cinq ans entiers de leurs melchansetez, & sçait comme ils ont ioué en France le roole des Enragez Qu'il sçait, à son grand regret, les playes que ce pernicieux Ad-

*Resolotion  
du Cardi-  
nal de  
Bourbon.*



miralafaites en sa maison , lesquelles seignent &  
 seigneront a iamaïs en la race de Bourbon. Qu'il  
 ne peut oublier le rang & le degré qu'il tient en  
 l'Eglise. Qu'il en est Cardinal , & des premiers,  
 comme il est premier Prince du sang en France  
 & conséquemment l'un de ceux sur lesquels se  
 doiuent soustenir les portes de l'Eglise , que de  
 sa part il ne laschera iamaïs. Que si Iudas veut  
 trahir Iesus Christ, il est resolu de le deffendre  
 avec saint Pierre. Qu'autant de fois qu'il se vest  
 autant de fois la couleur de son vestement l'ad-  
 monnest de ce qu'il doit faire pour l'Eglise,  
 Qu'il est bien resolu d'y employer ses biens , ses  
 forces son credit , & sa vie. Que quand sa robe  
 mouillera dans son sang , ce n'est que la teinture  
 qu'elle doit prendre. Que si vn Roy comman-  
 doit à vn Prince seculier de deffendre vne place  
 contre son ennemy , il le tiendrait à grand hon-  
 neur. Que de sa part il recognoist Iesus-Christ  
 pour son Roy, pour son Seigneur , & pour son  
 maistre. Qu'il luy a presté le serment de fidelité  
 à l'entree de sa vie, lequel comme Prince qui viét  
 sa parolle & sa foy, il maintiendra iusques à la fin  
 de sa vie. Qu'il luy a commandé de tenir fort en  
 la place de l'Eglise: Qu'il s'y est obligé par ser-  
 ment & qu'il estime cette obligation la plus ho-  
 norable qu'il passa oncques. Conséquemment  
 que la fausser, ce luy seroit vn reproche eter-  
 nel deuant la Maïesté de Iesus-Christ son maistre.  
 Et c'est pourquoy il entend demourer ferme  
 dans le vieil chasteau de l'Eglise, & d'en deffen-  
 dre l'entree aux heretiques, soien parens, amis ou

ennemis iusques au dernier soupir.

Voila cōme l'vn de vos Medecins se purge de la mauuaise reputatiō qu'on luy veut donuer enuers son malade. Voila ce que respōd le Cardinal de Bourbon, contre les mēdisances & calomnies des heretiques & de leurs fauteurs,

*Calomnies  
contre la  
maison de  
Guise.*

*L'heresie  
bandee cō-  
trae la mai-  
son de Gui-  
se.*

*Popelinie-  
re l'excōmu-  
nié par le  
cōmande-  
ment de  
Beze.  
Plumes de  
de Gene-  
ue.  
mēteresses*

Quand au Duc de Guyse & ses freres & tous les autres Princes de sa maison, ils mesprisent & les calomniateurs & leurs calomnies. Ils se moquent des Dementis qu'on leur donne de deux cens lieues loing, & cognoissent assez la foiblesse de cœur de leurs ennemis, & le commun iargon des heretiques, Ils sçauent que la seule memoire de leur nom les fait escumer. Ils sçauēt que leur race sert de butte aux Huguenots, pour y de cocher tous les traits de leurs mēdisances: Qu'il n'est pas bon Ministre qui ne sçasche vn Presche contre eux: Qu'il n'est pas bon huguenot, qui n'ait appris à les blasmer en aprenant son Cathéchisme: Que cela se chante avec leurs Psalmes, qu'il se prononce en leurs Prières, qu'il se publie en leurs Assemblees, qu'il se resoud en leurs Synodes. Ils sçauent bien que Beze a fait excommunier Poupelinier à la Rochelle, pource qu'il auoit escrit ( bien que froidement ) ce qui ne se pouuoit taire de leur vertu, laquelle toutesfois ne veut estre recommandee des plumes de Geneue: Car outre quelles sont menteresses & vanteresses, ce qui est loué de ceste part, vient en trop de suspicion entre les gens de bien, les hommes de lettres en sçauent iuger. Mais sçaués vous quirend ces heretiques si animez contre ces Prin-

ces? C'est zele, c'est la deuotion qui de tout tēps Sathā en-  
 a esté gardee en leur maison. Sathan ne peut *nemy de la*  
 nier, que ce tige n'ait produit de tresillustres & *maison de*  
 tresgenereux reiettons. Il l'a trop esprouué, & *Lorraine*  
 en trop d'endroits, où il s'est veu combatu, & *qui luy*  
 dissipé par leurs armes. Il sçait qu'en quelque *fait la guer*  
 part qu'il se soit niché il a tousiours eu quelque *re.*

assaut des Princes de Lorraine. Il sçait que leurs  
 espees ne rougissent que du sang infidele. Que  
 les heretiques ne tombent que deffous leurs  
 coups. Que les meschās ne perissent que par leurs  
 forces, Il a veu Godefroy en Ierusalem, il a veu  
 Federic en la Syrie, il a veu les vns en Constanti-  
 nople, les autres en l'Asie, & tous rangez contre  
 luy sous l'estādard de l'Eglise. Il craint for qu'ils  
 rebatissent les fondemens de leurs peres. Il  
 a veu l'ayeul du Duc de Guyse tailler en pieces  
 Zuingle & les heretiques d'Allemagne. Il a veu  
 son pere les foudroyer à Dreux, à Bourges, & à  
 Rouen. Il a veu les ferrer à Orleans, & presque  
 les estouffer en leur renardiere. Il cognoist le  
 cœur du Duc de Guyse qui est à present, doux &  
 honneste, mais haut & magnanime au possible.

& qui ne respire que la ruine de l'heresie. Il l'a  
 veu à Poitiers, Iarnac, Moncontour, & autres  
 lieux. Il l'a veu mettre les Reyستres en fuite, &  
 les Barboüllez en desroute. Il sçait comment  
 il charge. Il voit le Duc de Mayenne son frere  
 qui le seconde en toute espee de generosité, Il  
 voit le Cardinal leur frere, qui ne cede aux deux  
 autres, soit de cœur, soit de deuoir enuers l'E-  
 glise. Il les voit accompagnez de leurs cousins,

*Sathan  
 craint &  
 redoute la  
 valeur de  
 Princes de  
 Lorraine.*

*Sathan calomniateur de la vertu de ces Princes.*

tous Princes vaillans & genereux. Il voit la Noblesse se ranger a leur party, tant pour la deffense de la religion, que pour estre fort mal contenue. Et c'est pourquoy ce mesme Sathan qui calomnia leur ayeul au grand Roy François pour auoir deffait Zuingle qui blasma leur pere de ce qu'il auoit iustement faict à Vassy, qui a tant mesdié du Cardinal de Lorraine leur oncle, Prince autant accomply de vertus qu'autre qui fut de nostre temps: ce mesme Sathan s'efforce de les calomnier par tout, iusques à faire escrire par les heretiques que ce sont les mortelz ennemis du Roy & de la Couronne. Dequoy toutesfois ilz ne s'esmeuuent aucunement, car ils sçauét bien que ce sont mastins qui jappent contre la Lune, & qui nonobstant leurs abois ne la morderont iamais.

*Le Duc de Guyse oubliera iamais qu'il est petit filz du Roy Loys xij*

Aussi sont ilz resolz, nonobstant leurs cris & leurs escritz, que si le Roy de Nauarre s'est oublié d'estre descendu du genereux estoc de Bourbon: ilz n'oublieront iamais qu'ilz sont petit filz du Roy Loys douziésme leur grand pere. Et si le Roy de Nauarre s'efforce de perdre la religion Catholique, ilz n'oublieront iamais de la bien deffendre comme estant la seule religion de tous les Roys de France, & qui est propre & peculiere aux François. Au reste ilz mesprisent le mesdire des Huguenotz, dont les plus gens de bien de nostre siecle ont senty les poinctes. Car chacun sçait, comme parlant du Roy François premier, apres l'auoir depeint de toutes couleurs, ilz disent que ces vices estoient vertuz aupres



des vices de ses successeurs. Ainsi honorent-ils  
 ceux qui les ont pris en leur protection. Ils ont  
 escrit du Roy Henry second, pere du Roy qui  
 vous commande, que ce n'estoit qu'un sot & une  
 beste. Ils ont pour epithete donné au Roy Fran-  
 çois second, que c'estoit un sourdaut miserable.  
 Ils ont escrit du Roy dernier, que c'estoit un fu-  
 rieux & un insensé. Quant à vostre Roy, ils en  
 ont dit & escrit ce qu'il ne faut ny dire ny escri-  
 re. Et quant à sa mere, ils l'ont tellemēt decoup-  
 pée de la poincte le leurs plumes, qu'une impu-  
 dente tripiere acroupie sus son bacquet, au fort  
 de son courroux, n'en scauroit dire d'avan-  
 tage? La Roynne de Navarre a eu part en ce ga-  
 steau de medifance, & bien largement. Mais cō-  
 ment n'escriroiēt ils cōtre leurs ennemis, qu'ilz  
 ne pardonnent à ceux de leur party? Qui n'a  
 veu les Sonnets qu'ilz ont publié contre le feu  
 Prince de Condé? L'accusent-ils pas d'estre un  
 Sardanapale, & bref un homme qui traissoit  
 leur cause, estant mancipé à toute volupté? Et  
 toutesfois il est mort en leur querelle, & pour  
 leur querelle: De sorte qu'il rencontra fort bien  
 de dire à sa belle mere, qui l'auoit attiré à l'he-  
 resie, & qui se vantoit luy auoir monstre les ieu  
 de cartes qu'il scauoit, qu'elle luy auoit mon-  
 stré un ieu où il perdrait & la vie & la reputa-  
 tion. Qui n'a veu l'Epitaphe qu'ilz firent du feu  
 Roy de Navarre, où ilz publierent ce qu'ilz de-  
 uoient faire, pour l'honneur de celuy qui de pre-  
 sent est leur Conducteur? Mais qui ne scait ce  
 qu'ilz ont dit du feu Duc de Bouillon, & quel

Hereti-

ques ont

mesdit d'

vn chacun

et parti-

culieremēt

des roys

de Frâce

Hereti-

ques ont

mesdit du

Roy &amp; de

sa mere.

Hereti-

ques inu-

rieux com-

tre leurs

partisans.

remerciement ils luy ont faict apres sa mort de les auoir retirez à Seden? Que disent ils à present du Prince de Condé & de tous leurs Chefs, dont ils se seruent seulement pour se maintenir aux angusties de leurs affaires? C'est pourquoy le Duc de Guyse ne faict cōte de leur mesdire, & ne se soucie de leur respondre:Encores que, graces à Dieu, il n'ait manqué, & ne manque, & ne manquer a iamais de gens d'esprit & de lettres pour la defense de sa cause. Car qui est la personne d'honneur qui n'estime le temps mal employé de tenir pieds à telles harengeres? L'innocence de ceste maison, est vne souueraine eloquence. Le Roy Charles neuuesime, Prince de grand & de vif esprit, s'il <sup>en</sup> fut oncques, scauoit bien que la querelle des Huguenots & de la maison de Guyse estoit la querelle de luy & de son Estat: & que nul ne s'estoit pris à l'Estat, qui ne se fust pris à la maison de Guyse. Je voy bien, disoit-il, que ie suis le Guyfard, & <sup>me</sup> mon Estat faict la querelle. Et c'est pourquoy il estimoit l'Admiral le plus capital ennemy qu'il eust au monde. De sorte qu'estant mort, & pendu par les pieds à Mont-fauçon, il voulut voir sa charongne, laquelle il regarda fort longuement avec plaisir. Et comme on luy persuadast de se retirer pour l'odeur q̄ sentoit ceste voyrie: L'o. deur, dit il, est bonne de son ennemy mort. On remarque aussi de luy, que comme on luy parloit des Pseaumes des Huguenots: I'ay (disoit-il) pour mon Pseaume, Des ma ieunesse il m'ont faict mil le maux. Arguant parces paroles la melchanceté

*La maison  
de Guyse se  
deffend  
par son in-  
nocence*

*Admiral  
capital en-  
nemy du  
Roy Char-  
les neuuesi-  
me.*

des heretiques, qui des son ieune aage l'auoyent voulu despoüiller de sa Couronne, & qui auoiēt tousiours trauaillé & bourrelé sa ieunesse.

*Huguenots  
voulent  
oster la cou*

Et à la verité, si ceux de ceste maison ne se fussent opposez aux desseins qui se pratiquoyent, & qu'on a voulu executer Amboise, Paris, Meaux & autres lieux de la France, la maison de Valois se pouuoit bien passer de la Couronne. Le cantonnement du Royaume designé à Nantes, mōstre bien qu'on n'y vouloit laisser ~~un~~ Roy, ny Roch, ny Sceptre ny Couronne. Mis d'autant que les larrōs crient les premiers, Au larrō. C'est pourquoy les heretiques ont dict que le feu Duc de Guyse se vouloit emparer de la Couronne. Cōme si le bas aage du Roy & la lieutenance generale du Royaume qu'il auoit, & le commandement sur toutes les forces de France ne luy en eussent pas offert toutes les commoditez, si seulement il les eust voulu prendre.

*ronne au  
Roy Char-  
les. 8.*

*Responce à  
la calom-  
nie de la  
pretention  
du Roy au  
me.*

Que disent ils à present contre les Princes de ceste maison? Ce qu'ils disoyent contre le pere: qu'ils tendent encore à la Couronne. Enquoy ils ressemblent les chiens de chasse, qui ayant perdu le train, recourent sur leurs premiers vōes.

Et pour donner plus de credit à leur mensonges, ils supposent que le Duc de Guyse se dit issu de Charlemaigne & de Charles de Lorraine que Capet desherita, & que la Courōne leur appartient. Et la dessus, il fueilletent leurs liures, ils broüillent leurs papiers, escriuent des Genealogies, y meslent du faux & du vray, du bon & du mauuais, & se rompent la teste en vne chose qui

*Heretique  
supposent  
des calom-  
nies sur le  
quelles il  
bastissent  
leurs es-  
crits.*

ne leur sert de rien, tant le malin esprit les tourmente. Car c'est proprement battre les ombres, c'est faire la guerre aux chimères, que de refuter ce qui ne fut iamais obiecté. Mais despouillons vn peu le Huguenot, & le voyons à nud : nous descourirons Sathan en son cœur, & la meschâceté qu'il cache sous sa robbe. Apres la saint Barthelemy, les heretiques firēt vn liure des fureurs Francoises, où ces furieux ennemis de l'Estat de France, pour mettre tout vostre pays en combustion, prioient le Duc de Guyse de s'armer contre le Roy : Et croient que le royaume iustement luy appartenoit. Le Duc de Guise les voulut il croire ? Non car il sçauoit qu'il falloit mener ces enragez à saint Mathurin, & qu'ilz auoient besoin d'ellebore. Pourquoy doncques l'accusant ilz à present de tendre a la Couronne, puis qu'ilz disoient lors que la Couronne luy appartenoit ? Si tant estoit qu'il eut creu leur conseil, & qu'il se fut armé pour ceste querelle, lors qu'ilr le desiroient, l'eussent ilz peu blasmer de suiure leur aduis, & d'auoir acquiescé à leurs conseils ? Le Duc de Guyse les congnoist trop bien, il sçait bien que ce sont des forcenez & desesperez, que ce sont des Nerons, qui voudroient, se voyas perdus que tout fut perdu, & que la mer, le Ciel, & la terre vinssent à se confondre & abîmer ensemblement.

Les Princes de Lorraine, & specialement la maison de Guyse, ont trop aimé voz Roys, ont trop chery vostre Couronne, pour s'armer contre la Couronne. Federic second du nom, Duc

Les Huguenots ont soustenu que le Roy aume de France appartenoit à la maison Guyse, Huguenots enragez ont besoin d'elle



de Lorraine s'allia au Roy Philippes le bel, & en uoya son filz en France pour faire seruice à la couronne de Frâce. Thibault son filz est recom-mandé, que toute sa vie il demeura si bon François, qu'il egaloit en amour enuers voz Princes les vrais & naturelz François. Federic troiesime fut si aymé de Charles de Valois, frere du Roy de France qu'il l'estimoit comme vn luy mesme.

Raoul son filz, Prince hardy & trescheualeureux mourut à la iournee de Crecy, faisant seruice à la Couronne de Frâce. Le Duc Anthoine de Lorraine estoit à la iournee de Marignan, où valcu-reusement il fit son deuoir contre les Suisses. Sô frere Claude, ayeul du Duc de Guise qui est de present, se trouua en la mesme bataille, & fut tout le iour respirant parmy les morts. Son fre-re François de Lorraine fut tué en la bataille de Pauie aux piedz du Roy François. Bref il ne s'est passé iournee où les Princes de la maison de Lorraine n'ayent fait congnoître quelle fidelité ilz auoient à la maison de France. Nous ne voulons parler du feu Duc de Guyse, dont les victoires sont trop recentes, & l'accroissement qu'il a procuré par ses armes à la Couronne. Sinon que lon vueille rapporter cest ancien prouerbe à ces tra-uaux. Qu'il n'y a rien qui plus facilement s'oublie que le bien fait.

Voz Huguenotz & leurs alliez font vn grand pauois d'un pur mensonge par eux inuenté, que le grand Roy François souloit dire, que les Lorrains mettroiet son Royaume en cheminse, & ses enfans en pourpoint. Car si le Roy François eust

*La France  
tenue &  
obligee au  
feu Duc de  
Guyse.  
Responce à  
la calōnie  
que les Lor-  
rains met-  
tront la*

*France en  
chemise,  
& le Roy  
en pour-  
point.*

faict ceste prophétie des Huguenots, il ny a rien de plus veritablement dict, iln'y a rien de plus certainemet deuine. Les experiences seruent de preuues: car n'eust esté la maison de Guyse, la race des Valois estoit en pourpoint, & le Royau me en chemise. Mais il n'est croyable que cemot eust esté prononcé de la bouche de ce grād prince, qu'sçauoit trop les seruices par luy reccus de ceste maison, laquelle il auoit aymee, & dessus toutes estimee. A l'entretenu<sup>e</sup> de l'Empereur & de luy à Aiguesmortes, il sacōpaigna du Duc de Lorraine par dessus tous. On sçait qu'il n'eut oncques personne plus amy que le bon Cardinal Ican de Lorraine, qui seul fut choisi pour luy annoncer la mort du Daulphin, pour l'extremé amitié que le Roy François luy portoit. Le Roy Henry son fils, qui tāt a aymé ceste maison, ne les eust approchez pres de luy, estant Daulphin de France s'ils eussent esté si peu fauorisez du Roy François son pere. Toutesfois il ne se repentira iamais d'auoir eu tels Princes à son seruice, dont il a experimenté durant son regne la valeur & fidelité iusques au bout. Et peut on dire de leur maison, Que tāt qu'elle a esté en credit, les estrangiers ne vous ont fait aucun escorne, que cette race ne l'ait vengé, & ne l'ait fait comparoistre aux ennemis de la France.

Qu'adioustant ils de mesdisances contre ces Princes: Ils ont, disent ils, faict imposer des subsides sur le peuple. O gens amateurs du peuple, du sang duquel ils sont gorgez iusques au cœur. C'est xne accusation qu'ils dresserent contre le

*Le Roy François amateur de la maison de Lorraine.*

*Le Roy Henry aime la maison de Guyse pour sa va leur & fidelité.*

Roy Charles neufiesme aux seconds Troubles & dont ils se desisterent bien tost, se sentans assez mal fondez. Mais quels Edicts? quelles impositions? & quels subsides Car ce n'est pas assez de le declarer en general, il fault plus particulièrement les specifier. Et comment sçauent ils que les impositions qu'on'a faictes, soyent à leur satisfaction? C'est vne chose inouye parmy la France que les Princes de ceste maison ayent esté daciens, mangeurs & rongeurs de peuple & inuenteurs de subsides. Ils sont petits enfans de Loys douziesme, qui fut pere & conseruateur du pauvre peuple. Penferoit on qu'ils eussent oublié les vertus de leurs ayeux? La France a bien eue & souffert plusieurs subsides: mais qu'ils en ayent esté auteurs, c'est chose de trop legere croyance. On leur obiecte d'auoir eu assignation des deniers qu'on a leuez Mais ils respondent, qu'ils en ont si peu touché, que leurs ennemis ne sçauoyent prendre grand aduentage de ceste part: & toutesfois si peu qu'ils en ont receu, ç'a esté ou pour les affaires de la guerre, ou pour la dissolution des debtes qu'eux & le feu Duc de Guyse leur pere auoit contractee pour le seruice de la Couronne, & dont ils ont vendu leurs heritages propres. Que si c'est le Roy de Nauarre que les accuse de tels subsides, il faut qu'il confesse que la necessité des guerre les a faict imposer. Et qui a faict la guerre au Roy, sinó les heretiques Et qui a esté conducteur des heretiques, sinon le Roy de Nauarre? Il fault donc necessairement conclurre que le Roy de Nauarre a esté la pre-

*Defences  
pour l'im-  
posit. ô des  
subsides*

*Le Roys  
Loys dou-  
ziesme ay-  
eul du  
Duc de  
Guise pere  
du peuple.*

*Le Roy de  
Nauarre est  
cause des  
impositiōs  
sur le peu-  
ple.*

miere occasion des impositions faites sur le peuple : Car si l'on eust surpris les villes du Roy , si l'on n'eust reuolté ses bons & fideles subiects, si l'on n'eust saccagé ses prouinées , il ne falloit aucune guerre , & consequemment il ne falloit aucun subside, Deuât le tumulte d'Amboise vo<sup>z</sup> viuez en paix & en repos? La paix estoit iuree entre les Princes estrangers , & laquelle à esté si bien entretenue du Roy d'Espaigne, quelque suiet qu'il ait eu de ce remuer: Il na iamais bougé Mais le Roy de Nauarre a bone grace de ce plaïdre de telles impositions, comme s'il estoit marry qu'on eust trouué deniers pour obuier à ses agreSSIONS. Il eust esté fort aisé que l'espee en la main on l'eust receu dedans les villes, qu'on luy eust tēdu le col, qu'on ce fust submis à la loy, sās

*Le Roy de* luy faire aucune résistance. Toutesfois comēt  
*Nauarre* peut il estre accusateur en cest endroit luy qui à  
*exaCteur* leué deniers & leue ordinairement sur le peu-  
*du peuple* ple? Les ordonnances deffendent de leuer aucune chose sans la volonté du Roy.

Où sont les Edicts qu'il en a obtenus? Où ont ils esté verifiez? Quel Procureur du Roy y a coufenty? Sçait on pas biē la leuee ordinaire des heretiques? Sçait on pas bien quelle est la bourse commune? Sçait on pas bien quel argent il reçoit de ses pensions: Toutesfois c'est peu de chose de ce qui se leue avec la volonté de ceux qui contribuent. Mais que direz vous de la force & de la contraincte qu'on faict sur le peuple? Cōment la doit on appeller, qu'une pure tyrannie: vne oppression , ou barbarie?



Neantmoins confiderez la rage de leurs ennemis, qui non contens de s'attaquer aux viuans deschirent la memoire du feu Cardinal de Lorraine. Ils disent qu'on l'appelloit le fleau du Clergé de France : Et toutesfois qui a esté le fleau du Clergé de France, que les Huguenots ? Et qui a esté ennemy des Huguenots, que le Cardinal de Lorraine ? Ce n'a donc pas esté le Cardinal, mais les Huguenots qui ont esté le fleau du Clergé de France. Que si les Huguenots auoiēt à disposer du Clergé, dont ils feignent auoir compassion. Il y a lōg temps que ce premier membre de vostre Estat ne fust plus, & que les biens de l'Eglise où lon tend principalement, fussent dispēsez, comme le roy de Nauarre les dispense à son profit en son pays de Bearn.

*Responce  
aux calom-  
nies cōtre  
le feu Car-  
dinal de  
Lorraine.*

*Huguenots  
mortels en-*

Mais tant s'en faut que ce Prince, l'un des grands ornemens de nostre siecle, ayt esté mal voulu du Clergé, que toutesfois & quantes qu'il s'est présenté quelque honorable charge pour le Clergé de France, soit en la France, ou aux pays estrāgers, elle luy a tousiours esté deferee. Et si le Huguenot ne veut creuer d'opiniastrété, il faut qu'il confesse en sa cōscience, que quelque chose qu'il die ou qu'il escriue de luy, Il sçait & sent, & a tousiours senty, que c'estoit vn tref-grand & tressage personnage.

*nemis &  
fleaux du  
Clergé de  
France.*

*Deffence à  
la calom-*

Il est bon que lon accuse leur maison d'estre des ennemis de France, il faut donc que l'Empereur Charles cinquiesme, il faut que nos Anglois ayent esté les grands amis de vostre estat.

*nie, que ils  
sont enne-  
mis de la  
France.*

Que filz estoient les ennemis de France, com-

*Seruices si-  
gnales de  
la maison  
de Guise  
pour la  
France.*

*protestatiō  
du Duc de  
Guise est de  
ses freres.*

ment deffend oyent ils Mets, pour la France? & comment au peril de leur vie & de leur sang prenoyent ils Calais, Guignes & Thionuille pour la France? Comment combattoient ils les ennemis de France, & comment les faisoit on Lieutenans generaux en France, si ils se sont monstrez ennemis depuis la paix. Il faut donc que les Huguenots soyent les bons amis de nostre Royaume, cōtre lesquels ils ont fait la guerre iusques à present. Il faut que les Reystres du Casimir, qui vous ont pillez iusques à la chemise, soyent vos protecteurs & deffenseur. Il faut donc qu'à present vous soyez amis aux Huguenots, amis du Casimir, amis du Presche & ennemis de la Messe. Car ils ont protesté, & protestent encores, que tant qu'ils seront viuans ils feront la guerre à Sathan, & à l'heresie: & tant qu'ils pourront remuer les armes, ils n'auront ny paix ny repos avecques eux. Voyez toutesfois quelle Noblesse vous faictes vostre ennemie, si vous les estimez vos ennemis. Car toute la noblesse lignée avec eux, ne s'est esleuee que pour ruiner l'heresie: Laquelle <sup>est</sup> resolu<sup>ez</sup> qu'elle mourra ou elle esteindra le Presche. Mais en quoy veut on fōder cette inimitié? Quoy, sont ils cōdamnez de crime de leze Majesté: Ont ils procuré du deshonneur en France? Ont ils fait chose où la France ait senty domage? La France est bien pauvre de sens, si de ses bons amis elle en fait des ennemis. Et ces pauvres Princes sont bien eslongnez de leur esperance, d'auoir tant sué & trauaillé pour vn pays si ingrat & mesconnoissant.

Passons outre, & voyons ce qu'ils impntent à responce  
 la maison de Guyse, & à tous les Catholiques. à la calō-  
 Ce sont, disent ils, tous Espagnols Comme si c'e- nie touchât  
 stoit vn vice que d'estre Espagnol. Et que ce ne intelligē-  
 fust vn crime detestable dessus tous, que d'estre lauecl'Es-  
 Huguenot, ou, allié des Huguenots, Espagnols gnol.  
 sont Catholiques: Et les Huguenots sont here-  
 tiques. Les Espagnols n'ont iamais tray I E S V S  
 CHRIST: Et les Huguenots l'ont crucifié & le  
 crucifient tous les iours. Les Espagnols n'ont ia-  
 mais abandonné leur religion: Et les Hugue-  
 nots ont esteint toute religion. Les Espagnols  
 n'ont iamais maldié de leur Roy: Et les Hu-  
 guenots perpetuellement le deschirent. Les Es-  
 pagnols sont bons sujets: Et les Huguenots  
 sont rebelles. Les Espagnols ont conserué l'hon-  
 neur d'Espagne: Et Les Huguenots ont trahy &  
 vendu l'honneur de France. Les Espagnols as-  
 suietissēt les villes pour leur Roy: Et les Hugue-  
 nots s'en emparent pour y tenir contre leur Roy  
 Roy. Qui n'aymera donc mieux estre Espa-  
 gnol que Huguenot. Qui voudroit estanger  
 les vertus des vns avec les Vices qui sont aux au- L'intelligē  
 tres? mais les François (disent ils) ne doiuent promise à  
 auoir intelligence aux Espagnols. Qui leur a dit avec l'Es-  
 cela? De quelle Escole vient ceste doctrine pagnol.  
 que de Geneue? Qui tient ceste proposition  
 que des Ministres? Ne sera il loisible de s'enten-  
 dre avec l'Espagnol, contre le<sup>s</sup> communs enne-  
 mis de la France? Auez vous pas la paix à l'Espa-  
 gnol? Le Roy d'Espagne est il pas vn bon Prin-  
 ce? Qu'a-il fait depuis la paix au preiudice de vo-

Verrus des  
 Hespagnols  
 & vices  
 des Hugue  
 nots.

*L'Espagnol  
alla à la  
France, n'a  
rompu la  
paix.*

estre Estat ? A-il vsé de moyens que le temps luy presentoit ? A-il en vn seul point contreuenu aux articles de la paix qu'il a iurez ? Et neantmoins ô sçait les occasions qu'il a receues de se remuer, & que les heretiques luy ont susciteez, pour s'affermir pendant les guerres estrangieres. Qui ne voit donc leur intention & volonté ? Ils s'efforcent de voller voz maisons, & ne veulent pas, qu'appelliez voz voisins à vostre ayde ? Le Loup veut entrer en la bergerie, & ne veut pas que les bergers voisins luy courent sus. Que si le Duc de Guyse & les Catholiques sont Espagnols, que doiuent estre les heretiques ? Il les faut appeller Allemans Calvinistes : Car ils ont perpetuelle confederation au Casimir, & à quelques

*Heretiques  
ont intelli  
gence avec  
Alemands  
& Anglois, enne  
mis du  
pays.*

Allemands de ceste religion pretendue. De iour à autre ils font associations & ligues ensemblement. Leur heresie est nee au terriouer d'Allemagne. Zuingle & telle autres pestes de nostre tēps se sont esleuez en Allemagne. C'est la nourrice, c'est la forteresse de l'heresie. Ou bien il les faut appeller Anglois, c'est à dire les anciens coniuerez & inueterez ennemis de vostre Couronne. Car tels estions nous auparauant la paix, & tels sont encorés à present les heretiques d'Angle-

*Huguenots  
à present  
solicite  
la descente  
des An-  
glois.*

terre, avec lesquels voz Huguenots ont estreinte confederation. Qui les amis en voz villes que les Huguenots ? Qui les a tirez à leur secours que les Huguenots ? Qui les a fait entrer en France que les Huguenots ? Qu'il leur a emprunté de l'argent que les Huguenots ? Qui les sollicite à present de descendre que les Huguenots ? Donques



les Huguenotz sont les mortelz ennemis de vostre France : Sont les Anglois de vostre France. Et à la verité ce n'est pas sans raison que nous les appellons Anglois. Car comme l'Angleterre est de present l'amas de tous les vices & immunditez qui sont au monde, voz Huguenotz plongez en toute abomination peuent à bon droit estre nommez Anglois. Nous auons horreur que ce nom antrefois tant recommandé pour les vertuz qui l'accompagnoient, soit auourd'huy vn nom d'opprobre, vn nom de contumelie, & que l'heresie l'ayt ainsi miserablement diffamé. Mais quel orgueil aux Huguenotz, Qu'il leur soit loisible auoir des intelligences en Angleterre & Allemagne, & qu'ilz vous blasment d'en auoir en Espagne. Voz intelligences (s'il y en a) sont pour la conseruation de la France, & leurs confederations sont pour la destruction. Ils enuoyent en Dannemarc, en Suede, & aux pays loingrains pour auoir des forces, & vous n'oserez vous ayder du secours de voz bons voisins : Ont ilz quel que prerogative par dessus vous, qu'il leur soit loisible ce qui ne vous est permis ? Nous voudrions sçauoir de qui ilz ont obtenu ces priuileges : En quel lieu ont ilz estez trouuez ? De quel seau ont ilz esté scelez ? Vne chose sçauons nous bien, qu'ilz ne sont de grande antiquité, veu que ceux qui les ont donnez, & ceux qui les ont impetrez, ne sont que de naistre. Mais c'est la Chancellerie de Geneue, qui dispense de toutes choses. On vous y dispense de croire en Dieu, sinon tant & si longuement que voudriez. On vous

*les heretique  
que veulent  
auoir des  
intelligence  
auec les  
ennemis  
du royaume  
et ne  
veulent  
que les Catho-  
lique e  
ayant auec  
des amis:*

*Dispence  
de Geneue.*

dispense d'obeyr à vos Roys, dissimuler vostre religion, de repudier vos femmes, qu'une femme soit chef de l'Eglise, & mille autres regles pratiquées pour la liberté de l'Evangile de Calvin.

*Pourquoy  
les hereti-  
ques haïs-  
sent l'Espa-  
gnol, pour  
3. causes.*

*2. Causes.  
Pour l'in-  
quisition.*

*Huguenots  
nous pen-  
sent faire  
de l'inqui-  
sition.*

Mais ne vous esbahissez, si les heretiques & leurs alliez haïssent tant les Espagnols, & le Roy d'Espagne: Car eux qui n'ont aucune religion, & qui facilement s'emancipent de toute religion, haïssent sur tout l'Inquisition d'Espagne, qui contient les hommes aux bornes de leur religion. Vn Catholique qui croit, & qui sent en la religion Catholique ce qu'il y faut sentir & croire, n'a jamais crainte de l'inquisition. Le Huguenot qui est au contraire, ne craint rien tant que l'Inquisition. C'est pourquoy ils ne font liures qu'ils ne detestent ceste Inquisition, ils en font vn monstre, vne chiche face, vne chimere, dont il font peur aux petits enfans. Et sçavez vous pourquoy? C'est que la haye estant à bas, il sera aysé d'entrer en la vigne. Calvin & de Beze ont tenté d'establir leur doctrine en Espagne, autant qu'en lieu qui soit en l'Europe. Ils pensoient y trouver quelque reste de semence de Mores ou de Sarrazins, avec lesquels facilement ils se pourroient associer: pource que le Calvinisme & la doctrine de Haly, que tiennent les Mores & les Sarrazins ont de grandes conformitez, pour estre toutes deux heretiques en leur loy. Ils se sont leuez la nuict, comme l'ennemy de l'Evangile, & pendât que le pere de famille dormoit, se sont assayez d'entrer au champ pour y semer

femer leur yuroye. Mais ils ont trouué ceste haie d'inquisition forte & viue qui les a gardez de passer outre. Ilz y ont trouué des Catholiques bien fermes. C'est pourquoy ilz la blasment, ilz la detestent, & voudroient volontiers nous en faire peur, combien qu'on ne la vueille introduire en France. Ainsi ont ils faict de toutes choses qui leur ont vertueusement resisté. Tant que le Parlement de Paris a esté la forte haye qui a barré le chemin aux heretiques, tousiours ilz ont crié & abbayé contre luy. Tesmoin les causes de recusation proposees par le feu prince de Condé: Tesmoin la mort du Conseiller Sapin: Tesmoin tant de plainctes contre la Cour, qu'elle vouloit estre la tutrice du Roy, & seule demester les affaires d'Estat. Dequoy ilz ont barbouillé tous les escritz qu'ilz ont composez & mis en lumiere. Tant que la ville de Paris a resisté à l'heresie, tant qu'elle a aymé les Princes Catholiques, tant qu'elle a offert & la vie & la bourse de ses habitans, pour sauuer & soustenir la religiõ, cest contre elle que les Huguenotz ont dressé leurs plumes, leurs langues, & leurs forces. Mais à present qu'elle preste de l'argent au Roy de Navarre que sa bourse s'ubuiant aux affaires du Prince de Códé, quelle tolere le presche à ses yeux: c'est lors qu'ilz laissent Paris en paix, & n'escruiuent plus contre elle, ains luy adressent leurs lettres, la recongnoissent pour vne tresbonne ville, & se attendent bien tost d'y loger, si on veut croire leurs fourriers, afin d'y exécuter vne Comme-  
sainct Barthelemy.

*L'inquisition à gardé l'heresie de prendre pied en Espagne.*

*Les heretiques ont crié contre la cour de Parlement tant qu'elle leur a resisté.*

*Paris preste argent aux heretiques, pour ruiner la religion Catholique*

2<sup>e</sup> Cause. Voila l'une des raisons pour lesquelles ilz hay-  
 sent les Espagnolz. La seconde est, que comme  
 Qu'le Roy l'heresie cherche la ieunelle, à laquelle elle s'at-  
 d'Espagne tache facilement, ainsi en Espagne leur venin  
 n'a pardon s'estoit cloué iusqu'à la personne de Dom Char-  
 né à son les, filz vnique du Roy d'Espagne, Prince certai-  
 filz hereti- nement bien né, mais qui trop inconsidérément  
 que. auala l'amorce & l'ameçon de l'heresie. Et pour-  
 ce qu'à la suasion des heretiques il coniu a con-  
 tre le Roy son pere, & que par honnestes moyes  
 l'ayant voulu reduire à l'Eglise, on trouua sa ieu-  
 nelle accompagnée de trop grande opiniastrété,  
 le Roy d'Espagne ayma mieux violer les droicts  
 de nature, & se priuier d'enfant male, & de suc-  
 cesseur à son Estat, que de rompre la foy qu'il a-  
 uoit promise à Dieu & à l'Eglise, & mettre sa re-  
 ligion en peril, & tout son Royaume en danger  
 d'vne longue & cruelle guerre. Enquoy il a mon-  
 stré ce qu'un bõ Prince doit faire pour l'amour  
 de son Dieu, qui en faueur de ce l'a recompensé  
 de l'augmentation de son Estat, d'une heureuse  
 & seconde lignee. Que s'il eust pardonné à son  
 propre filz, comme lon fit<sup>8</sup> la saint Barthelemy  
 à ceux qui n'estoient cousins que de bien loing,  
 l'Espagne fut en trouble à present comme est la  
 France? le filz fut esleué contre le pere, comme  
 le Roy de Nauarre est esleué contre le Roy:  
 lon eust enleué les villes de son obeissance, &  
 faict en Espagne les sacrileges, les violemens, &  
 brief tous les meschans actes que lon a exercez  
 en France. Qui fut l'occasion aux Ministres de  
 quicter l'Espagne, & penser non sans raison, que

Recompē-  
 se que Dieu  
 fait aux  
 Princes qui  
 le seruent.

L'Espagne  
 en repos  
 pour en a-  
 uoir coupé  
 l'heresie.

La France  
 25. ans en  
 trouble,  
 pour l'auoir  
 recue.



si le Roy n'auoit pardonné à son propre fils,  
qu'on leur chaufferoit les plantes bien asprement,  
si on les pouuoit rencontrer.

L'autre & troisieme raison pour laquelle ils  
hayssent le Roy d'Espagne & les Espagnols. Est,  
que ne pouuans s'establir en Espagne, à cause de  
l'inquisition & du bon ordre qu'on y auoit don-  
né: ils se ietterent en la Flandre, où il n'y auoit  
que desordres. Là ilz trouuerent plusieurs cho-  
ses propres à leurs desseins, comme l'opulence  
des villes, le luxe des citoyens, la superbe &  
legereté du peuple, & le peu d'amour qu'ils por-  
tent naturellement à leur Prince. Dieu sçait si  
l'heresie trouuât ce mesnage, rencôtra ce qu'elle  
demandoit. Par ces moyens elle chassa la reli-  
gion Catholique, pour introduire trois ou qua-  
tre religions contraires, qui toutes sont venuës  
à nulle religion. Et pource que les heretiques  
s'estoient saisis des villes du Roy, les Espagnols  
bons & fideles sujets, ne pouuans endurer cest  
escorne fait à leur Prince, passerent du Midy au  
Septentrion, & de l'Espagne en Flandres, où par  
les armes & forces de la guerté, & non par Edits  
de Pacification, ny argent baillé aux Reistres, ils  
reconquirent vaillamment ce que les gueux a-  
uoient emporté sur leur Prince. De sorte que,  
graces à Dieu, la religion Catholique est resta-  
blie en toute la Flandre, par la vaillance des Es-  
pagnols, que la lascheté des Flamens heretiques  
auoit trop pauurement laissé perdre. Que s'ils  
nomment les Catholiques Espagnols, vous leur  
pouuez dire, que vous aymez mieux estre Espa-

3. Cause  
L'Espagnol  
chassai her-  
esie de  
Flandres.

Espagnols  
regagnent  
ce que les  
Flamans  
auoient  
perdu.

il n'est rien gnois que hugue nots, comme ils sont. Qu'il n'y  
 de si hon- a nom qui porte avec foy, & qui comprenne tant  
 reux que de crimes, tant de vices, & tant de sales ordures  
 d'estreHu- & impuretez, que le nom d'un heretique. Que  
 guenot. devant que d'avoir un Prince Hugueuot, vous  
 iriez chercher non seulement un Espagnol au  
 Le Catho- fond de Grenade, ou de Castile, mais un Tar-  
 que souffri- tare, un Moscoue, ou quelque Scyte qui seroit  
 ra plustost Catholique. Que ce mot de Hugueuot est en  
 vntartare telle horreur, pour leur monstrueuse doctrine,  
 quevnRoy & pour leurs execrables vices, qu'on ne vous  
 Huguenot. scauroit rien représenter qui vous soit plus à cō-  
 tre cœur.

Ilz vous nomment aussi Liguez, & les princes  
 de la maison de Guyse, & disent que vostre li-  
 Que la li- gue n'est pas sainte, mais quelle est sainte, Car  
 gue sain- ce sont leurs allusions coustumieres. Toutesfois  
 cte est lici- c'est une folie de vous reprocher ce qu'on doit  
 te. reprocher à eux-mesmes. Peuvent-ils nier qu'ils  
 ne foyent liguez, veu que leurs ligues & associa-  
 tions sont toutes publiques? Mais peuvent-ils  
 nier qu'ils ne vous aient montré le chemin de  
 vous liguez, veu que leurs ligues sont premieres  
 que la vostre? Si c'est un crime que la ligue, ils en  
 Huguenots sont les pre- font les premiers attachez. Ilz ne peuvent donc  
 miers li- venir à l'accusation, qu'ilz n'ayent premieremēt  
 gueZ. une justification. Ilz <sup>ne</sup> en peuvent reprendre en  
 vous ce, dont ilz vous ont donné le patron, &  
 l'exemple. Que s'il leur est loisible de se liguez  
 pour affermer leur nouveauté: pourquoy ne  
 vous fera-il permis de vous liguez pour defen-  
 dre vostre antiquité? Ilz sont ligues pour l'ofen-

siue, & vous n'en ferez pas pour la defenſiue. Ilz *Les payſans*  
 ſont liguez pour oprimer l'Egliſe : Et vous ne le *ſe lignent*  
 ferez pas pour la defendre : Les payſans ſe liguēt *pour chaſ-*  
 & ſ'aſſemblent pour tuer les loups, ils les huent, *ſer les*  
 ilz les pourſuiuent & les vont chercher iuſques *lousps.*  
 en leurs cauernes. Et l'heretique, qui eſt pire que  
 le loup, ne ſera-il pas hué, ne ſera-il pas vené &  
 pourſuiuy iuſques à ce qu'il rende les abois : Ilz  
 doiuent craindre que ceſte ligue ne ſoit pas fain-  
 te. Car la verité en apparoiſtra trop toſt ſur leurs  
 reſtes. Ceſte ligue eſt leur mort, c'eſt leur licol, *Pourquoy*  
 c'eſt leur perdition, c'eſt pourquoy ils la crain- *le Hugue-*  
 gnent & la deteſtent tout enſemble. Auſſi iamais *not deteſte*  
 vn pendu ne trouua beau ſon gibet : Combien *la ligue*  
 que le bois ſoit heureux par lequel la Juſtice eſt *sainte.*  
 executee. Quand à voſtre ligue, c'eſt vne ligue  
 Sainte, & non pas fainte. Elle eſt Sainte, puis-  
 que c'eſt pour la querelle de Dieu, qui eſt le Sainct *La ligue*  
 des Saints. Elle eſt ſainte, puis-que ceſt pour la *des Catho-*  
 conſeruation de l'Egliſe : qui eſt la communion *liques eſt*  
 des Saints. Elle eſt Sainte, puis-que ceſt pour la *Sainte, &*  
 manutention de voſtre religion, qui eſt Sainte, *pourquoy.*  
 Elle eſt Sainte, puis-que c'eſt pour voſtre pays,  
 pour le Roy, & pour le peuple Chreſtien qui eſt  
 Sainct. Et commēt ne ſero it-elle Sainte, veu que  
 elle eſt faite pour extirper les heretiques, les ſa-  
 crileges, les violateurs de Nonnains, les deſtrui-  
 ſeurs de Tēples, les pilleurs de reliques, les maſ-  
 ſacreurs de Preſtres, & les perturbateurs de tout  
 le droit diuin & humain?

On a, diſent ilz voulu associer le Caſimir à ce-  
 ſte ligue : Comme ſi les Catholiques auoient af-

*Les Catho-  
 liques ont  
 en abomi-  
 nation le  
 Caſimir*

faire du Casimir. Comme si le Casimir n'estoit pas heretique, avec lequel il est defendu aux Catholiques de s'associer. Combien d'heretiques se sont offerts de les suivre, & dont ils ont refusé de s'accompagner? Les Israélites n'ont aucune affinité aux Mohabites. Mais c'est grand cas, que les heretiques de France ne parlent que de leur Casimir. Ilz ne chantent que de luy. Ils ne font targe que de luy. Comme si l'on ne cognoissoit pas la mouche, dont ilz font leyr Elephat: Est-ce pas vn Cadet d'Alemagne, qui escume toutes les terres de ses voisins, comme vn Pirate tout le pillage: & qui se faiet arbitre du differend des Roys de l'Europe? Est-ce pas luy à qui la Roynne d'Angleterre parla si bien en l'an mil cinq cens septiète huit? Est-ce pas luy qui n'osa oncq' s'attaquer au Duc de Parme & à ses Espagnols? Il scauoit bien qu'on le receuroit tout autrement que lon ne fait en France: Car qui tient le pied ferme cõtre la demarche des Huguenots, les espouuante, voire les pert entierement.

*Qui est ce  
Casimir*

*Le Prince  
de Parme  
est l'epou-  
uante du  
Casimir.*

*Responce  
à la calom-  
nie de la re-  
uolte impu-  
tee aux*

*Huguenots  
ressemblẽt  
le renard.*

Mais respon-õs à ce qu'ils vous appellent reuoltez cõtre le Roy leur Seigneur: Car ces honnestes tiltres & magnifiques qualitez qu'ils donnent à present au Roy nous esbaissent, veu que par leurs liures, ilz l'ont bien autrement qualifié. Ne ressembtent ilz point au renard qui louoit la corneille, à fin qu'elle luy laissast tomber en la gueulle le fourmage qu'elle tenoit en son bec? Il y a grande apparẽce qu'ilz flattent le Roy, afin qu'il declare pour son successeur le Roy de Na-



uarre: Car ilz n'ont vsé de ces termes d'honneur *Heretiques*  
 fteré que depuis la mort du Duc d'Anjou. Les he- *enfants du*  
 retiques vsent du temps, & sont le iouët du tēps *temps qui*  
 qui les fait & les defaict, sans qu'on sçache qu'ilz *les fust*  
 sont deuenuz. En leur necessité il n'est rien si trai- *defaict.*  
 stre en leur prosperité, il n'est rien si superbe.

Le Duc de Saxe estant prisonnier de l'Empereur *Heretiques*  
 Charles cinquiesme, l'appelloit inuincible Em- *flateurs &*  
 pereur, & le nommoit son pere, combien qu'e- *dissimula-*  
 stant en liberté, il le nommast par vn *teurs.*

Charles de Gand. Mais luy dict l'Empereur, le  
 ne suis point ton pere, & ne le veux estre de telz  
 enfans comme toy, ains ie suis pere de mes bons  
 & loyaux sujets. Le Roy en peut autāt dire aux  
 heretiques, qu'il n'est & ne veut estre Seigneur  
 de telz subjects, mais bien Seigneur & Roy de  
 ses bons & loyaux subiects catholiques: lesquelz  
 ne peuent estre renoltez, veu qu'ilz ne se sont *le Catho-*  
 iamaiz armez contre le Roy. C'est la difference *liques ne se*  
 qu'il y a des heretiques & des Catholiques. Car *reache.*

l'un est tres-obeissant, & l'autre tres-deloyal & re-  
 belle subiect. Quelles Cours de Parlemer ont ia-  
 mais condāné les Catholiques de rebellion, cō-  
 me ilz ont faict les heretiques? Où en sont les ar-  
 restz? Qui les a prononcez? Quelz Princes y ont  
 assisté? Les armes ne font pas la rebellion, mais la  
 cause. Le Roy defunct a plusieurs fois approuué  
 la cause pour laquelle les Catholiques se sont li-  
 guez & armez de present. Et cōbien d'Ordōna-  
 ces ont esté faites par le Roy François premier, &  
 Henry second, pour extirper les heretiques? Ce-  
 ste ligue n'est faicte qu'à ceste intention, Notre

*Le Roy  
chef de la  
cause des  
Catholi-  
ques.*

*La cause  
dure enco-  
res.*

*Calomnie  
que le Duc  
de Guyse  
est foncieux  
de la suc-  
cession.*

Roy qui est de present fest declaré Chef & Protec-  
tateur de ceste cause. Il fest en personne trouué  
aux batailles: Il a conduit les troupes, & a prote-  
sté ne rien tant desirer que la ruine des hereti-  
ques. Ceste mesme cause dure encores, & n'a ia-  
mais changé. Les Princes Catholiques qui vcu-  
lent remedier au mal de l'heresie, ne cherchent  
que de la deffaite: C'est leur but, c'est leur inten-  
tion, c'est où ilz desirent de mourir. Si le Roy a  
esté, & est encores de ce party, où fonderont ilz  
vne reuolte? Et quand il n'en feroit, les appelle-  
roit on reuoltez? C'est le propre des heretiques  
de iouër à la reuolte, & non aux Catholiques: car  
en l'Eglise Catholique il n'y a rien de rebellion,  
il n'y a que douceur & obeissance. Les enfans de  
l'Eglise ne se separent iamais du giron de l'Egli-  
se. Les enfans de Satan facilement s'en distrayét:  
& pource qu'ilz sont transportez d'orgueil, ilz  
blasment, ilz mesprisent leur mere, & de despit  
luy rompent & deschirent ses vestemens. Le pre-  
mier degré de reuolte est contre Dieu & contre  
l'Eglise, & le second de se reuolter contre les  
Roys.

Mais passant outre, venons à ce qu'ils disent,  
que le Duc de Guyse & les Catholiques ont  
grand soucy de la succession du Roy. En quoy  
vous voyez l'esprit de Sathan, qui accuse les Ca-  
tholiques de desirer ceste succession, laquelle le  
Roy de Nauarre ne desire pas seulement, mais la  
deuore desia par esperance. Car pour s'en appro-  
prier, il a enuoyé en tous les quartiers de l'Euro-  
pe vers ses confederes, pour l'ayder de leurs for-

ces, de peur que ceste succession ne luy eschappe. Quant aux Catholiques, tous d'un mesme cœur souhaitent qu'il pleust à Dieu de donner vn fils au Roy, qui fust successeur de sa couronne. Le Roy sçait que les Catholiques ont prié Dieu publiquement en leurs Eglises, & particulièrement en leurs maisons, qu'il luy donast lignée. Enquoy ils sont bien differens des heretiques qui ont dict & escrit par plusieurs fois, qu'il falloit tuer la Roynne mere, & les petits.

Car ainsi parlent ilz du Roy & de sa mere. Que s'il n'a plu à Dieu les exaucer, pourquoy trouvent ils mauvais que l'on supplie le Roy de nōmer vn successeur? Ce qu'ils en font est pour obvier aux troubles de la France. Ilz ont pitié du peuple ruiné. Celuy qui sera nōmé du Roy sera receu du peuple. Chacun iectera l'œil sur luy, comme sur la seconde personne du Royaume.

Mais les miserables heretiques, brouilleurs d'Estats, que nature a faict naistre comme bourrasques de Satan, & qui en vn moment tempestent & renuersent les plus asseurez nauires & meilleurs Gouuernemens & Royaumes, & puis soudainement se perdent: Ces mesmes pestes d'heretiques ne veulent que le Roy nōme vn successeur, afin que par armes la Frâce soit perpetuellement agitée. Et disent, que le Duc de Guyse se debat grandement de ceste succession: & qu'il ne tend qu'à paruenir à la Couronne. Comme si le Duc de Guyse eust recherché ses amis pour l'eninuestir ainsi qu'à faict le Roy de Nauarre. Il y a trop long temps que luy & son Admiral ont té-

*Les heretiques ont escrit du Roy*

*& de sa mere, qu'il faut tuer la mere & les petits.*

*Il est necessaire de pourvoir à vn successeur.*

*Heretiques brouilleurs que Sathā.*

*Que le Duc de Guyse ne recherche la couronne.*

té par les armes le gué de la Royauté, afin d'y  
trouuer paillage. Mais l'ayant veu trop profond  
& perilleux, ilz se sont essayez d'obtenir par fi-  
nelle, ce que la voye de faict n'auoit peu leur dō-  
ner. Toutesfois ce moyen s'est trouué court, e-  
stant par la grace de Dieu voz Roys eschappez  
de tous leurs aguerz, qui ont esté descouuerts &  
dissipez par la maison de Guyse, qui n'a iamais e-  
sté que tresfidele à voz Roys, & tresvtile à vostre  
couronne. Et combien que les rebelles & mau-  
uais sujets l'accusent d'infidelité, les heretiques  
d'irreligion, les Daciens de nouuelles impositiōs  
si est ce qu'elle ne s'esmeut de telles calomnies,  
ains se tient ferme sur la base, & le pied-d'estal  
de sa vertu, qui ne craint ny lalangne, ny les ar-  
mes des heretiques & de leurs partisans. Il y a  
vingt-cinq ans & plus, qu'ilz despitent, qu'ilz  
enragent de les voir si bien venuz en France, si  
amis des bons, si chers de la Noblesse, & de tou-  
tes personnes de valeur. Mais ils pourront bien  
creuer deuant que ces Princes oublient vn seul  
petit poinct de la generosité de leurs majeurs, &  
religion de leurs ancestres. Et faut qu'ils s'asseu-  
rent, que tant qu'ils auront des forces, tant qu'ils  
trouueront des moyens, tant qu'ilz auront vn fi-  
let de vie, l'heresie sera par eux combatuë, & les  
ennemis de vostre Couronne dissipez.

Voila, Messieurs, l'État de vostre maladie,  
voila les fautes de ceux qui vous ont pensé, voila  
le danger ou voz Medecins precedens vous ont  
iecté, & les remedes prompts, assurez, & faci-  
les dont vous deuez vser pour le recouurement

*La maison  
de Guyse  
ne s'esmeut  
des actions  
en mesdis-  
sance des  
heretiques.*

*Protestatiōs  
des Princes  
Catholi-  
ques.*



de vostre santé. On vous a remonstré la violence du mal, pour la craindre: les fautes des Medecins, pour les euter: le dāger où vous estes, pour vous en sauuer: & les remedes pour les prendre. Nous estimons que si Dieu, si son Eglise, si la religion ne vous esmeuent, du moins que le peril de voz vies, & la perte de voz biens vous esmouueront. Nostre misere vous sert d'exemple, nostre calamité de patron, nos tourmēs de miroir, pour y voir l'inconuenient qui vous est proche. Vous auez des Medecins signalez en fidelité, singuliers en experience, & recommandez en bonne volonté. C'est pourquoy vous les deuez croire, & deuez estimer d'eux, que iusques à la mort ilz sont deliberez de trauailler en vostre cure, & de purger vostre corps des humeurs peccantes qui les ruinent. Et quant aux heretiques & leurs allicz, puis que la patience & misericorde n'auāce rien à leur conuersion, il faut qu'ilz croient qu'il y a là haut vn Dieu, vn grād Dieu, iuste vengeur des oppressions que lon fait à l'Eglise, vn Dieu qui ne mettra iamais en oubly la Frāce, vn Dieu qui brisera d'vne puissante main ces superbes esprits, ces opiniastrs courages qui l'ont tant de fois outragé. Duquel le iugement sera si seuer, que nous verrōs de nos iours, que la race en tombera par le cousteau, & nul ne sera d'eux qui soit assis sur le trosne de Dauid. Il y a ja long tēps qu'ils tēpestent, qu'ils saccagēt, & cōfondēt tout: Tant de batailles perdues, tāt de leurs trouppes rompues, tant de iournées espouuentables ne leur ont percé le cœur. Leurs esprits se sont

plus obstinez, leurs courages pl<sup>9</sup> endurcis, leurs forces plus roidies contre la très haute bonté de Dieu, de sorte qu'il ne reste rien, sinon que desesperez en leur mal, & reprouuez en leur obstination; ils perissent misérablement, & sentent l'espouuenable chastiment qu'ils meritent.

C'est à present que Dieu vous excite de vous euertuer contr'eux. Il vous semond de vous armer, & vous remuer pour sa querelle. Il vous propose l'Eglise son épouse, belle dessus toutes les belles, pudique, & vertueuse s'il en fut oncq. Il la vous monstre descheuelee, battue, & outragée, & ses vestemens rompus & deschirez par les heretiques. Bref il la vous represente au plus piteux estat, au plus miserable point qui fut oncques. Il vous dit, Voila mon épouse, Voila ma compagne, Voila vostre mere: Auisez les opobres, Voyez les hontes; lugez les vergongnes, & les mespris qu'elle a receuz. Et si vous estes bons enfans, si vous estes mes bons & loyaux seruiteurs, relentez avec moy les iniures, les indignitez les contumelies qu'on luy a faites. Elle vous tend les bras, vous implore à son ayde, vous semond à vostre deuoir: Ne desniez secours à celle à qui vous auez tant & si grâde obligation: Liguez vous pour la maintenir, armez vous pour la soutenir, mourez tous pour la retenir. Car si vous faites ainsi, vostre Couronne augmentera, vostre loy reuerdira, & vostre Lis res fleurira plus que iamais. Vous verrez perpetuer vostre nom, & publier vostre renom sur toute la face de la terre. Mais si vous estes si lasches que mes querel-

les ne vous touchent, que le mespris que lon fait de moy ne vous esmeue : Je vous feray le butin de mes ennemis & des vostres. Je vous donneray en oprobre , & en perpetuelle mocquerie des nations voisines. Vous ferez le iouët, vous ferez la risée des heretiques & de leurs Ministres: Je feray qu'ils se saouleront de vos entrailles, ils s'egorgeront de vostre chair, ils s'enyureront de vostre sang. Voz citez ne regorgeront que de voz charongnes, voz gibets ne puront que de voz voyries, & les champs ne blanchiront que de voz os. Voz enfans maudiront la memoire de leurs peres, condamneront vostre lascheté, & regretteront que les abismes ne les aient engloutis. Voyez vous bien ce que la paillarde d'Herésie commet en Angleterre. La voyez vous superbe, cruelle, & insatiable! Je l'acharneray sur les François, plus qu'elle n'est sus les Anglois. Je la feray vn tigre dessus vous, vne lionne sur voz enfans, vne ourse sur voz petits. Les Laics esgorgeront voz Ecclesiastiques, les roturiers massacreront voz Nobles, les brigâds meurtriront voz Iusticiers. Je vous donneray vn Ciel d'airain, & vne terre de fer, l'armeray le paysant cōtre le citadin, le citadin cōtre le Noble, le Noble contre le Prince. Je mettray vne telle confusion en la France, que vous regretterez à iamais, vous maudirez à iamais le iour, où par vostre lascheté vous aurez donné chemin au Roy de Nauarre de parvenir à vostre Couronne.

LOVANGE SOIT A DIEU.



*Saint Hierosme contre Ruffin.*

**La part où il s'attist du peril de la  
religion le puis mourir, mais ie  
ne me puis taire.**





